



হলদ
বসন্ত

বুদ্ধদেব গুপ্ত

BanglaBook.org

শাহ্নুদ বসন্তাঃ

The Online Library of Bangla Books
BANGLA BOOK.ORG

ফোনটা বাজছিল।

অন্য প্রান্তে ফোনটা কুরুর—কুর কুরুর—কুর করে কোনও মেঘলা দুপুরের কামাতুরা কবুতরের কথা মতো বাজছিল। শুনতে পাচ্ছিলাম। এখন রাত প্রায় সাড়ে নটা। টেলিফোনটা ওদের বাড়ির সিঁড়ির কাছে আছে। এখন বাড়িতে কে কে থাকতে পারে? সুজয় নিশ্চয়ই আড্ডা মারতে বেরিয়েছে; ক’দিন বাদে দোল; পাড়ায় দোল-পূর্ণিমার কাংশান হবে; তাই নিয়ে পাড়ার রুস্তমরা ব্যস্ত! কাংশান না কচু। ইলিশ মাছের খোল দিয়ে ভাত খেয়ে রেলিশ করে কিছু মেয়ে দেখা। রুস্তমদের বঙ ফিকে হয় না। বুকের লোম পেকে গেলেও না। বেশ আছে ওরা। টেবিল-টেবিলে মোড় বৃদ্ধ বালখিল্যের দল! নয়নার মা নিশ্চয়ই ঠাকুর ঘরে চূপ করে বসে আছেন। এমন ভাব, যেন পৃথিবীর যাবতীয় ঘটনা-দুর্ঘটনা সব ওই ঠাকুরঘরের কন্ট্রোলরুম থেকেই রেডিও কন্ট্রোলে নিয়ন্ত্রিত হচ্ছে:

ফোনটা বাজছেই—বাজছেই—বাজছেই।

নয়না এখন কী করছে? বোধ হয় মুমুচ্ছে! সারাদিন পরিশ্রম তো কম নয়। নয়নার কথা ভাবলে আশ্চর্য লগে। ওর সমবয়সী মেয়েদের পটভূমিতে ও বর্ষার জল-পাওয়া মৌরলা মাছের মতো লাফায়, অথচ ও আমার কাছে এলে শীতের সংকোশ নদীর ঘরেমা মাছের মতো ধীর হয়ে থাকে। আস্তে মাতা দেলায়, আলতো করে চোখ তুলে চায়, মুখে যত না বলে, চোখ দিয়ে তার চেয়ে বেশি কথা বলে। ওকে বুঝতে পারি না—ওকে একটুও বুঝতে পারি না। অথচ ওকে কী করে কোমাই যে ওর এক চিলতে হাসি, ওর এক ঝিলিক চোখ চাওয়া—এইসব সামান্য সামান্য দান আমার সমস্ত সকাল, আমার সমস্ত দিন কী অসামান্য মহিমায় মহিমামণ্ডিত করে তোলে! গত পাঁচ বছর ধরে কখনও এ কথাটা ওকে কোমাতে পারিনি— কিংবা ও বুঝলেও, না বোঝার ভান করে থেকেছে।

‘হ্যালো।’—ওপার থেকে নয়নার মার গলা শোন! গেল। গস্তীর, ঠাণ্ডা, নিরুৎসাহবাক্তক গলা। অথচ ৩৬মহিলা আমাকে যথেষ্ট স্নেহ করেন। বপুর মা তো বটেই। আমি ফোন করলেই শুধোন, ওদের বাড়ি কেন বাই না—কাকিমার আর্থরাইটিস্ কেমন আছে—? মিনুর বাচ্চাটা (২ নং) ভাল আছে কি না ইত্যাদি, ইত্যাদি। অথচ তবু, আমার ইচ্ছে করে না ওর সঙ্গে কথা বলতে। বোধ হয় মনে পাপ আছে বলে। আচ্ছা, ভালবাস কি পাপ? জানি না। বোধ হয় অন্যায়ভাবে, জোর করে ভালবাসাটা পাপ; নইলে এমন ভীকতা, চোর চোর ভাব, অন্যায় বোধ আসে কেন?

আবার শুনলাম, ‘হ্যালো! হ্যালো! হ্যালো!’

কোনও উত্তর দিলাম না। কেন দেব? আমি তো ওর সঙ্গে কথা বলতে চাইনি! আমি থেকে ফিরে, পায়জামা-পঞ্জাবি চাপিয়ে আরম্ভ করে শোফটায় আসনপিড়ি হয়ে বসে পাখাটা আস্তে খুলে দিয়ে আমি নয়নার সঙ্গে কথা বলব বলেই ফোন ডায়াল করেছিলাম। আমি তো অন্য কাউকে চাইনি। আমি তো অন্য কাউকে চাই না।

ভালবাস, রিসিভার নামিয়ে রেখে দিই। কিন্তু হঠাৎ দেহাভাওরীণ কণ্ঠে যান্ত্রিক গোলযোগে

অনিচ্ছায় মুখ ফসকে বেরিয়ে গেল, হ্যালো । আমি স্বজু ।

কী ব্যাপার ?

লজ্জায় মরে গেলাম । ঈস্ । তবে কি ঠাঁর কাছেও ধরা পড়ে গেলাম ? বললাম, কোনও ব্যাপার নেই । মানে, নয়না আছে ? গতকাল আপনারদের ওখানে গিয়েছিলাম—বসবার ঘরে আমার দেবাজের চাবিটা খোঁধ হয় ফেলে এসেছি । পাচ্ছি না ।

মাসীমা আবার শুধোলেন, তোমার গাড়ির চাবি ফেলে গেছ ?

আমি বললাম, না । দেবাজের চাবি । (গাড়ির চাবি ফেলে এলে আর গাড়ি চালিয়ে বাড়ি এলাম কী করে ? যাচ্ছতাই । কানে আজকাল কম শুনছেন ।)

কোথায় ফেলেছ মনে আছে বাবা ?

আমি বললাম, নয়নাকে একবার জিজ্ঞেস করুন না ? কাল ও কাছে ছিল, গল্প করছিল ।

দাঁড়াও । ফোনটা ধরো একটু ।

শুনতে পেলাম, সিঁড়ির তলায় দাঁড়িয়ে মাসীমা নয়নাকে ডাকলেন । গম্গম করে উঠল । যেমন গম্গমে গলায় আমার মাথার মধ্যে নয়নের নাম শুনি আমি—কোনও অসহ্য একলা গরম দুপুরে ।

কিছুক্ষণ চুপচাপ । রাস্তা দিয়ে একটা গাড়ি যাওয়ার আওয়াজ শুনলাম । রিসিভারের জালে ডাবল হনটা বামবামিয়ে বেজে উঠল । একটু পরে নয়না এসে ফোন ধরল ।

কী হল ? হলটা কী ?

আমার চাবি ।

আপনার চাবি ?

হ্যাঁ । আমার চাবিটা, দেবাজের চাবিটা ; তোমাদের বাড়ি কাল ফেলে এসেছি ।

পাচ্ছেন না ?

না ।

জ্বালালেন । দাঁড়ান দেখি ।

কিছুক্ষণ পর ফিরে এসে বলল, সব তো দেখলাম, সোফার কোণা, মেঝে ; এমনকী রাস্তায় যেখানে আপনার গাড়ি ছিল সেখানে অবধি । যদি গাড়িতে উঠবার সময় পড়ে গিয়ে থাকে, তাই ভেবে । কিন্তু নেই । পেলাম না ।

নেই ?

না । বললাম তে পেলাম না ।

পাবে না ।

মানে ?

মানে, আমার চাবি আমার সামনেই আছে । হারায়নি । বলেই টুং টুং করে চাবিটা রিসিভারের সঙ্গে বাজালাম ।

ঈস্ । কী খারাপ আপনি— ভারী অসভ্য । কেন অমন করলেন ?

তোমার মা কেন ফোন ধরলেন ?

মা কী বম ?

আমার বম । আমার ভীষণ ভয় করে তোমার মাকে ।

আমার মার মত লোকই হয় না ।

ভারপর একটু খুশি খুশি গলায় বলল, তারপর ? আপনার কী খবর বলুন ?

আমি বললাম, আমার আবার কী খবর ? তোমার সঙ্গে একলা কথা বলতে, একলা দেখা করতে ইচ্ছে করে । ভাল লাগে । তাই অফিস থেকে ফিরে তোমাকে ফোন করলাম । তুমি বিস্ময় হলো ?

না, আপনার ফোন এলে আমার ভাল লাগে ।

আমার চিঠি পেয়েছ ? পরশু পোস্ট করেছিলাম ।

হঁ ।

কেনম লাগল ?

ভাল ।

শুধু ভাল ?

ভীষণ ভাল ।

একটারও জবাব দাও না কেন ?

মানে, সময় হয়ে ওঠে না, তাছাড়া আপনার মতো ভাল চিঠি লিখতে পারি না । ‘কেমন আছেন ? ভাল আছি । কলেজের প্রিন্সিপাল আজ এই বললেন’ এই রকম চিঠি লেখার তো কোনও মানে হয় না । যেদিন আপনার মতো করে লিখতে পারব, সেদিন লিখব ।

অনেকক্ষণ চুপ করে থাকলাম ।

কী হল ? কিছু বলুন ।

তুমি আমাকে ভালবাসো না কেন ?

বাসি না ?

না ।

খুব বাসি । (বলে একটা নিঃশ্বাস ফেলল ।)

আমি অনুক্ষণ, অনুক্ষণ তোমার কথা ভাবি, তোমার কথা ভাবি, আর তুমি আমাকে একটুও ভালবাসো না ।

তারপর আবার চুপ । কোনও কথা নেই । হঠাৎ নয়না বলল, ভালবাসলে কী করতে হয় ?

কী জবাব দেব জানি না । ইচ্ছে হল বলি, চুমু খেতে হয়, আষাঢ়ের প্রথম বৃষ্টির মতো বুকে ঝাঁপিয়ে পড়তে হয়—অনিমেয়ে, আল্লোষে অন্যের মধ্যে আল্লাত হতে হয় । কিন্তু ওসব কথা বলা যায় না ! একবার মুখ ফসকে বেরিয়ে গেলে আর ফেরানো যায় না । ঝড় একবার উঠলে নদীতে কত বড় বড় চেউ উঠবে তা আমি জানি না—সে চেউয়ে হাল ধরতে পারব কিনা তাও জানি না ! তবু খুব ইচ্ছে করল, বলি—যে-কথা সব-সময় বলতে চাই—ঘুমুবার সময় বলতে চাই, ঘুম ভেঙে বলতে চাই—কাজের ফাঁকে ফাঁকে বলতে চাই—সেই কথা বলবার জন্যে আমায় আমন্ত্রণ জানাল নয়না ; অথচ আমি কিছুই বলতে পারলাম না । ভালবাসলে কী করতে হয় এই সরল সোজা প্রশ্নের উত্তরে বললাম, জানি না ।

নয়না সঙ্গে সঙ্গে বলল, আমিও জানি না ।

একটুক্কণ চুপচাপ ।

আমি বললাম, তুমি কী শাড়ি পরে আছ ?

বাঙে ; বাড়ির শাড়ি ।

তবু, বলো না !

হলুদের মধ্যে কালো কাজের একটি কটকী শাড়ি ।

আর জামা ?

উঃ, জ্বালানেন আপনি । হলুদ জামা ।

দাঁড়াও, মনে মনে আমার চোখের আয়নায় দাঁড় করিয়ে তোমায় দেখে নিই । বাঃ, ভারী সুন্দর দেখাচ্ছে তো ! ছব্বছ একটি হলুদবসন্ত পাখি ।

নাঃমটা পছন্দ, কিন্তু আমি তো সুন্দর না ।

তুমি সুন্দর না ?

সবাই বলে ।

সবাইর তো চোখ নেই । তোমার সৌন্দর্য সকলের জন্যে নয় ।

থাক, বানিয়ে বানিয়ে বলতে হবে না । বাঙে কথা রাখুন । টেনিস খেলতে গিয়ে পায়ের চোট লেগেছিল, এখন কেমন আছে ?

কাল থেকে ভাল ।

তবু, পুরোপুরি সারেনি তো ?

না ! এখনও একটু ব্যথা আছে ।

কয়েকদিন না খেললে কী হয় ? খেলোয়াড় যা, সে তো আমি জানি । যান তো অনেক সুন্দরী সুন্দরী মেয়ে দেখতে । তাই না ?

সব মেয়েকে আমার দেখতে ইচ্ছে করে না । তার চেয়ে যোড়ফরাস দেখতে আমি বেশি ভালবাসি ।

উপমাটাও ভদ্রজনোচিত দিতে পারেন না ? আপনি সত্যিই একটি জংলি হয়ে যাচ্ছেন ।

আমি তো জংলিই ।

বাঃ । খুব বাহাদুরীর কথা, না ?

বাহাদুরী নয় । আমি যা, আমি তাই । তোমাদের সংজ্ঞায় সভ্য হতে চাই, সবসময় চেষ্টা করি ; পারি না, সত্যি সত্যি পারি না ।

চেষ্টা করুন, চেষ্টা করতে থাকুন । কঠিন কাজ কী কেউ একবারে পারে ? ওঃ শুনুন, মনে পড়েছে । আপনার সেই লেখাটা আমার বাঙ্কবী সুমিতার খুব ভাল লেগেছে । আপনার সঙ্গে আলাপ করতে চেয়েছে ।

জানোই তো আমি যার-তার সঙ্গে আলাপ করি না । কিন্তু লেখাটা তোমার কেমন লেগেছে বলোনি তো একবারও ?

আমার ? আমার মত দিয়ে কী হবে ?

তুমি জানো না কী হবে ?

না । জানি না ।

তুমি নিজে একটি জংলি । পৃথিবীসুদ্ধ লোক হাই-ফাই এমপ্লিফায়ারে চিংকার করে আমাকে ভাল বললেও আমার যতটুকু না আনন্দ হবে, তুমি একা যদি আমায় ভাল বলো—আন্তরিকভাবে—তাতে আমার অনেক বেশি আনন্দ হবে ।

তাই হবে বুঝি ?

জানো নয়না, ছোটবেলা থেকে জনারণ্যের মুখ চেয়ে বড় হইনি—আজও মাত্র একজন দুজনের দাক্ষিণ্যে বেঁচে আছি—যা কিছু করার করছি—তাই তাদের মধ্যে কেউ যদি ফাঁকি দেয়, তখন অন্ধের মতো দিশেহারা হয়ে পড়ি—পথ দেখতে পাই না । কী করব বুঝতে পারি না । বুঝলে ?

বুঝলাম, কিন্তু আমি কোনও অন্ধের যষ্টি হতে রাজি নই ।

তা আমার মতো করে আর কে জানে ?

কিছুক্ষণ চুপ ।

কী করছিলে ? ঘুমুচ্ছিলে ?

না স্যার । আপনার মতো সবসময় ঘুমুই না । সোমবার পরীক্ষা । পড়িলাম ।

কী পরীক্ষা ?

উইকলি পরীক্ষা ।

তা হলে তো এতক্ষণ কথা বলে অনেক সময় নষ্ট করলাম ।

না । এতটুকুতে আর কী ক্ষতি হবে ?

বললাম, তবু যাও পড়ে গিয়ে লক্ষ্মী, সোনা মেয়ে ।

নয়না বলল, আচ্ছা । ও এমনভাবে ফোন ছাড়ার আগে ‘আচ্ছা’ বলে, মনে হয় সুন্দর সুগন্ধি কোনও ভালবাসার চিঠিতে শীলমোহর দিল । চুমু খাওয়ার মতো মিষ্টি করে বলল, আ—চ্ছা ।

তুমি ছাড়ো ফোন ।

না । আপনি আগে ছাড়ুন ।

ফোন ছেড়ে দিলাম ।

এই মুহূর্তে আমার এত ভাল লাগছে যে কী বলব ! আমার কী যে ভাল লাগে ; কী যে ভাল লাগে । নয়নার সঙ্গে এই যে একটু কথা বললাম, এর দাম জানি না । কিন্তু এমন হয় তাও জানি না । কীই বা জানি ? কতটুকু বা জানি ? শুধু জানি যে শোবার সময় ফোন ফুরফুর করে বসন্তের ব্যতাস মাধবীলতাটায় দোল দিয়ে আমার নেটের মশারিতে ঢেউ তুলে উত্তরের জানালা দিয়ে পথে

বেরোবে—তখন আমি রাজার মতো, মহারাজার মতো, বিড়লার সমান বড়লোকের মতো আরামে, আবেশে, নয়নার উজ্জ্বল চোখ দুটি ভাবতে ভাবতে ঘুমিয়ে পড়ব। সেই আনন্দের বদলে আমি আর কিছুই চাই না। কিছুতেই তো বিনিময় করতে পারি না।

২

এই একটা দিন। রবিবার। সারা সপ্তাহ এর মুখ চেয়ে থাকা। সপ্তাহে ছুদিন সকাল ৮টা থেকে রাত ৭টা করি। ভাল লাগে না। মাঝে মাঝে গা জ্বালা করে। কিন্তু ওই যে পুরুষালী জেদ। কজন লোক আর শুধু পয়সার জন্যে ঝাটে? ঝাটে লোকে জেদের জন্যে। আমি পারি, ভাল করে পারি, এইটে প্রমাণ করার জন্যে। বিজিতেনবাবু একদিন বলেছিলেন; তখন আমি ছেলেমানুষ; সবে ইঞ্জিনিয়ারিং পাশ করে কারখানায় ঢুকেছি। বলেছিলেন, প্রফেশনাল ফার্মে গুডউইল নিজের নিজের তৈরি করে নিতে হয়—বাপ-কাকার নামে চলে না। মামা বড় এঞ্জিনিয়ার বলে লোকে আপসে ভাগ্নেকে বড় এঞ্জিনিয়ার বলবে না। মানে, কটাক্ষ করে এমনভাবে কথাটা বলেছিলেন যে, মনে লেগেছিল। ভেবেছিলাম মামা-বেচে খাব এই ব্যা কেমন কথা? যে নিজের পরিচয়ে পরিচিত নয়, নিজের মর্যাদায় প্রতিষ্ঠিত নয়, সে আবার পুরুষ কীসের? ব্যস। ওই জেদেই গেল। মাথার চুল পাতলা হল, চোখের কোণায় কালি জমল, চেয়ারে বসে বসে তলপেটে চর্বির আস্তরণ পড়তে লাগল। বিনিময়ে, বুকুর কোণায় হয়তো কিছু আত্মবিশ্বাস জন্মাল।

সত্যি বলতে কী, এরকম সাফল্যে আত্মপ্রসাদ হয়তো আছে, কিন্তু আনন্দ নেই। বর্তমানটাকে পদদলিত করে নিজেকে মর্যাদার আসনে অধিষ্ঠিত করলাম বটে—কিন্তু কখনও কখনও—কাজের ফাঁকে ফাঁকে—টেলিফোনের রিসিভার কানে ধরে—কোনও কালোয়ারের সঙ্গে কথা বলতে বলতে হঠাৎ দূর দিগন্তে মনে মনে ছুটির ছবি দেখি—কানে নিচু-গ্রামে ছুটির বাজনা বাজতে শুনি, তখন মনটা কেঁদে ওঠে। ইচ্ছে করে গ্যাডগিল এন্ড ঘোষ কোম্পানির মুখে লাথি মেরে, কাচের জানালা ভেঙে কোনও পাখি হয়ে উড়ে চলে যাই। কোনও সমুদ্র কিনারে। অনেকদিন আগে-যাওয়া গোপালপুরে। যেখানে আসন্ন স্বাক্ষার করণ সুগন্ধি স্নানিমায়, সুনীল আকাশের পটভূমিতে শ্বেতা ফেনার বুদ্ধদ মেখে কেবলমাত্র নিজের আনন্দেই নিজে উড়ে বেড়াই। যেখানে আমার কোনও কর্তব্য নেই, আমার উপর কারও দাবি নেই। ইচ্ছে করে, নিজের মনের ইজেল বালুবেলায় সাজিয়ে অবসরের প্যাস্টেল কালারে, খুশির তুলিতে ছবির পর ছবি আঁকি।

রবিবারের Gun-club-এ একটা মেলা-মেলা আবহাওয়া আছে। সারি দিয়ে সকলে বন্দুক দেখে নিচ্ছে। প্রথমে স্কিট-শুটিং, পরে ট্র্যাপ-শুটিং হবে। শুটিং-পজিসানে দাঁড়িয়ে উড়ন্ত ডিস্ককে গুঁড়িয়ে দেবার একটা আনন্দ আছে। মনে মনে অবচেতনে আমি যা পছন্দ করি না, আমি যা ঘেন্না করি, আমি যা সহিতে পারি না—সেই সবকিছুকে আকাশ থেকে গুঁড়ো গুঁড়ো ধুলোর সঙ্গে পড়তে দেখি। ভারী আনন্দ লাগে।

সুগত হাই-হাউসের নীচে দাঁড়িয়ে ওর পাখিকে ডাকল। শট-গানটা ডান থাইয়ের উপরে বসিয়ে শক্ত করে ধরে ডাকল—পুল। অমনি হাই-হাউস থেকে মাটির ডিস্ক বেরিয়ে গেল মেশিনে—সাই করে। যাচ্ছে, যাচ্ছে, যাচ্ছে—মুহূর্তের মধ্যে দূরে চলে যাচ্ছে—দুম। আকাশে গুঁড়ো হয়ে গেল। নীল আকাশের পটভূমিতে একমুঠো কালো ধুলোর মেঘ ফুটে উঠে বৃষ্টি হয়ে নীচে পড়ল।

এবার লো-হাউসের পাখি আসবে। সুগত রেডি হয়ে বলল, পুল—নিচু দিয়ে এবার সামনে থেকে উড়ে এল, কাদার ডিস্ক—এল, এল; এল—একেবারে সামনে—দুম। আবার গুঁড়িয়ে গেল।

এবার ডাবল। এক সঙ্গে হাই এবং লো—দুদিক থেকে দুটি পাখি উড়ে এল—দূরে-যাওয়া পাখিকে আগে মেরে, কাছে-আসা পাখিকে পরে মারতে হবে, তাই নিয়ম। দুম, দুম—আবার দুটি। পাখিরা গুঁড়ো হয়ে পড়ল।

বন্দুকের ইজেক্টরটা মাঝে মাঝে জগাম হয়ে যাচ্ছিল—বীচটা খুলে ফেলে—এমন সময় যতি এসে ফিসফিস করে কানের কাছে বলল, ঋজুদা, গাড়িটা দেখেছ? পার্কেটারদের পায়ের কাছে চেয়ে দেখো।

চেয়ে দেখলাম—একখানা গাড়ির মতো গাড়ি বটে—একটা চাঁপা-রঙা জাণ্ডার স্পোর্টস-কার প্যাভিলিয়নের পাশে দাঁড় করান। ভাল করে দেখার আগেই, সুগত ডাকল, এই ঝড়ু কী হল ? এসো।

আমি বললাম, আমার বন্দুকের ইঞ্জেক্টর খারাপ হয়ে গেছে।

ও ধমকে বলল, ঝামেলা কোরো না—এসো।

সুগতর অভিযোগ আছে যে কোনওদিনই আমি সীরিয়াসলি অনুশীলন করলাম না। কেন জানি না—প্রতিযোগিতায় আমি নামতে চাই না কারণ সঙ্গে—কোনও ব্যাপারেই। যে প্রতিযোগিতা পেটের জন্যে করতে হয়—তার কথা স্বতন্ত্র। সে প্রতিযোগিতায় না নেমে উপায় নেই। কিন্তু তা ছাড়া অন্য প্রতিযোগিতায় নামার শখ আমার নেই। এক প্রতিযোগিতাতেই আমি হাঁপিয়ে গেছি; ফুরিয়ে গেছি। বরং জীবনের অনেকাংশে ক্ষেত্রে অনবধানে ঢুকে পড়ে রংরঙের মতো যেটুকু মজা লুটে নিতে পারি, সেটাই দৈনন্দিন প্রতিযোগিতার প্লানি ঢেকে রাখার জন্যে প্রয়োজন আমার। আমি পারি না। প্রতিযোগিতাতে হেরে যাবার জন্যেই আমি জন্মেছিলাম।

তবু সুগত আমায় ভালবাসে; তাই বলে। ক'জনই বা ভালবাসে? এত বড় পৃথিবীতে ক'জনই বা কাকে কাছ থেকে চেনে, জানে, বোঝে? সেই মুষ্টিমেয়দের মধ্যে সুগত অন্যতম; আমার জঙ্গলের বন্ধু।

কোনওরকমে একটা 'ডিটেল' ছুঁড়ে দৌড়ে গিয়ে দাঁড়লাম গাড়িটার পাশে। যতি আগেই গেছে। রঞ্জনও গুটি গুটি এল। গাড়ি একখানা।

এয়ার কন্ডিশনার তো বটেই—যেমন চেহারা তেমন গড়ন। টায়ারগুলো ইয়া মোটা মোটা এক জোড়া সাইলেন্সার চক্চক্ করছে—দরজাটা খুলে যেখানে খুশি ছেড়ে দিলে সেখানেই আটকে থাকে। ধরে থাকতে হয় না। রঞ্জন গাড়িটার গায়ে ঠোট লাগিয়ে চুঃ শব্দ করে একটা চুমু খেল। যতির চোখ দুটো জ্বলজ্বল করতে লাগল। গাড়িটার পেছনের কাচের এক কোণে এমবাস করে নাম লেখা রয়েছে “লাভ ইন দ্য আফটারনুন”।

গাড়ির মালিককে আমরা চিনি। বেঁটেখাটো গর্বিত চেহারা। পাঞ্জাবী ভদ্রলোক। মিস্টার সিধু। অনেক ব্যবসা-ট্যাবসা আছে। যতি ডাকত, বিধুমুখী। ভদ্রলোকের এরকম আরও গোটা পাঁচ-সাত গাড়ি আছে। এক একদিন এক একটা নিয়ে আসেন। আমরা আমাদের বারবারে অ্যাম্বাসাদারে, এবং যতি, যতির আড়াই-পাক-ফলস্-স্টীয়ারিংওয়াল জীপে বসে, আড় চোখে গাড়িগুলোকে রোজ দেখি—আর ক্ষোভে হিংসায় পাটকাঠির মতো দাঁউ দাঁউ করে জ্বলি। এক একটা গাড়ির দাম সোয়ালান্থ; দেড় লাখ। স্টেট ট্রেডিং করপোরেশন থেকে কেনেন ভদ্রলোক।

হঠাৎ রঞ্জন বলল, যতি, তুই চীনে খেতে খুব ভালবাসিস, না?

এই প্রশ্নে যতি চমকে বলল, কেন? এর মানে কী হল?

রঞ্জন একটু ভেবে বলল, তোর জীপ যদি তুই ওই গাড়ির ঘাড়ে তুলে দিতে পারিস কখনও, তো তোকে তিন দিন চীনে খাওয়াব।

যতির চোখ দুটো জ্বলজ্বল করে উঠল। চীনে খাবার লোভে নয়, এতক্ষণে ব্যাপারটা বুঝেছে ও—আমিও বুঝেছি।

বললাম, আমিও তিন দিন চীনে খাওয়াব।

যতির চোখ দুটো আবার উজ্জ্বল হল। দপদপ করতে লাগল। বলল, গাড়িটার রঙের দেখেছ—কেমন নিচু—জীপকে একবার ঘাড়ে চড়াতে পারলে পেছনের কাচ এবং এয়ার-কন্ডিশনার-টানার ভেঙে একেবারে সীটের উপর পৌঁছে যাব।

এই অবধি বলেই হঠাৎ মুয়ড়ে পড়ে বলল, কিন্তু তা হবার নয়—। এ গাড়ির স্পীড, এ তো ক্যান্সারর মতো দৌড়বে—এ গাড়িকে পেছন দিয়ে গিয়ে ধরা, জীপ গাড়ির কুম্বল—তবে সেন্ট্রাল অ্যাভিনিউতে সামনাসামনি যদি কোনওদিন পাই তো “জয়, বজরঙ্গবলীক জয়” বলে একেবারে মুখোমুখি লড়িয়ে দেব। তারপর যো হোগা, সো হোগা।

আমি বললাম, সামনাসামনি মারলে তো সামনের সীটের লোকের সঙ্গে যেতে পারে।

যতি বলল, তা তো পারেই। তুমি বেশ কথা বলছ বটে। ছ'দিন চীনে খাব—আর তার বদলে এক-দুজন লোক মরবে না? আমাদের জীবনের দাম কি এতই বেশি না কী?

রঞ্জন ওকে নিরস্ত করার জন্যে বলল, দ্যাখ যতি, বেশি বাড়াবাড়ি করতে যাস না—সবটাতে তোর জ্ঞান দেওয়া স্বভাব হয়ে গেছে।

৩

কবে নয়নাকে প্রথম দেখেছিলাম ভাল করে মনে পড়ে না।

যা মনে পড়ে তা হচ্ছে একদিন গ্রীষ্ম গোখলিতে সুজয়দের বাড়ি-যাওয়া। সুজয়ের সঙ্গে তখন প্রথম আলাপ। কলেজে মাখামাখি হয়েছে, কিন্তু কখনও আমি ওদের বাড়ি যাইনি। সেই সময় আমাদের বাড়ি সেন্ট জেভিয়ার্স কলেজের কাছে হত বলে কলেজ-ফেরতা ও আমার সঙ্গে প্রায়ই আমাদের বাড়ি আসত। মানে, তখন কলেজে মাখামাখি হয়েছে, সাহিত্যালোচনা হয়েছে, জীবনে প্রথমে একসঙ্গে সিগারেট খেয়ে নিজেদের প্রাজ্ঞ মনে করা হয়েছে। এমন সময় একদিন সুজয় ফোন করে বলল, আয় না ঋজু, বাড়িতে আছি। আমাদের বাড়ি একদিনও তো এলি না।

বিকেলের মেহগিনি আলোয় একদিন ওদের বাড়িতে এসে পৌঁছলাম। বাড়ির ভিতরে, লনের কোণায় গোয়ালী দুধ দোয়াচ্ছিল, তার পাশে একটি চোদ্দ পনেরো বছরের ছিপছিপে সপ্রতিভ মেয়ে দাঁড়িয়ে দাঁড়িয়ে চুঁউক-চাঁক—চুঁউক-চাঁক আওয়াজ করে গোয়ালী কী করে দুখলি গরুর গোলাপি বোঁটা থেকে দুধ নিঙড়ে বের করছিল তাই দেখছিল।

শুধোলাম, সুজয় আছে?

মেয়েটি প্রথমে অবাক হল। গেটের পাশের দরোয়ানের শূন্য টুলের দিকে একবার তাকাল। তারপর সপ্রতিভ গলায় বলল, আপনি ঋজুদা?

হ্যাঁ। তুমি কে?

আমি নয়না। আপনার বন্ধু সুজয় আমার দাদা। এই অবধি বলেই, বকনা বাছুরের মতো মাথা দুলিয়ে, দুই বিনুনী ছুঁড়ে আমায় পথ দেখিয়ে নিয়ে ও বসবার ঘরে বসাল।

পর্দা ঠেলে বসবার ঘরে ঢুকলাম। সোফায় বসলাম। সেদিন বুঝতে পারিনি, পরে এই ঘরটি, এই আদর, এই অতিথিপরায়ণ সহজ বাধাবন্ধহীন আত্মসম্মানজননী মেয়েটির আকর্ষণ আমার কাছে এমনি দূরবর হয়ে উঠবে।

সেই প্রথমদিনে, নয়নাকে বন্ধুর ছোট বোন হিসেবে, চটপটে কমনীয় একটি মেয়ে বলেই ভাল লেগেছিল। তার চেয়ে বেশি কিছু মনে হয়নি। অন্য কিছু ভাবিওনি। সেই নয়না আর আজকের নয়নায় কোনও মিল নেই। সব মেয়েরাই বোধ হয় দ্বিজ। যৌবনে ওরা প্রত্যেকে নতুন করে জন্মায়।

তারপর একটি একটি করে বুড়ি বছরগুলি হাওয়ার সওয়ার হয়ে নিমগাছের পাতার মতো ঝরে গেছে। দুপুরের ব্লাস্ট কাকের মতো কা-খ্যা—কা-খ্যা করে প্রথম যৌবনের অস্বস্তিতে দীর্ঘশ্বাস ফেলেছি। বেঙনি প্যাশান-ফ্লাওয়ারের মতো সুগন্ধি স্বপ্ন দেখেছি এবং একদিন এক জিয়াভরলি ভোরে আবিষ্কার করেছি যে, নয়না আর আমার কাছে শুধু সুজয়ের বোন মাত্র নয়। সে আমার অজানিতে আমার নয়ন-মাগি হয়ে উঠেছে। ঠিক কোন সময় থেকে যে সে আমার মনে, অর্ধবর্ষক, একটি কৃষ্ণসার হরিণীর মতো সুন্দরী, কাকাতুয়ার মতো নরম এবং মোটুসী পাখির মতো সোহাগী হয়ে উঠেছে তা বুঝতে পারিনি। সেই ভোরে, হঠাৎ দরজা খুলেই মনের উঠানে পুষ্পপল্লব বিস্তার করা রঙিন কৃষ্ণচূড়ার মতো তার মঞ্জরিত ব্যক্তিত্বকে অনুভব করে আমার সমস্ত সত্য সিরসিরানি লেগেছে।

সুগতকে মাঝে মাঝে বলতাম নয়নার কথা। ও আমার চোখের দিকে চেয়ে চুপ করে শুনত। ও নয়না কি সুজয় কাউকেই চিনত না। ওকে বেশি কিছু বলতে গেলেই ও আমার মুখ চেপে ধরত। বলত, পাগলা ছেলে, এসব কথা বলতে নেই—এসব যে একটা কথা। সোডার বোতলের ছিপি

খুলে ফেললে সে যেমন সমস্ত বাঁজ, গন্ধ, আবেগ হারায়, সে যেমন নিঃশেষে বিড়বিড় করে ফুরিয়ে যায়—তুমিও তেমনি ফুরিয়ে যাবে। এসব কথা কাউকে বলতে নেই। কেবল নিজের মধ্যে দামি আতরের গন্ধের মতো, জঙ্গলে চাঁদনি-রাতে হঠাৎ-শোনা কোনও পাখির ডাকের ভাল-লাগার মতো নিজের একান্ত করে রাখতে হয়।

তারপর সুগত শুধোত, তুমি যে ভালবেসে ফেলেছ তা জানলে কী করে? ভালবাসা আর ভাল-লাগায় তফাত জানো?

আমি অবোধের মতো মাথা নাড়তাম।

ও নিজেই উত্তর দিত। বলত, ভালবাসায় বড় দায়, বড় ঝুঁকি; বড় ব্যথা। ভালবাসার সমুদ্রে ভীষণ বড় ওঠে—সে ঝড়ে হারিয়ে যায় কত লোক। কূল খুঁজে পায় না। নৌকো ডুবে যায়। কিন্তু তবু, সোজা, সমস্ত জোরের সঙ্গে দাঁড় বেয়ে তাকে চলতে হয়; যে ভালবাসে সে কখনও ভয় পায় না—ভালবাসার জন্যে সে নিজের সাধাণীত অনেক কিছু করে ফেলতে পারে।

শুধোতাম, আর ভাল-লাগা?

ভাল-লাগা কী জানো? দোতলার বারান্দায় বসে চা খেতে খেতে দেখলে পথ দিয়ে একটি ফুটফুটে মেয়ে শরত-সকালের শিউলির মতো হেঁটে যাচ্ছে। তুমি মনে মনে বললে, বাঃ, বেশ তো।

বাস্। ওই পর্যন্ত। সে যেই মোড় ঘুরল—ভিড়ে হারিয়ে গেল—তোমার ভাল-লাগাও ফুরিয়ে গেল। ভাল লাগলে মানুষ ভাল-লাগাকে তার ইচ্ছাধীন করে রাখতে পারে, কিন্তু ভালবাসলে মানুষ নিজেই ভালবাসার ইচ্ছাধীন হয়ে থাকে। তার নিজের কোনও নিজস্ব সত্তা থাকে না। ভালবাসা তাকে যা করতে বলে, পোষা পুথির মতো সে তাই করে।

সত্যি। সুগত যে কত কী জানে, কত কী ভাবে! কী সুন্দর শুছিয়ে কথা বলতে পারে। অথচ আমি কেবল পাগলামি করে বেড়াই। বুদ্ধি বলে কিছুই হল না এ পর্যন্ত। মস্তিষ্ক অসাড় করে সব কিছু জমেছে গিয়ে হৃদয়ে। নড়লে-চড়লে হৃদয়টাই শুধু ঝুমঝুমিয়ে বাজে।

শিশুর মতো বায়না ধরি, অথচ বৃদ্ধের মতো অপারগ হয়ে বসে থাকি। যাচ্ছেতাই। যাচ্ছেতাই। নিজেকে শিকারের যোধপূরী বুট পরে লাথি মারতে ইচ্ছা করে।

ঠিক কোন সময় থেকে নয়নাও আমার প্রতি কৌতূহলী চোখে চাইতে আরম্ভ করছিল তাও মনে নেই। তবে মনে হয়, প্রথম আমার চিঠি পেয়ে। চিঠি লিখতে কখনও জালাস্য বোধ করিনি; এবং সে কারণে, যখনি যেখানে গেছি সেখান থেকে চিঠি লিখেছি চেনা পরিচিত অনেককে, তার মধ্যে নয়না ছিল অন্যতম। মনে হয় আমার চিঠির আয়নায় সে তার বুদ্ধিদীপ্ত মুখটিকে প্রথম আবিষ্কার করে। তারপর প্রতিটি চিঠি পাওয়ার সঙ্গে সঙ্গে ওর আত্মবিশ্বাস বাড়ে, ও নিজেকে চিনতে পারে, নিজের প্রতি ওর মমত্ববোধ জাগে—এত বড় কলকাতা শহরের অগণ্য মেয়েদের মধ্যে ও যে বিশিষ্টা—ও যে নিজের পরিচয়ে পরিচিতা, ও হাসলে ওকে যে সুন্দর দেখায়, ওর চোখে যে অক্ষকারে বুদ্ধির জোনাকি জ্বলে, ওর কাছে এলেই যে কেউ ভাল-লাগায় মরে যেতে পারে, এত সব অনাবিস্কৃত তথ্য ও বোধহয় আমার চিঠি পাবার আগে জানত না। এবং দিনে দিনে ও ঠিক যে অনুপাতে গর্বিতা, মহতী ও খুশি হয়ে উঠতে থাকে, আমি ঠিক সেই অনুপাতে হীনমন্য ক্ষুদ্র ও অখুশি হয়ে উঠতে থাকি। এও এক ধরনের আত্মবলুপ্তি। গ্লিপিং পিল খেলে এক মুহূর্তে হত। এমনি ভাবে তিলে তিলে হচ্ছে।

কিন্তু শুধু যে আত্মবলুপ্তিই ঘটছে তাই বা বলি কী করে? নয়নাকে ভালবেসে আমি নিজের আযোগ্য অনেক মহৎ কর্মই করে ফেলেছি এ পর্যন্ত, যা ওকে ভাল না বাসলে করতে পারতাম। কিনা আমার সন্দেহ আছে।

স্যার উইনস্টন চার্চিল বিরোধী পক্ষের একজন পার্লামেন্টারিয়ানকে একদিন বলেছিলেন, The honourable member should not have more indignation than he can contain. তেমনি আমারও নিজেকে বলতে ইচ্ছে করত, I should not have more greatness than I contain.

একদিন সকালে বাড়িতে বসে আছি—শাল জড়িয়ে। বেশ ঠাণ্ডা পড়ছে। অস্বাভাবিক ঠাণ্ডা। রোদে, আরামে বসে চা খাচ্ছি—এমন সময় নাপিতটি এল। ইদানীং ও সপ্তাহে দুবার করে আসছে।

হাত-পায়ের নখ ইত্যাদি কাটে ! ও একটি পাতলা সূতির জামা গায়ে দিয়েছিল। শীতে কুঁকড়ে কুঁকড়ে উঠছিল।

ঘুম ভেঙে উঠে আমি বসে ছিলাম। বাগানে এক ফালি রোদ লুটিয়ে পড়েছে। একটি বহুরূপী লনের শিশির-ভেজা ঘাসের মধ্যে হামাগুড়ি দিয়ে বেড়াচ্ছে। একটি শালিক হলুদ হলুদ পা ফেলে ফেলে একা একা মুখ গোমড়া করে হটিছিল, এমন সময় অন্য একটি উড়ে এসে ওর গায়ে ঢলে পড়ল। One for sorrow; Two for joy.

ভীষণ খুশি খুশি লাগতে লাগল। নয়নার কথা মনে হল। এখন নয়না কী করছে? ঘুম থেকে নিশ্চয়ই ওঠেনি। বড় দেরি করে ঘুম থেকে ওঠে ও। এত দেরি করে উঠলে তো চলবে না। রোজ সকালে আমার ঘুম ভাঙার আগে উঠে, চান করে নেবে ও—তারপর সুগন্ধি খোলা চুল নিয়ে, জানালা খুলে দিয়ে হাতছানি দিয়ে ভোরের রোদকে ঘরে ডেকে, আমাকে বলবে—এই। আর কত ঘুমোনো হবে? কটা বেজেছে জানো?

আমি বলব, উঁউম-ম্-ম্-ম্...। তারপর বলব, জানি। বারোটা।

ও বলবে, সবসময় ইয়ার্কি, না?

এই আবেশে, অনিমেসে, এ সব ভাবছি, এমন সময় নাপিতটি এল। এমন সময় ও আমার অমন স্বপ্নভরা চোখের সামনে শীতে কাঁপতে লাগল। কী হয়ে গেল জানি না। শালটি গা থেকে খুলে ফেললাম। বোধহয় আমি নিজে খুললাম না। নয়নার অদৃশ্য লতানো হাত দুখানি আমার গা থেকে শালটি আলতো করে খুলে নিল। তারপর নাপিতটিকে বললাম—নাও, নাও, গায়ে জড়িয়ে নাও; করেছ কী? নিউমোনিয়া হবে যে।

আমার কিন্তু একটামাত্রই শাল ছিল। এরপর বিয়েবাড়ি যেতে হলে ধার করতে হবে। দিদি জানতে পেরে খুব বকবেন। বলবেন, ভাই আমার জমিদার হয়েছেন!

আমি জবাবে কিছুই বলব না। মাথা নিচু করে থাকব। দিদিকে আমি কী করে বোঝাব যে, যে মুহূর্তে আমি শালটি দান করেছিলাম, সে মুহূর্তে কোনও সামান্য জমিদার তো দূরের কথা, আমি হায়দরাবাদের নিজাম হয়ে গিয়েছিলাম! আমার মতো বড় লোক আর কে ছিল?

কিন্তু ওসব কিছুই আমি বলতে পারব না। দিদি লোককে বলবে, ঋজুর আমার মনটা ভীষণ বড়। দিদি জানবেন না যে, তাঁর ঋজুর মনটা বড় নয়। খোঁড়া ভিথিরিকেও সে পয়সা না দিয়ে বিদায় দেয় ধমক দিয়ে, কিন্তু নয়না যখন পাশে থাকে, মানে, নয়না যখন মনে মনে তার খুব কাছ-ঘেঁষে দাঁড়ায়—তখন সে ম—স্ত হয়ে যায়। বিরাট, বিরাট,—সি. আর. দাশের চেয়েও বড় দাতা হয়ে যায়। তখন সে নিজের যা কিছু আছে সব দিতে পারে।

সুজয় নেমস্তম্ভ করতে এসেছিল সেদিন। বলল, আমার দিদির বিয়ে। ময়নাদির বিয়ে, তোর সকাল থেকে যেতে হবে কিন্তু—কাজকর্ম করতে হবে।

বললাম, দ্যাখ, নিজের দিদির বিয়েতেই কাজকর্ম করিনি। আমি একেবারে অকর্মা। তবে, যখন অতিথি-অভ্যাগতরা আসবেন তখন তাদের আসুন-বসুন করতে পারি। তার বেশি আমার দ্বারা হবে না। ভার দিলেও সব গোলমাল করে দেব।

সুজয় বলল, আরে সেটাই কি কম কাজ? আমার মা কী বলেন জানো? বলেন, নেওতা-নেমস্তম্ভে কেউ কারও বাড়ি খেতে আসে না। ভালমন্দ সকলেই বাড়িতে খায়। তাই এসব সামাজিক ব্যাপারে আদর-আপায়নটাই বড় কথা। তার জন্যেই লোকের দরকার।

বললাম, তা হলে তো ভালই!

বিয়ের দিন সকাল সকাল গিয়ে পৌঁছলাম। সুজয়দের লনে, পাশের প্যাসেজে এবং রাস্তায় সামিয়ানা ঘেরা হয়েছে। ব্যাঙের মতো হলুদ-রঙা ভাড়া-করা চেষ্টার পাতা হয়েছে সারি দিয়ে। অনেক লোকজন। ব্যস্ত-সমস্ত। সানাইওয়ালারা আনেনি ওরকম অ্যাগ্লিগামে লং প্লেয়িং রেকর্ড

বাজছে।

সামনে দিয়ে অনেক লোক আসছে যাচ্ছে। সুজয়ের মা একবার বাইরে এলেন দেখতে, মেয়ের বিয়ের প্যাণ্ডেল কেমন হয়েছে। আমায় দেখে বললেন, কি বাবা, এসেছ? নিজের মতো করে আদর আপ্যায়ন কোরো লোকজনকে। এটা তো তোমার নিজেরই বাড়ি।

মাসীমাকে কিছু বলতে পারলাম না। কিন্তু এ বাড়ি আমার নিজের বাড়ি ভাবতে খুব ভাল লাগে।

দেখতে দেখতে সন্ধ্যা হয়ে গেল। শীতটাও জাঁকিয়ে পড়েছে। যতির কাছ থেকে ধার-করা শালটা এত ছোট হয়েছে যে, ভাল করে শীত মানছে না।

এবার লোকজন আসতে আরম্ভ করল। একটার পর একটা গাড়ি এসে দাঁড়াচ্ছে—কেউ কেউ ট্যাক্সিতে, কি হেঁটেও আসছেন। ফ্লোরোসেন্ট ডে-লাইটে ফর্সা লোকদের ঠাকুমার কোলবালিশের মতো ফ্যাকাশে দেখাচ্ছে। আর কালো লোকদের বেগুনি-রঙা সিমের মতো মনে হচ্ছে। আলোয় মেয়েদের গয়না ঝিক্‌ঝিক্‌ করছে। কয়েকটি অল্পবয়সী ছেলে টাইট-ফিটিং টেরিলিন-টেরিকটের সুট পরে এসেছে। আমার সামনে দিয়ে যাচ্ছে আসছে। ইচ্ছে করছে হঠাৎ পা বাড়িয়ে দিই; মুখ খুবড়ে পড়ুক। বুঝাতাম, অফিস-কাছারি থেকে সোজা আসছে, তাও নয়। সারাদিন ঘুমিয়ে কি আড্ডা মেরে, এখন সৌখীন সুট পরে আত্মীয়-বাড়ি নেমস্তম্ভ খেতে এসেছে। কোনদিন মাড়োয়ারী ছেলেদের মতো সুট পরে, পাঞ্জাবী ছেলেদের মতো হাতে বালা পরে, মেক্সিকান ছেলেদের মতো চোখা জুতো পরে এবং বীটলসদের মতো এক মাথা কাকের-বাসা চুল নিয়ে বাঙালির ছেলে হয়তো বিয়েও করতে পারে। জানি না, একদিন হয়তো চোখে সবই সয়ে যাবে।

এদিকে ‘আসুন’ ‘আসুন’ করে তো হাঁপিয়ে উঠলাম। যে আসছে, তাকেই গাড়ির দরজা খুলে নামাচ্ছি। মধুর হাসি হেসে পথ দেখিয়ে যাচ্ছি। তারপর মহিলাদের বাড়ির মহিলামহলে; এবং পুরুষদের হলুদ কাঠের চেয়ারে সমর্পণ করছি।

একটা গাড়ি এসে দাঁড়াল। একটা সাদা হেরাল্ড। বাঁ দিকের দরজা খুলতেই এক মোটা ভদ্রমহিলা (অল্পবয়সী) নামবার চেষ্টা করতে লাগলেন। চেষ্টা করলেই তো হল না। ওই চেহারা নিয়ে হেরাল্ড গাড়ির গর্ত থেকে বেরুনো সোজা কর্ম নয়। দাঁড়িয়ে দাঁড়িয়ে ভাবছিলাম, আজ আমার করণীয় কার্তব্যের মধ্যে কোনও স্থূলকায়া ‘ময়দা-ঠাসা-নাদুন’ মহিলাকে গাড়ি থেকে হাতে ধরে টেনে নামানোও পড়ে কি না, এমন সময়, যিনি গাড়ি চালাচ্ছিলেন তিনি কটাং শব্দ করে হেরাল্ডের দরজা খুলে স্ত্রীকে সাহায্য করতে এগিয়ে এলেন।

কী সর্বনাশ। এ যে অনিমেঘ। আমাদের কলেজেই পড়ত। আমাদের চেয়ে দু’ বছরের সিনিয়র ছিল। আমরা বলতাম অনিমেঘ গুণ্ডা। একবার ইন্টার-ক্লাস ক্রিকেট ম্যাচে আমার ইনসুয়িং বলে আউট হয়ে রোগে গিয়ে আমাকে খুব মেরেছিল। ওকে দেখে রাগে গা চিড়বিড় করতে লাগল। কিন্তু পরক্ষণেই হাসিমুখে বললাম, ‘আসুন’ ‘আসুন’।

ও আমাকে চিনতে পেরে অবাক হল। মুখের বিগলিত অবস্থা দেখে বুঝলাম, সুজয়ের নিশ্চয়ই ঋশুরবাড়ির দিকের আত্মীয়। স্ত্রীকে উদ্ধার করে আমার হাতে দিতেই আমি মহিলামহলে পৌঁছে দিলাম। গাড়ি পার্ক করিয়ে ও যখন আবার গেটে এল, আবার বললাম, ‘আসুন’ ‘আসুন’—ও খুব কাছে এল—একদম মুখের কাছে মুখ নিয়ে ‘ইঁকোমুখো’র মতো হিমেল হাসি হেসে বলল, একটু বাড়িবাড়ি হচ্ছে না?

বাক্যব্যয় না করে চলে এলাম। যতির শালটায় নাক ফেটে রক্ত-টুকু পড়লে কেলেঙ্কারি হবে। বললাম, আচ্ছা বসুন, বসুন। বলেই সরে এলাম।

এবারে নয়নার উপর আমার সত্যিই রাগ হচ্ছিল। সেই বিকেল তিনটে পড়ে-তিনটেতে এসেছি—রাত নটা বাজতে চলল। এখনও কি একবার সময় করে নীচে আসতে পারল না? কতগুলো বাজে বন্ধু জুটেছে। খালি হি-হি আর হা-হা। বন্ধুগুলোই ওর মাথা খাবে। এবং আমারও সর্বনাশ করবে।

আলোর নীচে দাঁড়িয়ে এসব ভাবছি, এমন সময় রাজেন্দ্রাণী এলেন। ওকে সাজলে-গুজলে

রাজেন্দ্রাণী ছাড়া আর কিছু বলতে ইচ্ছে করে না আমার । আর কিছু মনে আসে না ।

একটি নীল-রঙা বেনারসী পরেছে । রূপোর ফুল তোলা । চূড়ো করে খোঁপা বেঁধেছে । ওর গ্রীবাটি এত সুন্দর যে ও আমার কাছে এলেই ওর গ্রীবায় আলতো করে ঠোঁট ছোঁয়াতে ইচ্ছে করে । হাতে হালকা গয়না পরেছে, পায়ে পায়-জোড় । পা ফেললেই কুনুর কুনুর করে বাজছে—আর আমার বুকের মধ্যে রক্ত ছলাৎ ছলাৎ করে উঠছে ।

নাজিমসাহেব টাটীলাওয়াতে উর্দু কবিতা শুনিয়েছিলেন—নয়না সাজগোজ করলেই আমার সেই শায়রীর কথা মনে পড়ে :

উলঝি সুলঝি রহনে দেও,
কিউ শরপর আফৎ জাতি হো ?
দিলকা ধড়কান বাড়তি হায়
যব, বাঁলোকো সুলঝাতি হো ।

মানে, তুমি উস্কোখুস্কোই থেকে— । সেজেগুজে, চুল পরিপাটি করে আমার শিরে নতুন করে বিপদ ডেকে এনো না । তুমি কি জানো না, তুমি সুন্দর করে সাজলে আমার বুকের মধ্যেটা কেমন করে ?

এলেন । এতক্ষণে এলেন । যেন রাধারাগী এলেন । গর্বিতা, সুস্মিতা, আত্মবিশ্বাসে উত্তীর্ণতা, কিন্তু আত্মসচেতন নয় । ও যদি ওর কী আছে জানত তবে ওকে আমার ভাল লাগত না । চলতে ফিরতে ওর অজানিতে আমার জন্যে অচেতনে ও যা উপচে ফেলে যায়, কোনও সুখী সাঁওতাল ছেলের মতো, বৈশাখী সকালের ঝরে-পড়া মিষ্টি মছয়া ফলের মতো তা আমি কুড়িয়ে বেড়াই । ও জানে না—কী সুবাস, কী স্বাদ, কী ভাল-লাগা ও আমার জন্যে রেখে যায়—যখনি ও কাছে আসে ।

নয়না এক ভদ্রমহিলাকে পৌঁছে দিতে এসেছিল গাড়ি অবধি । ভদ্রমহিলা চলে গেলেন । এবার ও আমার দিকে ফিরল : ফ্লোরোসেন্ট আলোতে ওকে স্বপ্নময় দেখাচ্ছে । সঙ্গে থেকে, সব-বয়সী কত সুন্দরীই তো এই আলোর নীচে এসে আমার সামনে দাঁড়াল,—কই, এমন তো আর কাউকে লাগল না ?

ও কাছে এল, একটু হাসল, কপাল থেকে এলোমেলো অঙ্গকগুলি সরাতে সরাতে বলল, খুব কাজ করছেন ?

ভী-ষণ । তুমি তো ফাঁকি দিয়ে বেড়াচ্ছ ।

তা তো বলবেনই । পাঁটা যে কী ব্যথা করছে না । কতবা-র যে উপর-নীচ করলাম । সোজা উঠলে বোধ হয় কেদার-বদরী পৌঁছে যেতাম ।

বললাম, চেষ্টা করলেও পারতে না । দুষ্ট লোকেরা সেখানে যেতে পারে না ।

ও বলল, আপনাকে বলেছে ! পাপীরাই তো পাপমুক্তি ঘটাতে যায় সেখানে ।

কে যেন ওকে ডাকল । ও গিয়ে দুটি কথা বলেই আবার ফিরে এল, বলল, খুব খিদে পেয়েছে, না ?

বললাম, খু-ব ।

ঈস । বেচা-রা । আর একটু কষ্ট করুন । একসঙ্গে আমরা বসে খাব ।

তারপর আমার চোখের দিকে তাকিয়ে বলল, আপনার বিয়েতেও আমি খুব কাজ করে দেব ; দেখবেন ।

বলছ ?

ও উত্তর না দিয়ে আমার চোখের দিকে চেয়ে রইল ।

আমি হঠাৎ বললাম, যাও । গল্প কোরো না । কাজ করো গিয়ে ।

ও চলে গেল ।

নিজের গালে নিজে চড় মারতে ইচ্ছে করল । আমি যেন মাতব্বর জাতিপুত্র হয়ে গেছি । ওর যেন আমিই গার্জেন, যেন আমার উপদেশই ও চলে । এতক্ষণ ওকে একটু দেখতে পাবার জন্যে ছটফট করেছি—যখন ও কাছে এল, ভাল লাগায় মরে গেলাম—সেখান থেকে ওর উপস্থিতিটা পুরোপুরি

উপভোগ করার আগেই নিজের প্যায়ে নিজে কুড়ল মেরে বললাম, যাও, কাজ করা গিয়ে ।

এখন কেমন লাগছে ? তখন তো বিশ্বামিত্র মূনির মতো ভাব দেখালাম, এখন ও যে পথে চলে গেল সে পথে চেয়ে আছি ।

কিছুক্ষণ চুপচাপ দাঁড়িয়ে রইলাম ।

একটা টাউস গাড়ি এসে গেল ।

আর নয়নার কথা ভাবা গেল না ।

ওল্ডসমোবাইল— : কালো কুচকুচে । একি ? পাধামশায় যে । আমাদের কোম্পানির কাস্টোমার । হাওড়ার শ্রীরাম চ্যাং লেনে মস্ত কারখানা ।

আমাকে দেখে তিনিও অবাক ;

আরে, বোস সাহেব ? এখানে ?

এই আমার বন্ধুর দিদির বিয়ে ।

বাঃ বাঃ, বেশ বেশ ।

আপ্যায়ন করে বললাম, চলুন চলুন, বসবেন চলুন ।

উনি একটি চেয়ারে বসলেন । চেয়ারটা 'কে-রে কে-রে ?' করে উঠল । মনে হল বলল, যত ভাড়া দেওয়া হয়েছে তাতে এত মোটা লোকের বসার কড়ার ছিল না । রাজার-বেটার মতো বুক-চিতিয়ে বসে, পাধামশায় রুপোর সিগারেট কেস থেকে সিগারেট বের করে ধরালেন এবং আমায় অফার করলেন ।

বললাম, এ গুরুজন-অধুষিত জায়গা । এখানে চলবে না ।

ভুর ভুর করে সেন্টের গন্ধ বেরোচ্ছে । পাতা-কাটা চুল, হাতির দাঁত-বাঁধানো লাঠি, গিলে-করা ধূতি, ফিনফিনে আদিব গাড়োয়ানী-গা-দেখানো পাঞ্জাবি । এ সব স্পেসিমেণ্ট আজকাল ভারতীয় গণ্ডারের মতো দুপ্রাপ্য হয়ে যাচ্ছে ।

পাধামশায় ফিসফিসে গলায় বললেন, আমার ছেলে বলছিল আপনি নাকি কাগজপত্রে আজকাল গল্প-টল্প নেকেন ? আসলে, কাকে দিয়ে নেকান ? আমার গাঁয়ের মিউনিসিপ্যালিটির লোকেরা ধরেছে একটি সাহিত্যসভার বক্তৃতা দিতে হবে । ভদ্রলোককে একবার আমার কাছে পাটিয়ে দেবেন ? পয়সা করি ভালই দোব ।

বিনীতভাবেই বললাম, আজ্ঞে কাউকে দিয়ে লেখাই না, আমি নিজেই লিখি ।

সে কী মশায় ? ক' পয়সা পান নিকে ?

বললাম, আমি একেবারে নতুন । সামান্যই পাই, এই চল্লিশ-পঞ্চাশ টাকা এক একটি লেখায়—বড় লেখা হলে আরও বেশিও পাই ।

সে কী ? আধঘণ্টা আপনার ডেস্কে বসে একটা ড্রইং করলেই তো দুশো টাকা পেতে পারেন । তাহলে কী দরকার এ সবে ?

একটা যুৎসই উত্তর ঠোঁটের গোড়ায় এল, কিন্তু হেসে বললাম, এই আর কী !

উনি খুব হাসলেন, যেন উত্তরটা যে বুঝলেন শুধু তাই নয়, যেন মনোমতও হয়েছে । হো-হো করে হেসে বললেন, তাই বলুন । সেই আর কী !

এখন আর ভাল লাগছে না । আগামী কাল শেষ রাতে উঠে পলাশী যেতে হবে । লালগোলা প্যাসেঞ্জারে । পলাশীতে একটি কনসট্রাকসনের কাজ হচ্ছে । শীতটাও রাঙের সঙ্গে পারা দিয়ে বেড়ে যাচ্ছে । ঘড়িতে প্রায় দশটা বাজে ।

সুজয়ের সঙ্গে দেখা করে ওকে বললাম, যাচ্ছি । স্বাভাবিক কারণে ও বলল, যাচ্ছি, তা কী করে হয় ? এত খাটাখাটনি করলি, না খেয়ে যাবি ?

বললাম, তোদের বাড়ি খাইনি কখনও এমন তো হয়নি । না-গেলেই চলবে না-রে এখন । ভোর সাড়ে-চারটের ট্রেন ।

ও বলল, তাহলে আর কারও সঙ্গে দেখা করিস না । দেখা করলেই আটকে যাবি । তুই চলে যা, আমি ম্যানেজ করে নেব, মা আর নয়নাকে ।

বাড়ি আসতে আসতে ভাবলাম—সাড়ে চারটেয় ট্রেন তো কী ? ইচ্ছে করলে কি আর রাত বারোটো অবধি থাকতে পারতাম না ? আগে কি আর কখনও এমন করিনি ? আসলে চলে এলাম অনেক কথা ভেবে । ভাবলাম, সব অতিথি-অভ্যাগতদের বিদায় জানিয়ে নয়না যখন গেটে এসে দাঁড়াবে—দেখবে একটি ভিথিরির ছেলে ছেঁড়া-কাপড়ে গেটের সামনে দাঁড়িয়ে শীতে কাঁপছে—কিছু খেতে চাইছে—নীল আলোয় বোচারিকে আরও নীল দেখাবে ।

নয়না ভাববে, আরে ? এখানেই তো ঝুঁজুদা দাঁড়িয়েছিল—কোথায় গেল ? যখন জানবে আমি নেই—তখন ওই ছেলেটির প্রতি নয়নার আরও বেশি সমবেদনা হবে । ওকে ডেকে নিয়ে গিয়ে পাতপোড়ে বসিয়ে পেট ভরে খাওয়াবে ! আমারও ইচ্ছে করে, কোনওদিন নয়না ওর মনের দরজা দিয়ে নিয়ে গিয়ে ওর শরীরের সামিয়ানার তলায় বসিয়ে ওই ভিথিরি ছেলেটির মতো করে আমাকেও সাধ মিটিয়ে খাওয়াবে ।

ইচ্ছে তো কত কিছুই করে ।

রসা রোডের মোড়ের লাল আলোতে দাঁড়ালাম ।

বুঝলাম, সুজয়টা খুব বকুনি খাবে ।

এক-ছাদ লোকের সামনে ক্রান্ত, অবসন্ন নয়না সুজয়কে খুব বকবে । বলবে, ঈস তুমি কী দাদা ? আমাকে ঝুঁজুদা বলল পর্যন্ত যে ভীষণ খিদে পেয়েছে, আর তুমি চলে যেতে দিলে ? খেয়ে যেতে কতক্ষণ লাগত ? ও যখন সুজয়কে বকবে, আমি হয়তো তখন ঘুমিয়ে থাকব—বালিশে মুখ গুঁজে আমি ঘুমিয়ে থাকব—তা হলেও ঘুমের মধ্যেই আমার খুব ভাল লাগবে । মনটা ভরে উঠবে । ফ্র্যায়েড রাইস—রোস্ট চিকেন ইত্যাদি খেলে পেটটা হয়তো ভরত—কিন্তু এমন করে মনটা তো ভরত না ।

শোবার ঘরে ঢুকে ড্রেসিং-টেবিলের সামনে দাঁড়িয়ে খুব ভাল লাগতে লাগল । পাঞ্জাবির পকেট থেকে রুমালটা বের করতে গিয়ে ঠাণ্ডা ঠাণ্ডা কী যেন লাগল হাতে । দেখি, রাংতা-মোড়া একটি লাল গোলাপ । নয়না দিয়েছিল, আমার সঙ্গে কথা বলে চলে যাবার সময় । গোলাপটাকে চুমু খেলাম । একদম নয়নার মতো গন্ধ গোলাপটার । হঠাৎ আয়নায় নিজেকে বেশ সুন্দর দেখতে লাগল । বেশ হ্যান্ডসাম হ্যান্ডসাম । যদি সবসময় আমাকে এরকমই দেখাত তাহলে নিশ্চয়ই নয়না আমাকে ভালবাসত । ভগবান, তুমি আমার চেহারা নয়না যেমনটি পছন্দ করে তেমনটি করে করলে না কেন ?

বড় খিদে পেয়েছে । অথচ বাড়িতে বলাও যাবে না যে খেয়ে আসিনি । মিনুরা তো সব খেয়ে-দেয়ে এসে শুয়ে পড়েছে । জেগে থাকলেও বলা যাবে না । ঠোট উল্টে মিনু বলবে, তোর এমন ন্যাকামি না ! কেন খেয়ে এলি না ?

মিনুর মেয়ে মিঠুয়াকে দেবার জন্যে একটি ক্যাডবেরী কিনেছিলাম । ড্রয়ার খুলে বের করে আগত্যা সেটিকেই খেলাম কুরকুর করে । তারপর ঢকাস ঢকাস করে দু' গেলাস জল খেয়ে কম্বলের নীচে বডি-শ্রো দিলাম ।

৫

• গাড়িভরা ঘুম, কামরা নিরুন্ম ।

শীতকালের রাত চারটে অনেক রাত । কোনওক্রমে, পাজামা-পাঞ্জাবি পরে একটি বাগিষের মতো এসে হোল্ডল্ বিছিয়ে শুয়ে পড়েছিলাম । এখনও অনেকক্ষণ ঘুমুনো যাবে । কুপেতে আমি একা । ভিতর থেকে লক করে দিয়ে কম্বল মুড়ে ঘুম লাগিয়েছিলাম ।

লালগোলা প্যাসেঞ্জার চলেছে । শীতের আধো-ফোটা ভোরে—রিকষিক ; রিকষিক ; রিকষিকি রিকষিকি—রিকষিক রিকষিক ।

শুয়ে থাকতে থাকতে বুঝলাম, একসময় ভোর হল । চোখ মিলে গেল । বাইরে সোনালি রোদ—আকাশময় সাঁতরে বেড়াচ্ছে । মনে হল, যেন এই সকালে কামরাই কোনও দুঃখে ডুবে মরার

ভয় নেই।

পায়ের কাছের জানালা দিয়ে একফালি রোদ এসে ধূসর কন্ডলে লুটিয়ে পড়েছে।

শিকারে-টিকারে গিয়ে আমার যখন ভীষণ শীত করে, পাতার ঘরে কি কোনও ডাকবাংলোর চৌপায়ায়, যখন একটি কি দুটি কন্ডলেও শীত মানে না—ঠোট যখন ঠাণ্ডায় নীল হয়ে যায়, পায়ের পাতাদুটি হিমেল হাওয়ায় হিম হয়ে ফ্যাকাশে হয়ে আসে, তখন আমি নয়নার কথা ভাবি। নয়নাসোনার ভাবনা তখন কোনও চিকন পাটির পলকের লেপের মতো আমার কন্ডলের তলায় আশ্তে আশ্তে ছড়িয়ে যায়। আমার সমস্ত সত্তা উষ্ণ হয়ে উঠতে থাকে, ধীরে ধীরে। তারপর আমার সমস্ত আশিত্তে একটি মসৃণ চিতাবাঘের চেকনাই লাগে। শীত কাকে বলে আমি ভুলে যাই।

কিন্তু এই রেলগাড়ির কামরার সামান্য শীতে অতসব দরকার হয় না। এমনিই শুয়ে শুয়ে রোদ দেখলেই গা গরম হয়ে ওঠে। ভাল লাগে।

রানাঘাট বোধ হয় এসে গেল। চা খেতে হবে। বার্থ ছেড়ে উঠে বাথরুমে গিয়ে মুখ হাত ধুয়ে নিলাম। পলাশী আসতে এখনও অনেক দেরি। চা খাবার পর আরও কিছুক্ষণ আরাম করা যাবে।

রানাঘাট স্টেশানে চা নিলাম। কন্ডল মুড়ি দিয়ে বসেই চা খেলাম। বেয়ারা এসে পেয়লা-পিরিচ নিয়ে গেল।

এবার লম্বা দৌড় দেবে গাড়ি।

গায়ের পাশের জানালাটি এবার খুলে দিলাম। উঠে বসলাম। বাইরে ভাল করে তাকালাম।

ক্ষেতে ক্ষেতে ধান কাটা শেষ হয়ে গেছে। কোথাও কোথাও শীতের আনাজ লেগেছে। শিশির-ভেজা সবুজ ঝোপে-ঝাড়ে প্রজাপতি ফুরফুর করছে। শুকনো ক্ষেতে পাখির বাঁক একরাশ চঞ্চল ভাবনার মতো ছড়িয়ে পড়ছে; উড়ে যাচ্ছে। দূরে দূরে আম-কাঁঠাল ঘেরা ছোট ছোট গ্রাম। কাছাকাছি ভেরাভার বেড়া দেওয়া কাদা-লেপা বাড়ি। পুকুরপাড়ে হাঁস প্যাকপ্যাঁকাচ্ছে। কোথাও খোঁটায়-বাঁধা একলা ছাগল দার্শনিকের মতো একদিকে চেয়ে কত কী ভাবছে। বাঁশবনের ছায়ায় ছাতার পাখিরা পঞ্চায়েত বসিয়েছে। ছ্যাঃ ছ্যাঃ ছ্যাঃ করে পরনিন্দা পরচর্চা হচ্ছে।

সেই নদীটি এল।

কী নীল জল! যতবার নদীটি পেরুই প্রতিবারই নতুন করে ভাল লাগে। ছিপছিপে, নীল, ব্যক্তিত্বসম্পন্ন নদী। গুম গুম গুম গুম—গুম গুম গুম গুম করে লোহার কড়ি-বড়গা পেরিয়ে রেলগাড়ি নদী পার হল। পার হয়েছে ছুটল—রিকিঝিকি-রিকিঝিকি-রিকিঝিকি-রিকিঝিকি।

বাইরে আদিগন্ত আকাশ আর সোনালি রোদ্দুরে তাকিয়ে হঠাৎ আমার মনে হল যেন দূরে, রেলগাড়ির পাশে পাশে, গাড়ির সঙ্গে পাল্লা দিয়ে কাল রাতের নীল বেনারসী পরে নয়নাসোনা গুঁটিক্ষেতে, শর্ষক্ষেতে শাড়িতে টেউ তুলে তুলে ছুটে চলেছে। ওকে দৌড়লে যা সুন্দর লাগে! চিকি-চুঙ-চিকি-চুঙ-টাকা-টাকা-টিকি-টঙ গাড়ির তালের সঙ্গে তাল মিলিয়ে একবার ত্রিতালে, একবার কাহারবায়, একবার দাদরার ছন্দে নয়না আমার পাশে নীল বেনারসী পরে ছুটে চলেছে। যেন উড়ে উড়ে চলেছে। ওর পায়ের পায়-জোড়ের শব্দ শুনতে পাচ্ছি। ওর কোমরের রূপোর চাবির রিং-এর ঝনঝনি শুনতে পাচ্ছি। নয়না আমার সঙ্গে সঙ্গে চলেছে। হাওয়ায় ওর শাড়ি ফুলে উঠছে—আঁচল দুলে দুলে উঠছে—চুল এলোমেলো হয়ে যাচ্ছে! দুলে দুলে, হাওয়ায় ফুলে ফুলে, ফুলের মতো ও কী যেন বলছে—হাওয়া আর চাকার শব্দ কথাগুলিকে নিয়ে কাপাস-তুলোর মতো উড়িয়ে দিচ্ছে—শুনতে পাচ্ছি না কিছু—কেবল বুকের কাছে নয়নার অস্তিত্ব অনুভব করছি। আমার পেশেন্ট ভাললাগা এই ভোরের রোদ্দুর হয়ে আকাশময়, মাঠময়, বিশ্বময় ছড়িয়ে গেছে।

মনে হল, ট্রেনটার গতি কমে এল। চাকাগুলো কুমীরের শিস দেওয়ার মতো আওয়াজ করতে লাগল। হঠাৎ দেখলাম নয়না নেই। নয়না আমার সঙ্গে আর দৌড়ছে না।

বীরনগরে পৌঁছে গেছে গাড়ি। বড় বড় সেগুন গাছ। সেগুন গাছের শন হয়ে আছে। স্টেশনের দুপাশে। মনে হয় না, নদীয়া জেলায় আছি। গোদাপিয়াশালী শ্রী শালবনী বলে মনে হয়।

ট্রেনটা দাঁড়িয়ে পড়ল। সেগুনবনের আড়াল থেকে পাবক পাঠি করে সাইকেল বিকশার হন

শোনা যাচ্ছে। প্ল্যাটফর্মে একটি বিতিকিচ্ছিরি বিনতা বউ একটি নীল-রঙা শাড়ি পরে দাঁড়িয়ে আছে। ভেবেছে, বুঝি নীল-রঙা শাড়ি পরলেই নয়নার মতো দেখাবে। সঙ্গে, হলুদ শার্ট পরে নতুন বর। টোপর মাথায়।

বীরনগরে ক্রশিং হবে। এখানে সিঙ্গল লাইন। কৃষ্ণনগর থেকে ডাউন লালগোলা প্যাসেঞ্জার আসবে, তবে এ গাড়ি ছাড়বে। প্রতিবারই এমনি অপেক্ষা করতে হয়। কোনও এক গাড়ির। যে গাড়ি আগে আসে।

নয়না আমার সঙ্গে সঙ্গে আসছিল। একটু আগেও দেখেছিলাম। জানি না ও এখনও দৌড়ে আসছে কিনা। কী বলছিল ও, শোনা হল না। বলছিল হয়তো—ঝঞ্জুনা, কাল আপনি না খেয়ে চলে এলেন বলে আমারও খাওয়া হল না। অসভ্য। না খেয়ে চলে এলেন কেন?

জানি না কী বলছিল।

জানি না, বীরনগরে আমাকে ও অপেক্ষা করতে বলেছিল কিনা। দরকার হলে, মানে, ও এখানে আসবে জানলে, আমি আজীবন অপেক্ষা করতে পারি। শুধুই এই জীবনই বা কেন? অনেক জীবন। জানি না আমি আর ও, একই সিঙ্গল লাইনে এই লালগোলা প্যাসেঞ্জার দুটির মতো বিপরীত মুখে ছুটে আসছি কিনা। নয়না কিন্তু আমার সঙ্গে একই দিকে ছুটছিল—আমার পাশে পাশে। সে জনোই ভয়। বিপরীত মুখে ছুটলে কোনও-না-কোনও শাস্ত স্টেশানে আমাদের দেখা হয়ে যেতই যে, সে বিষয়ে নিঃসংশয় হতাম। কিন্তু একই দিকে ছুটছি বলে, আমি হয়তো যখন ঘুমিয়ে থাকব কামরাতে, ও হয়তো আমাকে পিছনে ফেলে কোনও অজানা স্টেশানের দিকে চলে যাবে—যার টিকিট আমার কাছে নেই। অথবা, এই কানীন রেলগাড়ির কামরার মতো কোনও কামরা, আমার ইচ্ছার বিরুদ্ধে, আমার অজ্ঞানিতে, হয়তো আমার নয়নার কাছ থেকে আমায় দূরে, বহু দূরে নিয়ে চলে যাবে। কোনও স্টেশানেই হয়তো আমাদের আর দেখা হবে না।

বড় ভয় করে। আমার বড় ভয় করে।

ঘণ্টা পড়ল। ডাউন লালগোলা প্যাসেঞ্জার আসছে। নীল বেনারসী পরা কুৎসিত বউটি একটু হাসল। বরাট যেন কী বলল। তারপর বিড়িটায় একটি শেষ সুখটান দিল।

ওদের দুজনের জীবনের আপ ট্রেন আর ডাউন ট্রেন বীরনগরের মতো কোনও পূর্ব-নির্ধারিত স্থানে ক্রশিং করেছে। ওদের দেখে খুব ভাল লাগল। ওরা হারিয়ে যায়নি। দুজনে দুজনকে হারিয়ে ফেলেনি।

এমন সময় গুম গুম করতে করতে অন্যান্যদিক থেকে ট্রেনটি এসে ওদের মুখ দুটি আমার চোখ থেকে মুছে দিল। একটি খয়েরি চলমান রেখা ধীরে ধীরে প্রশস্ত হয়ে খেমে গেল লাইনের উপর। আমার দাঁড়ানো কামরার তলা থেকে একটি ধবধবে বেড়াল লাফ দিয়ে নিচু প্ল্যাটফর্মে উঠল। দুটুমি করে আমাকে একবার চোখ টিপল—তারপর শীতের রোদে আড়মোড়া ভেঙে আর এক লাফে প্ল্যাটফর্ম ছেড়ে সেগুন বনে লাফিয়ে নামল।

দরজা খুলে মুখ বাড়িয়ে পেছনের মাঠভরা সোনালি রোদ্দুরে তাকালাম। এখনও আমার নয়না দৌড়ে আসছে কি না তা দেখার জন্যে। দেখলাম, একটি সোহাগী নীলকণ্ঠ পাখি টেলিগাফের তারে বসে আনন্দে গদগদ গলায় আপনমনে কী যেন স্বগতোক্তি করছে। এবং খুশি খুশি রোদ-ঠিকরানো-ঠোঁটে মসৃণ পালক পরিষ্কার করছে। ওর গর্বিত মুখ দেখে মনে হল, এই নীল বেনারসীপরা নিবিবিবি পাখিকেও বোধ হয় আমার মতো করে অন্য কোনও নীলকণ্ঠ পাখি এই রোদ্দুর-মাথা সকালে ভালবেসেছে। নইলে, ওর মুখ নয়নার মতো অমন নিরালো নরম দেখাত না।

ভোরবেলা সামনের বাড়ির রেডিও থেকে মুহূর্তবাহী “খোল দ্বার খোল, কামিল যে দোল”—এর ঘুম ভাঙানো সুর কানে এসে লাগল। ঘুম ভেঙে গেল। হঠাৎ মনে পড়ল (যদিও) দোল; আজ ছুটি।

ভোরবেলার প্রথম কাপ চা খেয়ে অনেকক্ষণ ধরে নিপুণভাবে ব্যাঙি কামালাম। খবরের কাগজটা

উপে-পায়ে দেখলাম। কাল অফিস-ফেরত একটি আনন্দবাজার দোলসংখ্যা কিনেছিলাম—সেইটে নিয়ে আরাম করে বারান্দায় ইজিচেয়ারে, মোড়ার উপর পা তুলে, মৌজ করে বসব। তার আগে অত্যাচারী আগন্তুকদের হাত থেকে বাঁচবার জন্যে আলমারী খুলে একটা ছেঁড়া পায়জামা ও পাঞ্জাবি বের করলাম।

এমন সময় সুজয় ফোন করল, কী রে ? কী করছিস ? এদিকে আসবি না ?

অতদূর হেঁটে কী করে যাব ?

গাড়ি নিয়েই আয়।

সাদা গাড়ি। রঙ দেবে ভীষণ।

তুই কে রে একটা মস্তান যে, বেছে বেছে তোর গাড়িতেই রঙ দেবে ?

কেউ নয় বলেই তো দেবে !

যাঃ যাঃ ইয়ার্কি মারিস না। দ্যাখ, বিদেশে ঠাণ্ডায় গিয়ে পচে মরব—কত বছর দোল খেলতে পারব না কে জানে ? এই আমার আপাতত শেষ দোল খেলা—আয় না বাবা। মা ইয়া-ইয়া পাতুয়া বানিয়েছে। নয়না কুঁচো নিমকি বানিয়েছে। একটু পর পাতার সব ছেলেমেয়েরা দল বেঁধে আসবে। রমরমে কাণ্ড হবে। জানিস তো কলের ‘ফেকল’ বাড়ানো হয়েছে। এবার আমাদের ওয়াটার-ফেস্টিভ্যালও খুব জমবে।

আমার সর্দি সর্দি হয়েছে। জল দিলে যাব না।

ও বলল, আমাকে স্তম্ভ ইনকনসিডারেট ভাবিস কেন ? আমার ড্রয়ার ভর্তি সেলিন ট্যাবলেট আছে—‘ভিটামিন সি’। আগে গোটা দুই খাইয়ে তারপর জল দেব। এমন সময় শুনলাম সুজয়ের পাশ থেকে কে যেন বলল, কে রে দাদা ?

ও বলল, ঋজু।

আসতে চাইছে না ?

না।

তারপরই নয়নার গলা শুনলাম।

কী হে মশাই—আসতে পারছেন না ?

কেন যাব ?

বন্ধুদের সঙ্গে রঙ খেলবেন—পাতুয়া খাবেন—নিমকি খাবেন—মজা হবে—আর কেন ?

আমার ওরকম চৈচামেচি, বেশি হৈ-হট্টগোল ভাল লাগে না।

তো কীসে লাগে ?

একা একা তোমার সঙ্গে গল্প করতে।

কোনও উত্তর দিল না ও।

কী ? বুঝলে ?

হঁ !

হঁ মানে ? কী বুঝলে ?

যা বোঝার ঠিকই বুঝেছি।

হঠাৎ টাকা-খাওয়া টাকা-কেমোর মতো কুকড়ে গেলাম। আসলে আমার এই পাগলামি দেখে ও নিশ্চয়ই হাসে।

বোধ হয় বন্ধুদের কাছে আমার গল্প করে, অফ-পিরিয়াডে বোধ হয় আমায় নিয়ে হাসিহাসি করে। সব বুঝি, মনে মনে লজ্জায়, অপমানে, প্রত্যাখ্যানে মরে থাকি—তবু বারে বারে ফিরে ফিরে ভিক্ষাপাত্র নিয়ে গিয়ে দাঁড়াই। কোনও পূজিপতির মতো “নেহি হোগা ; নেহি হোগা” চলে, হাঠো হিঁয়ানে” বলে ও আমাকে তাড়িয়ে দেয়। মুখে কিছু বলে না। কিন্তু ওর নিপীড়িত দেখে বুঝতে পারি। বুঝতে পারি, অপর মরমে মরে যাই। কিন্তু, পরক্ষণেই আবার লজ্জাহীন মতো ভিক্ষা চাই।

এই ঋজুদা !

কী ?

আসুন না বাবা ।

আমি গেলে তোমার ভাল লাগবে ?

বেশ কিছুক্ষণ কথার উত্তর নেই ।

তারপর বলল, আপনি জানেন না ?

না ।

তবে জানেন না ।

বলো । বলো না ? ভাল লাগবে কিনা ?

হঁ ।

আবার হঁ । নাঃ । তোমাকে বলতেই হবে ।

আচ্ছা নাছোড়বান্দা তো আপনি । লাগবে । হল তো ? আপনি যেন কী ? কোনওদিন কি বড় হবেন না ?

বড় হয়েছি বলেই তো এত যত্নগা ।

অত আমি বুঝি না । তাড়াতাড়ি আসুন । আপনার জন্যে আমি বাঁদুরে রঙ গুলছি ।

সুজয়দের বাড়ি গিয়ে যখন পৌঁছলাম, তখন প্রায় দশটা । দেখলাম কুরুক্ষেত্র কাণ্ড বেধেছে । পাড়ার যত ছেলেমেয়ে সব ওদের বাড়িতে । নয়না একটা কালোর উপর লাল ফুল-তোলা বাঁধনী শাড়ি পরেছে । দৌড়াদৌড়িতে শাড়ির প্রান্তে কালো মোটা সিল্কের সায়ার আভাস দেখা যাচ্ছে । মাথা—কপাল—শাড়ি—ব্লাউজ সব নানা রঙে রঙিন হয়ে গেছে । ওকে দেখে, কোনও ইম্প্রেশনিস্ট আর্টিস্টের চলমান ছবি বলে মনে হচ্ছে । ও কাছে আসছে, দূরে যাচ্ছে, অন্য মেয়েদের সঙ্গে দলবদ্ধ হচ্ছে, আবার পরক্ষণেই দলছুট হচ্ছে । ওর পায়ের পাতা দুটি শ্রীরাধার পায়ের মতো সুন্দর । পাতলা সরু দুটি পাতা । ইচ্ছে করে ধরে থাকি—মুখের সঙ্গে ঘষি ।

সুজয়ের বন্ধুরা মিলে আমাকে অতর্কিতে ও অন্যায়ভাবে জবরদস্তির সঙ্গে রঙে রঙে ভূত করল, তারপর এ ওকে বালতি বালতি জল ঢালল । সকলে মিলে ভিজ়ে ঝোড়ো-কাক । ওদের ছোট্ট লনটিতে আমরা বসলাম সবাই । মাসীমা পাতুয়া পাঠালেন, সঙ্গে নিমকি । তারপর কফি । নয়নার বান্ধবীরা মিলে কোরাস গাইল, “ওরে ভাই ফাশুন লেগেছে বনে বনে” ।

দোলার দিনে প্রতিটি লোকই হেরে যাবার জন্যে মনে মনে প্রস্তুত থাকে । বলবান লোক, কিশোরী মেয়ে, রূপসী বৌদি সেদিন যে কোনও ছোট ছেলে অথবা যে কোনও অবাধ্য দেওরের কাছে হেরে যাবার জন্যে মনেপ্রাণে হন্যে হয়ে থাকে । আমি যেমন অনুক্ষণ ভাগ্যের হাতে নিজেকে সমর্পণ করে বসে থাকি—এই একটি দিনে, সবাইকে তেমনি পরনির্ভর দেখি ।

আমারও ইচ্ছে ছিল, নয়নার কাছে সম্পূর্ণভাবে পরাস্ত হব । ভেবেছিলাম, নয়না আমার খুব কাছে এসে যখন ওর সুন্দর সুরেলা আঙুল বুলিয়ে আমার সমস্ত সত্তাকে চাবি টিপে—একটি উদ্বেল পিয়ানোর মতো বাজাবে, তখন আমি আমার স্বপ্নের খুব কাছাকাছি আসব । মুহূর্তিক যত্নগায় নীল হয়ে যাব । কিন্তু নয়না কিছুই করল না । কাছে এল । যথেষ্ট ব্যবধান রেখে আমার কপালে আবীর দিল—পায়ে আবীর ঝুঁইয়ে প্রণাম করল । আবীর-মাথা মুখে, সুন্দর সুগন্ধি দাঁতে একফালি আশাবাদী রোদের মতো হাসল । তাতেই আনন্দে মরে গেলাম । ইচ্ছে করলে আশীর্বাদ করার ছুতোয় আমি ওকে কানে টেনে আনতে পারতাম—ওর মুখকে আমার বৃকে, ঝড়ের রাতের ভয়াত পাখিকে ঝাঁকড়া ঝাঁকড়া গাছ যেমন করে আশ্রয় দেয়, তেমনি করে আশ্রয় দিতে পারতাম । জড়িয়ে থাকতাম—খঁরখরানো শরীরলতাকে । কিন্তু কিছুই পারলাম না । যে আমি অনুক্ষণ ওকে কল্পনা করে কাঁদি—ওর সুরেলা শরীরকে স্বচ্ছন্দে কোমল ‘নি’তে বাজাই, ওর নূপুরের মতো নিবিড় নাভিতে কল্পনায় অনিঃশেষ যুগনাভির গন্ধ পাই, সেই আমি ওরই আঁচল থেকে একমুঠো বেগুনি আবীর নিয়ে ওর মাথার উপরে উড়িয়ে দিয়ে বললাম, দিস ইজ দ্য সোবার ওয়ে ।

অন্য অনেক ছেলে নির্দ্বিধায় হয়তো যা করতে পারে—আমি তার কিছুই করতে পারি না ।

এমনকী, আমি যতখানি ভাল নই, নয়নার কাছে এলে আমি তাই হয়ে উঠি। আমার 'সত্যি আমি'র চেয়ে অনেক সংযত। যে কামনার ছুরি অনুক্ষণ হ্যাকস্ ব্লেডের মতো আমাকে চিরে চিরে চলে, ওর কাছে গেলে, কোনও অদৃশ্য মন্ত্রবলে আমার সেই সমস্ত কামনা শীতল শামুকের তুলতুলে শরীরের মতো বাইরের সংযমী আবরণের ভিতর মুখ লুকোয়। আমি অনেকদিন নিজেকে শুধিয়েছি—একি নিছক ভাঙামি? নিজেকে মহান করে লোকের সামনে তুলে ধরার কোনও নীচ প্রচেষ্টা? ধর করে অন্য লোকের মার্সিডিস গাড়ি চড়ার মতো এও কি কোনও শস্তা বড়লোকী? কিন্তু না। নিস্তক নির্জন বিকেলে অথবা কোনও হঠাৎ ঘুমভাঙা-রাতে নিজেকে বার বার শুধিয়ে এই জবাবই পেয়েছি। জুতো পায়ে যত ময়লাই মাড়াই না কেন—মন্দিরে যাবার আগে যেমন জুতো ছেড়ে রাখি বাইরে—নয়নাসোনার কাছে এলেও জুতো পায়ে আসার কথা আমি ভাবতে পারি না। ওর কাছ থেকে চলে এলেই আবার জুতো পরে ফেলি। লোক ঠকাই—ময়লা মাড়াই, কামনার অক্টোপাসের সঙ্গে কর্কশ কুস্তি করি। নয়নাসোনা আমার মন্দির।

প্যাশের বাড়ির দেবদারু গাছে একটি কোকিল ডাকছিল। ফুরফুর করে বসন্তের হাওয়া দিচ্ছিল। ভিজ়ে পাঞ্জাবিতে গাটা শিরশির করে উঠে গায়ে কাঁটা দিচ্ছিল।

এমন সময় সেই ছেলোটী এল। প্রথম দিন থেকেই আমি দু'চোখে একে দেখতে পারি না। নয়না যেন ওকে কী এক বিশেষ চোখে দেখে—কোনও বিশেষ কোণ থেকে। ছেলোটী ফর্সা, লম্বা, মিষ্টি মিষ্টি হাসে, পেটের কাছে একটি মাঝারি সাইজের নাদু। পান খেয়েছে। পায়জামা ও আদির পাঞ্জাবি পরেছে। গায়ের রঙ যে ফরসা তা দেখানোর জন্যে ইচ্ছে করেই বোধ হয়, পিঠের কাছে অনেকখানি ছিঁড়ে রেখেছে। নীতীশ! মনে পড়েছে। এর নাম নীতীশ সেন। সেদিন সূজয় আলাপ করিয়ে দিয়েছিল।

কেন জানি না, এতক্ষণ ধরে মনে মনে যে খুশির আলাপ করছিলাম, যে মহত্বের জোড়কে গড়িয়ে গড়িয়ে উদ্যর্থের মেরজাপ্ পরে একেবারে ঝন্ঝনে ঝালায় পৌঁছে দিয়েছিলাম—এক লহমায় তার সব শেষ হয়ে গেল। ঝনাৎ করে তার ছিঁড়ে গেল, ঢপ্ করে বাঁয়ার মধ্যে হাত ঢুকে গেল। আমার সকালটাই মাটি হল।

নয়না এগিয়ে এসে আপায়ন করে বলল, আসুন আসুন। ছেলোটী মাঝপথে দাঁড়িয়ে পড়ে নয়নাকে আঁবীর দিল। বেশ ভদ্রভাবেই দিল। কিন্তু আমি নয়নার মুখে চেয়ে খুঝতে পারলাম যে নিছক শটা-বাটা আঁবীর, কপাল ভেদ করে আরও গভীরে প্রবেশ করল। আমার কানটা গরমে ঝাঁ-ঝাঁ করতে লাগল। মাথার মধ্যে ঝুনুক ঝুনুক করতে লাগল রক্ত। এত খারাপ লাগতে লাগল যে কী বলব। মনে হল ডেঙু হয়েছে। গায়ে পায়ে ব্যথা। সারা গায়ে অবসাদ, বিরক্তি; মুখ বিষাদ। নয়না কি ছেলোটিকে ভালবাসে নাকি? ছেলোটীও বোধ হয় ভালবাসে।

মনে হচ্ছে। এ সব ব্যাপারে আমার মনে-হওয়া মারাত্মক। এ রকম মনে-হওয়ার ক্ষমতা কোনও রেসুডের থাকলে সে কোটিপতি হয়ে যেত। আমার বার বার মনে হল, যা মনে হচ্ছে তা ঠিক।

ছোটবেলা থেকে নয়না ছেলোটিকে চেনে। সূজয়দের মতে, ওরকম ছেলে নাকি হয় না। ও নাকি আদর্শ ছেলে। তার মানে বুঝতেই পাচ্ছি। গুডি গুডি টাইপ। মানে ন্যাকা। খেঁকি কুকুরের লেজে তারাবাতি বেঁধে এইসব ছেলের দিকে লেলিয়ে দিতে হয়। চার্টার্ড অ্যাকাউন্ট্যান্ট। বাড়ির অবস্থা ভাল। শিলঙ-এ কোন সাহেবী কোম্পানির চিফ অ্যাকাউন্ট্যান্ট। ওখানেই থাকে। দোলে-দুর্গোৎসবে কলকাতা চলে আসে প্লেমে। দিনকয় অন্তঃসলিলা চালিয়াতি করে চলে যাবে।

ঠাঙা মাথায় প্রতিপক্ষকে দেখতে লাগলাম। যাঁড় যেমন বুল-কাইটরকে দেখে। কীই বা এমন ছেলে? হতে পারে আমার চেহারাটা ভাল না। কিন্তু পৃথিবীতে চেহারা কি সব হতে পারে ও চার্টার্ড অ্যাকাউন্ট্যান্ট—কিন্তু তা বলে আমিও কি এঞ্জিনিয়ার নই? ও লিখতে পারে? ছবি আঁকতে পারে? পারে না। ও খালি চার্টার্ড অ্যাকাউন্ট্যান্ট। ও খালি টাকা রোজগার করতে পারে আর পাণ্ডাস মাছের মতো চোখ করে অন্য লোকের টাকার হিসাব রাখে। যাচ্ছেতাই। যাচ্ছেতাই। ও আমার মতো করে ভালবাসতে পারে নয়নাকে? আমার মতো করে প্রতিদিন, নীরবে ও সোচ্চারে নয়নাকে মনে করে? কিছুই করে না। অথচ, অথচ নয়না ভালবাসে ওকে। আমাকে নয়।

পায়ের কাছে একমুঠো কচি দুর্বা ফস্ করে হাঁচকা টানে টেনে তুললাম। নয়নাদের অ্যালার্জিসিয়ানট! গন্ধ শুঁকতে শুঁকতে আমার কাছে এল। মনে মনে দাঁত কিড়মিড়িয়ে বললাম—গন্ধগোকুল কুত্তা—আমার কাছে কেন? অনেক সুগন্ধ ওদিকে আছে, যাও না শালা।

কেন এমন হয়, কেন এমন হল, জানি না। আমার সমস্ত খুশি, সমস্ত ভাল-লাগা এক লহমায় বিয়াদে ভরে গেল। পৃথিবীতে বিয়াদ ছাড়া আর কিছু যে আছে, তা চেষ্টা করেও মনে আনতে পারলাম না।

বেউ কেউ দ্বিতীয় কাপ কফি খাচ্ছিল। নয়না নিজে হাতে এক কাপ কফি এনে আমাকে বলল, নিন। ও জানত, কফি আমি ভালবাসি এবং ভিজ্জে জামাকাপড়ে আর এক কাপ কফি না খাবার কোনও কারণ ছিল না। তবু ও কাছে এসে, যে মুহূর্তে আমার সামনে দাঁড়িয়ে প্রীতিরারানো হাসি হেসে বলল, নিন, ধরুন; সেই মুহূর্তে সব রাগ গিয়ে পড়ল ওর উপর। বললাম, খাব না।

ও বুঝতে পারল, কোনও কারণে আমি অখুশি আছি। আরও কাছে এসে বলল, রাগ করেছেন আমার উপর?

ওর মুখের দিকে না চেয়েই অন্যদিকে চেয়ে বললাম, রাগ করার কোনও কারণ তো ঘটেনি। তবু, আমার মুখে চেয়ে ও ব্যথিত হল। একটু চুপ করে থেকে বলল, খাবেন না? সত্যি?

আমি কোনও জবাবই দিলাম না।

অন্য অনেকে সেখানে ছিল। আর কিছুই না বলে ও কফিটা নিয়ে ফিরে গেল।

একটুকুণ বসে থাকার পরই আমার মনে হল যে, আমার এখানে আর থাকবার কোনও মানে নেই। আর একটুও থাকা না-থাকা সম্পূর্ণ অর্থহীন। আমার কাছে তো বটেই—নয়নার কাছেও। এবং অন্য কারও মতামত নিয়ে আমার মাথাব্যথা নেই।

হঠাৎ উঠে পড়লাম। উঠে সুজয় ও মাসিমার কাছে বিদায় নিয়ে চলে এলাম। নয়না গেটের কাছে অবধি পৌঁছে দিতে পর্যন্ত এল। আমার উচিত ছিল যে একটা ভদ্রতাসূচক “চলি” অন্তত বলি। কিন্তু আমার রক্তের মধ্যে যে ভাবপ্রবণ জানোয়ারটা বাস করে সে নীরব রইল। দড়াম আওয়াজ করে অসভ্যর মতো দরজাটা বন্ধ করলাম। তারপর গাঁ-গাঁ করে গাড়িময় কুৎসিত আর্ডনাদ তুলে সোজা বাড়ি এসে পৌঁছলাম। ঘরে বসে—চুপচাপ—একেবারে একা একা অনেকক্ষণ পাইপ খেললাম। তারপর চান-ঘরে ঢুকে শাওয়ার খুললাম। সমস্ত শরীরের রঙ—লাল, নীল, বেগুনি, সবুজ, রূপালি, সোনালি, সব রঙ অহংকারের মতো, আমার অন্ধ আবেগের মতো গলে গলে পড়তে লাগল। চান-ঘরের আয়নায়ে সেই সিন্ধু, পরিবর্তনশীল, বহু-রঙে-রঙিন ছবি দেখে, হঠাৎ নিজেই মনে হল এ কোনও অনাদিকালের বহুরূপী। একে আমি নিজেও কোনওদিন চিনিনি। সাবান দিয়ে ঘষে ঘষে রঙ তুলতে তুলতে হঠাৎ নিজের উপর খুব রাগ হল, ঘৃণা হল, নিজেই মারতে ইচ্ছা করল।

এত খারাপ লাগতে লাগল যে, কী বলব! মেয়েটিকে অমনভাবে বিনা কারণে ব্যথা দিয়ে এলাম—একটি কুৎসিত, নোংরা, এক-রোখা শুয়োরের মতো। ছিঃ ছিঃ ছিঃ। নয়নাকে আমি অন্যায়ভাবে ব্যথা দিয়ে এলাম। ভারী খারাপ আমি; ভীষণ খারাপ।

দমদম এয়ারপোর্টের রিসেপশন কাউন্টারের পাশের টেলিফোন-বুথ থেকে ফোন করলাম। ডায়াল টোন শুনতে পেলাম—ঘটাং করে পয়সা ফেললাম।

একবার পিছন ফিরে তাকলাম। ইনস্যুরেন্স কাউন্টারের ভদ্রলোক তখনও আমার দিকে অনিমেঘে তাকিয়ে আছেন; হাতটা যদি ইচ্ছে মতো লম্বা হত তো ওইখানে দাঁড়িয়েই হাত বাড়িয়ে চটাস্ করে চড় মারতাম। মজা না কি? পয়সা খরচ করে প্রিমিয়াম দেবে আর উনি বলছেন ইনস্যুরেন্স করবেন না। বলে কি না, ইনসিওরেন্স ইন্টারেস্ট নেই। যদি নয়নার জীবনে আমার ইন্টারেস্ট না থাকে—তো কার জীবনে আছে? তাছাড়া পলিসি কিনে রাখছি আমি। প্লেন ক্র্যাশে

মরলে নয়না দু'লাখ টাকা পাবে । ওকে তো নমিনী করলাম মাত্র ।

ভদ্রলোক চশমার ফাঁক দিয়ে শুধোলেন, রিলেশন ?

প্রথমে গভীর হলাম ।

তারপর ভাবলাম, গভীর হয়ে থাকলে খারাপ কিছু ভাবতে পারে—কত রকম বদখত লোক আছে কলকাতা শহরে—তাদের কত শত মেয়ের সঙ্গে কত রকম সম্পর্ক আছে । পাছে, এই রামগড়ুরের ছানা, নয়না সম্বন্ধে খারাপ কিছু ভাবে—তাই হেসে ফেললাম । একেবারে এক গাল ।

বললাম, ভালবাসি ।

ভদ্রলোক চশমার তলা দিয়ে আমায় দরদরিয়ে দেখলেন, বললেন, তাহলে কী লিখব ? লাভার ?

আমি বাধা দিয়ে বললাম, না না ।

তারপর অসহায়ভাবে বললাম, কিছুই না লিখলে হয় না ?

ভদ্রলোক পেনসিলটাকে দু'বার প্ল্যানচেষ্টের মতো ঘুরিয়ে ঘুরিয়ে বললেন, ফিফাসে ?

খুশি হলাম ।

ভয়ে ভয়ে বললাম, আচ্ছা এইসব টেকনিকাল অসুবিধার জন্যে আমি মরে গেলে টাকাটা পেতে কোনও ঝামেলা হবে না তো ?

উনি কনফিডেন্টলি বললেন, দেখবেনই তখন স্যার ।

ফোন করতে করতে ভাবলাম, বেশ বলল বটে, দেখবেনই তখন স্যার । মরে গেলে কোথায় থাকব তা আমি কী করে জানব ? দেখতে পাব কি না তাই বা কে জানে ? আর দেখতে পেলেও অন্যায়ের প্রতিকার করতে পারবই যে এমন কি কোনও গ্যারান্টি আছে ?

তবে মরে যাবার পর যাই হোক, মরবার আগেই মুহূর্তটিতে তো অন্তত আরামে মরতে পারব । এই ভেবেই আশ্বস্ত হলাম । পাশের সিটের ব্যবসায়ী প্যাসেঞ্জার যখন কোমরে বাঁধা টাকার থলি নিয়ে হাঁটুমাঁড় করে বসবে—গর্বিতা এয়ার হোস্টেসের যখন নাক দিয়ে খুকুমণির মতো জল গড়াবে, কস্ট্রোলে-বসা পাইলট আর কো-পাইলটের তলপেট যখন গুড়গুড়িয়ে উঠবে আঘাতে মেঘের মতো—তখন একা আমি আরাম করে শুয়ে শুয়ে স্বপ্ন দেখব । দু'লাখ টাকায় নয়না অনেক কিছু করতে পারবে । একটি ছোট্ট লনওয়ালা বাড়ি । একটি আকাশী-নীল রঙ স্ট্যান্ডার্ড হেরাল্ড । তারপর ও যাকে ভালবাসবে, তার জন্যে কিছু করতে পারবে । সেই ছেলে যদি পড়াশুনা করতে ভালবাসে, তাকে একটি মনোমত স্টাডি করে দিতে পারবে । সে যদি শিকার করতে ভালবাসে, তাকে দামি দামি ডাবল-ব্যাবল রাইফেল কিনে দিতে পারবে—আরও অনেক কিছু করতে পারবে—যা নয়না করতে চায় এবং যা ও আমায় কোনওদিনও জানতে দেয়নি ।

অন্ত সামান্য প্রিমিয়ামের বদলে এমন একটি ভূমি যে পাওয়া যাবে তা ভেবেই ভাল লাগছে ।

ফোনটা বাজছে । প্রায় দু মিনিট হল । এত সকালে বোধ হয় কেউ ওঠেনি ।

বেয়ারা ধরল । বলল, নয়না উঠেছে । চা খাচ্ছে ।

নয়না এসে ফোন ধরল ।

কী ব্যাপার ? এত সকালে ?

দমদম এয়ারপোর্ট থেকে ফোন করছি ।

কোথায় গেছিলেন ?

কোথাও যাইনি । এখন যাচ্ছি । গৌহাটি । সেখান থেকে শিলঙ ।

বেড়াতে ?

না না । অফিসের কাজে ।

আগেই যখন বলেননি, তখন তো পৌঁছেই খবরটা দিতে পারতেন ।

রাগ কোরো না । বিশ্বাস করো । গতকাল দিনে ও রাতে তোমায় তিনবার কোম করেছিলাম ।

আমি তো সবসময়ই বাড়ি ছিলাম ।

হয়তো ছিলে । কিন্তু তুমি একবারও ফোন ধরোনি ।

কে ধরেছিল ?

প্রথম দু'বার তোমার জামাইবাবু, মানে দিলীপদা ধরেছিলেন, তার পরের বার ময়নাদি। আমি যখন কথা বললাম না তখন দিদি বললেন Ghost call।

নয়না রেগে গেল। বলল, কেন? আপনি কী করেছিলেন?

আমি কিছুই করিনি বা বলিনি। মানে বলতে পারিনি। আসলে আমার লজ্জা করছিল ভীষণ।

লজ্জা করছিল? কেন?

মানে ভেবেছিলাম, কিছু মনে করতে পারেন ওঁরা। কী কারণে আমি তোমাকে রোজ রোজ ফোন করি—একথা নিয়ে আলোচনা হতে পারে।

কেন ফোন করেন আপনি জানেন না?

আমি জানি। আমি তো জানিই। আমার জন্যে ভয় নয়। ভয় তোমার জন্যে। তোমাকে পাছে ওঁরা কিছু ভাবেন। অথচ ভাবার কিছুই নেই।

আমি কাউকে কেয়ার করি না।

তারপর একটু চুপ করে থেকে বলল, আচ্ছা, আপনি না বাঘ মারেন?

বললাম, সে সাহস অন্য সাহস। সে অনেক সহজ সাহস। তুমি বুঝবে না। কীসের ভয়, তা তুমি বুঝবে না।

ও চুপ করে রইল।

বললাম, শোনো। এগুনি একটি দু'লাখ টাকার পলিসি করেছি। রসিদটা খামে করে তোমাকে পাঠালাম। আমার যদি কিছু হয় টাকাটা তোমার খুশিমতো খরচ কোরো। তোমাকে তো কিছুই দিতে পারিনি।

ব্যাপারটার অভিনবত্বে ও বোধহয় রীতিমতো অভিভূত হয়ে পড়ল। অনেকক্ষণ কিছু বলল না।

তারপর বলল, প্লেনে চড়লেই সকলে মরছে কিনা!

বললাম, একদিন না একদিন তো মরতে পারে। অ্যাকসিডেন্ট ইজ্ অ্যাকসিডেন্ট। তারপর, ওর কাছে প্রতি বার বাইরে যাবার আগে যেমন করে ভিক্ষা চাই, তেমন করে ভিক্ষা চাইলাম।

আমাকে চিঠি লিখবে? অন্তত একটি চিঠি।

চিঠি? আচ্ছা। একটা তো? আচ্ছা। একটা লিখব। উঠবেন কোথায়?

পাইনউড হোটেলে উঠব। খুব চমৎকার হোটেল। তুমি গেছ শিলঙ?

অনেকদিন আগে। ছোটবেলায়। আমরা পিক হোটেলে ছিলাম।

বললাম, ইস, যদি আমরা দুজনে একসঙ্গে যেতে পারতাম? খুব মজা হত, না?

হয়তো মজা হত। কিন্তু কিছু কিছু মজা থাকে যা বাস্তবে হয় না। যা কল্পনায় করতে হয়।

বললাম, জানি তা।

কিছুক্ষণ পরে ও বলল, ঋজুদা আপনি একটা পাগল। সত্যি সত্যিই ইনস্যুরেন্স করেছেন? কেন করেছেন? আমি আপনার কে?

বললাম, তুমি আমার কেউ নও। কিন্তু আমার মৃত্যুর পর হয়তো কেউ হবে।

ও অস্বস্তিভরা গলায় বলল, আপনাকে নিয়ে মহা মুশকিলেই পড়লাম আমি। শুনুন। খুব ভাল হয়ে থাকবেন কিন্তু। দুষ্টমি করবেন না। রোজ আমাকে একটা করে চিঠি দেবেন।

নয়নার গলাটা একটু ভারী ভারী লাগল।

আমি নিশ্চয়ই দেব। তুমি দেবে তো? তোমার চিঠির জন্যে বসে থাকব কিন্তু। তোমার যা কিছু লিখো; কিন্তু লিখো।

একটা চিঠি তো? বেশ! এবারে ঠিক দেব। দেখবেন। তারপর বলল, ভাল লাগে না। কী যে চলে যান-না, না বলে-কয়ে এমনি ছুঁ করে। ভেবেছিলাম, এই রবিবারে আপনাকে দেখতে বলব। মা অনেকদিন হল আমার বলছেন।

কী করব বলো? অফিসের কাজ। না গিয়ে উপায় নেই।

শিলঙে তো এখন বেশ ঠাণ্ডা হবে। ভাল করে গরম কাপড় পরিয়েছেন তো? ঠাণ্ডা লাগাবেন না কিন্তু।

এমন সময় প্লেন ছাড়ার অ্যানাউন্সমেন্ট শুনলাম মাইক্রোফোনে ।

বললাম, নয়না, ছাড়ছি এখন । প্লেনে উঠতে হবে । চলি ।

ওপাশ থেকে নয়না তাড়াতাড়ি বলল, স্বজ্জুদা, ভাল হয়ে থাকবেন । চিঠি দেবেন ।

আচ্ছা !

ফোন ছেড়ে দিয়ে প্লেনটি যেখানে টেক-অফের জন্যে রাণী মৌমাছির মতো উদ্গীৰ হয়ে দাঁড়িয়ে আছে, সেদিকে দৌড়লাম ।

দরজা দিয়ে বেরোতে গিয়ে একজন মোটা ভদ্রলোকের সঙ্গে ধাক্কা লাগল । ভদ্রলোক মারেন আর কী । যেন আমারই দোষ ।

কিন্তু আমার এখন কারও সঙ্গেই ঝগড়া করার ইচ্ছে নেই ।

হাত জোড় করে থিয়েটারি ভঙ্গিতে বললাম, অন্যান্য হয়ে গেছে, মাপ করুন । আবার দৌড়লাম । আমার পায়ে এখন খুবাল হরিণের বেগ । আমি এখন প্লেনের চেয়েও জোরে ছুটতে পারি । আমি নাচতে নাচতে দৌড়লাম । আমি ভাল হয়ে থাকব, আমি ভাল হয়ে থাকব ; আমি ভাল হয়ে থাকব... ।

প্লেনে উঠে গেলাম । সিঁড়ির মুখে, পাকা এয়ার-হোস্টেস বিজ্ঞের মতো বলল, গুড মর্নিং । আমি হাসলাম, বললাম, 'ভেরি গুড মর্নিং ইনডিড' । মেয়েটি একটু ঘাবড়ে গেল । জায়গায় গিয়ে বসলাম । পাশে, এক ছোকরা মিলিটারি অফিসার । আমাদের বয়েসীই হবে । সেকেন্ড লেফটেন্যান্ট । তাকে পাশ কাটিয়ে জানালার পাশে আমার সিটে বসলাম ।

ফকার-ফ্রেন্ডশিপ বা অন্য কোনও প্রেশারাইজড প্লেনে চড়ার মানে হয় না কোনও । বাইরের শব্দ-টন্দ কিছুই কানে আসে না । সাইলেন্ট পিকচারের মতো শুধু দেখা যায় । এর চেয়ে পুরনো ভাঙা ড্যাকোটা ভাল । পয়সা দিয়ে যে প্লেনে চড়েছি, তা প্রতি মুহূর্তে বুঝতে পারা যায় । ধড়ফড়-গড়গড় করে । ক্ষণে ক্ষণে এয়ার-পকেটে পড়ে বডি থ্রো দেয় । ডিগবাজি খেতে চায় । মানে, প্রাণ এবং কান নিয়ে প্রতিমুহূর্তে লোফালুফি করে । বেশ অ্যাডভেঞ্চারাস এক্সপিরিয়েন্স । তা নয়, এ যেন এয়ার-কন্ডিশনড ঘরে বসে থাকা ।

প্লেনটা ট্যাক্সিয়িং করছে—উড়ল—উড়ল—ব্যাস । এবার সোঁ সোঁ করে মেঘ ফুঁড়ে উপরে উঠল—মেঘকে নীচে ফেলে আরও উঠে গেল । তারপর মুখ সোজা করে গন্তব্যের দিকে চলল ।

পাকিস্তান আমাদের সঙ্গে নাক ঘষাঘষি করে ক্ষতিগ্রস্ত হয়েছে হয়তো, কিন্তু আমাদের মতো প্লেন যাত্রীর লাভ হয়েছে বিস্তর । আগে প্লেন গৌহাটি যেত পাকিস্তানের উপর দিয়ে । এয়ার হোস্টেস ক্যানক্যাননে গলায় বলত, উই উইল শর্টলি ফ্লাই ওভার দি রিভার পদ্মা ।

জানালা দিয়ে পদ্মার ছবি দেখতাম—চর, জল ; অববাহিকা । গল্পে-শোনা ভাটিয়ালি গানের পদ্মা, কল্পনার রাজকন্যা পদ্মা ।

কিন্তু এ বছর পাকিস্তানের উপর দিয়ে যাওয়া চলবে না ।

গেলেই হয়তো কড়াক-পিঙ্ করে দেবে ।

এখন প্রায় হিমালয়ের কোল ঘেঁষে যেতে হয় । ভারতের মধ্যে মধ্যে । আর ভাগ্যিস যেতে হয় । তুষারমৌলি হিমালয়ের সে কী রূপ । বরফাবৃত চূড়ায় সকালের রোদ এসে পড়েছে—আজ যেন নগাধিরাজের অভ্যৈক্য হচ্ছে । দার্জিলিং—আলমোড়া থেকেও হিমালয় দেখা, আর এ একেবারে নগাধিরাজের মুখের কাছে গিয়ে দেখা । এ দেখার তুলনা হয় না । কী সোনালি সুখ, কী সুন্দর । আমার নয়নাসোনার চেয়েও সুন্দর । এ দৃশ্য না দেখলে জীবনে সত্যিই একটা দেখার মতো কিছু অদেখাই রয়ে যেত ।

এয়ার-হোস্টেস ব্রেকফাস্টের ট্রেটা নামিয়ে দিয়ে গেল । কানের কাছে ফিসফিসিয়ে শুধোল, চা না কফি ? বললাম, কফি । সামনে বসা গুজরাটি ভদ্রলোককে মেয়েটি শুধোল, ভেজেটারিয়ান অর নন-ভেজেটারিয়ান ?

ভদ্রলোক সাবধানে এদিকে-ওদিকে তাকালেন, তারপর প্রাইভেটলি শুধোলেন, হুইচ উইল বি বেটার ?

তার মানে, বুঝলাম ডিম মাংস খাবার ইচ্ছে হয়েছে।

বেচারি মেয়েটি ফ্যালফ্যাল করে তাকিয়ে রইল।

ওর এয়ার-হোস্টেসের জীবনে এমন তাজ্জব প্রশ্ন ও শোনেনি।

আমার চোখে চোখ পড়তেই ইশারায় বললাম, নন-ভেজ্। সঙ্গে সঙ্গে মেয়েটি পেশাদারি হাসি হেসে বলল, নন-ভেজ্জেরিয়ার।

ভদ্রলোক যেন হাঁফ ছেড়ে বাঁচলেন। বললেন, দেন, নন-ভেজ্জেরিয়ার প্লিজ।

ব্রেকফাস্ট খেয়ে জমিয়ে পাইপটা ধরলাম। এখন খুব ভাল লাগছে। প্লেনে উঠেই প্রথম মিনিট পনেরো কুড়ি কেন যেন অস্বস্তি লাগে। মাটি ছেড়ে, সাধের পৃথিবী ছেড়ে মনটা দুখায়।

এখন বেশ ভাল লাগছে। প্রপেলার দুটো নীল আকাশে হাওয়া কাটছে। পুজোর আর বেশি দেরি নেই। ধবধবে সাদা মেঘে সোনালি রোদ লেগেছে। পায়ের তলায় সুন্দরী পৃথিবী লুটিয়ে রয়েছে। ধুলো নেই, বালি নেই, স্টেটবাসের ধোঁয়া নেই, ধ্বংস করো ধ্বংস করো, চলবে না চলবে না, চীৎকার নেই। এখানে সবকিছু চলবে। গান গাওয়া চলবে, কাউকে ভীষণভাবে ভালবাসা চলবে, মানে, এখানে জীবন ছাড়িয়ে এসেও বেঁচে থাকা চলবে।

প্রপেলার দুটো ঘুরছে। নিশ্চয়ই গুন্‌গুন্‌ করছে। ভিতরে বসে শোনা যাচ্ছে না। প্লেনের স্টার-বোর্ড উইং-এর একটা পাশে ছায়া পড়েছে। সাদা বরফের মতো কুঁচি কুঁচি জল জমেছে ধূসর পাখাটার গায়ে। যেন কোন করুণ জাঙ্গীল—উড়ে চলেছে—উড়ে চলেছে—উড়ে চলেছে। ভারী ভাল লাগছে। বেঁচে আছি বলে আনন্দ হচ্ছে। মরার কথা ভাবতেও ইচ্ছে করছে না। পৃথিবীটা এত সুন্দর জায়গা। এত কিছু কান ভরে শোনার আছে, চোখ ভরে দেখার আছে, আর এই একটি পাগল মন নিয়ে ভাবার আছে যে, আমার মরতে ইচ্ছে করে না।

আমি খুব ভাল আছি ; ভাল হয়ে থাকব।

৮

এসবে এখন অভ্যস্ত হয়ে গেছি। এই উত্তাপহীনতা, এই ব্যথা পাওয়া, এই নিজেকে ছোট করার সীমালঙ্ঘন—এই সবকিছুতে আমি অভ্যস্ত হয়ে গেছি। আমি একটুও ভাল নেই।

আমার মনে পড়ে না, নয়না কোন ব্যাপারে আমার অনুরোধ রেখেছে। আমাকে কোন অবকাশে অপমান না করেছে! আমার কোন আশাকে সে সফল করেছে?

শিলঙ থেকে রোজ রাতে নয়নাকে আমি একটি করে চিঠি দিয়েছি। সকাল থেকে রাতে কী করলাম লিখেছি—। রোজ শোবার সময় পার্স থেকে ওর ছোট্ট ফোটোটি বের করে শুয়ে শুয়ে দেখেছি। ওর ছবির দিকে চাইলে মনে হয় না ও এরকম নির্ভুর হতে পারে, এমন বিবেকহীন হতে পারে। রোজ শোবার সময়, আমি ওর জন্যে শুভকামনা করে ঘুমিয়েছি। কাজের অবকাশে, পাখি-ডাকা দুপুরে, ঝাউবনে-দোলা-দেওয়া হাওয়ায় যখন রোদের বাঁকা ফালি এসে পড়েছে—পাইনউড হোটেলের কাঠের ফ্লোরের বিরাট ডাইনিংরুমের পর্দা-দেওয়া জানালার পাশে বসে, আমি একা একা লাঞ্ খেয়েছি—আর নয়নার কথা ভেবেছি।

আমার সজ্ঞানে, আমার চোখ খুলে, নয়না যা পছন্দ করে না তেমন কোনও কিছুই যে আমি করতে পারি এমন ভাবনাগুলিকে পর্যন্ত আমি ট্রাউজারের চোরকাটার মতো একটি একটি করে উল্টো ফেলেছি।

প্রতিদিন দুপুরে ও রাতে ম্যানেজারের অ্যাসিস্ট্যান্টের কাছে খোঁজ করেছি আমার চিঠি এসেছে কি না। তার সঙ্গে বসে ডাকবিভাগের নিরীহ কর্মচারীদের গাফিলতির তীব্র নিপ্পন করাই। ভেবেছি, চিঠি না-পাওয়ার জন্য তারাই দায়ী।

হয়তো কিছুই লিখত না নয়না চিঠিতে। হয়তো লিখত, ‘সু’দার, টেনিস টুর্নামেন্ট আরম্ভ হয়েছে—ওদের অ্যালশেসিয়ান কুকুরটার (জিম) শরীর ভাল যাচ্ছে না। ওর পড়াশুনার চাপ চলেছে। ইত্যাদি।

ও যে কোনওদিন চিঠিতে আমাকে এমন কিছু লিখবে যা পরে ওর বিপদ ডেকে আনতে পারে, তা আমি মনে করি না। তাছাড়া কোনও ব্যাপারে, বিশেষ করে ওর লেখা চিঠি দেখিয়ে ওকে ব্ল্যাকমেল করে ঠকানোর কথা, আমি অন্তত মনেও আনতে পারি না। তাছাড়া ব্ল্যাকমেল যদি কেউ কোনওদিন আমাকে করতে চায়, তা ও-ই করতে পারবে। কারণ, আমি ওকে কিছু বাকি রেখে চিঠি লিখিনি। একজন সদ্বংশজাত ছেলে একজন সদ্বংশজাতা মেয়েকে কিছুই-বাকি-না-রেখে ভালবাসলে যেমন করে চিঠি লিখতে পারে তেমন করেই লিখেছি। এ চিঠিগুলির জন্যে হয়তো ভবিষ্যতে অনেক নিগূহীত হতে হবে আমাকে। অনেকে এবং হয়তো নয়নাও গায়ে খুঁচু দেবে। আমার কী হবে তা নিয়ে কখনও আমি ভাবিনি। কারণ আমার ভালবাসায় কোনও মেকি ছিল না—আজও নেই। ও যদি আমার উজাড়-করা ভালবাসার প্রতিদানে আমায় আরও শাস্তি দিতে চায় তো দেবে। আমার অধিকার বোধহয় শাস্তিতেই—পুরস্কারের ভাগ্য করে তো এ জন্মে জন্মাইনি।

কিন্তু আমি তো ওর কাছে প্রেমপত্র প্রত্যাশা করিনি। শুধু ও কথা দিয়েছিল যে, একটা চিঠি দেবে। পাঁচটা নয়, দশটা নয়; মাত্র একটা চিঠি। সেই প্রতিশ্রুতি একটি মাত্র চিঠিও ও আমাকে দেয়নি। আসলে আমিও যে একটা মানুষ, একটা রক্ত-মাংস—শরীর-হৃদয়ের মানুষ তা বোধহয় নয়না কোনওদিন ভেবে দেখেনি।

আমি কি ব্যর্থ প্রেমিক? হয়তো ব্যর্থ আমি। ব্যর্থ; কারণ আমি নিজেকে সার্থক করতে পারিনি। কিন্তু তা বলে প্রেম কখনও ব্যর্থ হয় না। কারণ প্রেমই কোনওদিন ব্যর্থ হয়নি। আমি সব সময় বুঝি, ভাবি, মনে রাখি যে, আমি একটি সামান্য ছেলে—একটি সামান্য এঞ্জিনীয়র ঋজু বোস। আমার গর্ব করার মতো জীবনে কীই বা ছিল। না চেহারা, না গুণ; না অন্য কিছু। আমার মতো অনেক অকালকুম্ভাণ্ড ছেলে কলকাতার পথেঘাটে আকছার ঘুরে বেড়ায়। আসলে আমার সর্বস্ব দিয়েই নয়নাকে ভালবাসার আগে আমার কোনও পরিচয়ই ছিল না। আমি একটি Negative entity ছিলাম। কিন্তু এখন একজন মহৎ মানুষ। প্রেম আমাকে অনেক কিছু দিয়েছে যা আমার কোনওদিন ছিল না; যা কোনওদিন আমি অন্যত্র পেতাম না।

নয়না আমাকে কিছুই দেয়নি এতবড় মিথ্যা কথা বললে আমার পাপ হবে। নয়না আমাকে যা দিয়েছে তার ঋণ শোধ করতেই আমার আবার এ পৃথিবীতে আসতে হবে। কিংবা হয়তো গত জন্মেও কিছু ঋণ ছিল। সে বোঝাই এখন হালকা করছি। কিন্তু এও তো সত্যি, নিজের কিছুমাত্রই না হারিয়ে নয়না আমাকে যা দিতে পাবত তার কিছুই ও দেয়নি। নয়না সে কথা আমার চেহেও ভাল করে জানে। তবু, ওর যদি বুদ্ধি বলে কিছু থেকে থাকে, যদি মন বলে কোনও পরিশীলিত বস্তু থেকে থাকে, তবে একদিন ও বুঝবে যে, যার বুকুই শুয়ে থাকুক না কেন, ঋজু বোসের মতো করে আর কেউ এ জন্মে ওকে ভালবাসতে পারবে না; পারেনি। একদিন না একদিন, এ সত্যি তার কাছে প্রতিভাত হবেই।

ভুলে থাকার চেষ্টা করি। সবসময় চেষ্টা করি। কিন্তু ভারী দেখতে ইচ্ছে করে ওকে, বড় কথা বলতে ইচ্ছে করে। মনটা পাগল-পাগল করে। মাঝে মাঝে আফনার সামনে দাঁড়িয়ে নিজেকে খুব শাসন করি। বলি, কলকাতা শহরে নয়নারপেঁটা ছাড়া আর কি মেয়ে নেই? তোমাকে কি আর কেউ ভালবাসতে চায় না? চায়নি কোনওদিন? তক্ষুনি যে-আমি মনকে শাসন করে, সে-আমিকে ভীষণ ধমকে দিয়ে অন্য-আমি বলে, ইউয়টের মতো কথা বোলো না। নয়না নয়নাই। নয়নার অস্তাব অন্য কাউকে দিয়ে পূরণ হয় না।

আসলে এই ছুটির দিনগুলোই জ্বালায়। যেই নিমগাছটায় বুক বুক হাওয়া দেয়, স্থলপদ্ম গাছের সারিতে রোদের আঁচ লাগে—রঙ্গনেদের ডালে মৌটুসি পাখি এসে কিস্কিস্ করে কণ্ঠা ধলে, অমনি ভিতরের পাগলটা গরাদ ভেঙে বাইরে আসতে চায়।

আমাকে চিঠি না লিখে ও যা অনায়াস করেছে তার কোনও ক্ষমা হয় না। প্রতিজ্ঞা করেছিলাম ওকে ভুলে যাব। অন্তত একমাস ওর সঙ্গে কোনও সংশ্রব রাখব না। মানে, ভেবেছিলাম ওকে একটু টাইট দিতে হবে।

কিন্তু শিলঙ থেকে ফিরেছি মাত্র পাঁচ দিন! ফিরে আসার পর এই প্রথম ছুটির দিন। কিন্তু আর

প্রতিজ্ঞা রাখা হয়ে উঠল না। ভাবলাম একটা টেলিফোন করিই না নয়নাকে। এবারের মতো ক্ষমা করে দিই। যেতেও পারতাম ওদের ওখানে। কিন্তু একা একা কথা বলতে পাই না। সুজয়টা খেলার আলোচনা করবে। কোন খেলার কোন টিমে গেল—এই সীজনে কে কটা গোল দিল—। এখনও সেই কলেজের ছেলেই রয়ে গেছে—মাসিমা তাঁর ন' দেওরের সেজ ছেলে দুর্গাপুরে কীভাবে অ্যাক্সিডেটে মারা গেল তার গল্প করবেন। নয়নার মুখের দিকে ভাল করে একবার তাকাতে পর্যন্ত পারব না। ওঁদের মুখের দিকে চেয়ে কথা শুনতে হবে, মাথা নাড়তে হবে—তারপর চা কি কফি খেয়ে রাগে গর্গর্গ করতে করতে চলে আসতে হবে। তার চেয়ে ফোন করা ভাল।

ফোনটা নয়না ধরল। ঈস্ কী বরাত আজ।

কে ?

আমি নয়না বলছি : কে ? ঝাজুদা ?

হ্যাঁ। তোমার সঙ্গে কথা বলব না।

বা রে। তাহলে ফোন করা কেন ? ছেড়ে দি ? (বলে হাসল)।

রাগে গা জ্বালা করতে লাগল।

ও আবার বলল, কেন ? কথা বলবেন না কেন ?

কেন, তুমি জানো না ?

না ! কী হয়েছে ? কবে এলেন আপনি ?

তা দিয়ে কী হবে !

আপনার সব ক'টি চিঠি পেয়েছি। প্রতিটি চিঠি দারুণ হয়েছে। ভীষণ—ভীষণ ভাল লেগেছে। মানে, এত ভাল লেগেছে যে দাদা এবং মাকেও দেখিয়েছি।

কী করেছ ?

চিঠিগুলি দাদা এবং মাকে দেখিয়েছি।

তুমি না প্রতিজ্ঞা করেছিলে আমার চিঠি কাউকে দেখাবে না ?

করেছিলাম। কিন্তু এই চিঠিগুলো দারুণ ভাল হয়েছিল। এদের বেলা ওসব প্রতিজ্ঞা-টতিজ্ঞা খাটে না। সুমিতাকেও দেখিয়েছি।

কিছু বলার নেই।

অনেকক্ষণ চুপ করে রইলাম।

কী হল ? কথা বলুন !

তুমি আমাকে চিঠি দাওনি কেন ?

ও খুব ক্যাজুয়ালি বলল, আর বলবেন না। জামেন, একদিন মনেও পড়ল। কিন্তু খাম-টাম ছিল না—। লিখব লিখব কবে আর হয়ে উঠল না। আর কীই বা লিখতাম ? লিখিনি ভালই হয়েছে। পড়ে, আপনি হয়তো হাসতেন।

কী আর বলব ? সত্যিই বলার কিছুই নেই। চুপ করে রইলাম।

নয়না বলল, তারপর ? খুব তো বেড়িয়ে এলেন।

হ্যাঁ, বেড়াতেই তো গেছিলাম কিনা ? শিলঙে উঠতে যা বমি হয়। ভদ্রলোক শিলঙে যায় ?

বমি হ'য় ? সে কী ? আপনি কি মেয়ে নাকি ?

ভীষণ রাগ হল। বললাম, মানে ? মেয়ে নাকি মানে কী ? ট্রাক-ট্রাক যণ্ডা গুণ্ডা সিঁকিটারির জোয়ানগুলি গলগল করে সারা রাস্তা বমি করতে করতে যায় যে—তারাত্ত বুঝি মেয়ে ?

নয়না হাসতে হাসতে বলল, তা জানি না, কিন্তু খুব হাসি পাচ্ছে। আপনি জেলিনা দুলাতে পারেন ?

দোলনায় আবার ছেলেরা চড়ে নাকি ?

পারেন ?

না। আমার গা গোলায়।

ছিঃ। লোককে বলবেন না। সকলে হাসবে।

একটু থেমেই বলল, থাক, বাজে কথা থাক। এই একটু আগেই আপনার কথা ভাবছিলাম।

আমার কী সৌভাগ্য!

সত্যি। আপনার বন্দুকটা নিয়ে একবার আমাদের বাড়ি আসবেন?

কেন? পাগল কুকুর বেরিয়েছে নাকি?

না। পাগল কুকুর নয়। টিকটিকি—মানে মোটা মোটা বিচ্ছিরি কুমীরের মতো গাটা—কালো দেখতে।

কোথায়?

আমার বাথরুমে। দেওয়ালে। এমন ভয় দেখিয়েছে না আজ সকালে! সকালে বেসিনের সামনে দাঁড়িয়ে চোখে জলের ঝাপটা দিয়ে যেই মুখ তুলেছি, দেখি আয়নার নীচে থেকে একেবারে আমার নাকের সামনে উঁকি মারছে। চমকে উঠে এমন চিৎকার করেছি যে মা দৌড়ে এসেছেন। পার্টিকুলারলি এই একটা টিকটিকিই খারাপ। যেমন দেখতে, তেমন স্বভাব।

বললাম, আমার মতো?

ও সিরিয়াসলি বলল, না না, ঠাট্টা নয়। এমন গোম্মা গোম্মা চোখে তাকায় না। চান করার সময়ও ভয় দেখায়। অন্য সাদা টিকটিকিগুলো কিছু করে না; ভাল। বেশ মেয়েলি স্বভাবের। এইটা একটা জংলি। পুরুষ-পুরুষ।

তারপর একটু থেমে বলল, আসবেন বন্দুকটা নিয়ে?

টিকটিকি মারতে বন্দুক লাগে না। এয়ার রাইফেলেই কাজ হবে। কিংবা, গিয়ে, হাতে ধরে পকেটে পুরেও নিয়ে আসতে পারি।

ঈস, যেম্মা করবে না?

যেম্মা করবে কেন? এমন একজন ভাগ্যবান ভদ্রলোক।

কেন? কেন? ভাগ্যবান কেন?

তা জানি না। তবে আমার খুব ইচ্ছে করে, আমি তোমার চান-ঘরের টিকটিকি হই।

কেন?

পরক্ষণেই মানে বুঝতে পেরে বলল, ঈ—স, কী খারাপ আপনি। ভারী, ভারী খারাপ হয়েছেন। সত্যি সত্যিই আপনি টিকটিকিটার মতোই জংলি! ছিঃ।

অনেকক্ষণ চুপ করে থাকলাম।

ও সামনে থাকলে, সবাস্ত্রীণ লজ্জায় লাল হলে ওকে কেমন দেখায় দেখতে পেতাম।

তুমি কেমন আছ?

ভাল। খুব ভাল। আপনি কেমন আছেন?

ভাল।

শিলাঙে ভাল হয়ে ছিলেন তো?

কেন? তুমি বললেই কি ভাল হয়ে থাকতে হবে?

বা রে! আমি তো তা বলিনি।

তোমার কথা আমি কেন শুনব? তুমি আমার কোনও কথা শোনো?

এবারের মতো ক্ষমা করুন। দেখবেন। আমি আপনার সব কথা শুনব।

পাড়াটা থমথম করছে। ভয়ে নয়, নিস্তরঙ্গতায়। মিষ্টি মিষ্টি রোদে পাশের বাড়ির বউ চান করে, খড়কে-ডুরে শাড়ি পরে, দোতলার বারান্দায় বেতের চেয়ারে বসে মাগাজিন দেখছে। কর্তা অফিস থেকে ফিরবেন, সে অপেক্ষায় নিশ্চয়ই অপেক্ষমাণ। আজ শনিবার। নিশ্চয়ই দুপুরে বাড়ি ফিরে লাঞ্চ করবেন। ভাল ভাল পদ রান্না হয়েছে। আজকে কর্তা রেলিশ করে কিছু খাবেন। তারপর হয়তো কর্তা গিল্লি সিনেমায় যাবেন। বড় সাহেব হলে টার্ন ক্লাবে, কিংলিফ ক্লাবেও যেতে পারেন।

নইলে অনেক কিছু করবেন, ভাবনীয় বা অভাবনীয় ।

এমন সময় নয়না ঘরে ঢুকে বলল, আকাশের দিকে তাকিয়ে কী ভাবছেন ?

হাতে-ধরা ম্যাগাজিনটা ফেলে বললাম, শুধু আকাশে নয় ।

নয়না কাছে এসে আমার দৃষ্টি অনুসরণ করে বলল, ওর নাম রানী । আমাদের রানী বৌদি ।

দেখে মনে হচ্ছে ভদ্রমহিলার স্বামী খুব সৌখিন ?

সৌখিন ? থার্ড ক্লাশ । সখ বলে কোনও জিনিস নেই । রানী বৌদির রুচি কিন্তু খুব ভাল । তার

মধ্যে একটি দৃষ্টান্ত দিতে পারি—যেমন আপনার লেখা খুব ভালবাসেন ।

কী ব্যাপার ? আজ সকালে আমার কল্যাণে লেগেছে কেন ?

কখনও কি অকল্যাণে লেগেছি ?

না ! তা লাগেনি । তুমি যে কল্যাণী ।

ঠাট্টা নয় । একদিন বুঝতে পাবেন । কল্যাণী কি না ।

নয়না চেয়ার টেনে বসে কী যেন ভাবতে লাগল ।

রানী বৌদি কিন্তু অনেকদিন আপনার সঙ্গে আলাপ করতে চেয়েছেন । দাদাকেও অনেকদিন বলেছেন । আমার কাছে আপনার কথা প্রায়ই জিজ্ঞেস করেন । আপনি কখন লেখেন ? কে আপনার কপি ফেরার করে দেয় ? আপনার মেজাজ কেমন ? ইত্যাদি ইত্যাদি ।

তুমি কী বলো ?

আমি আবার কী বলব ? আমি কি আপনার প্রাইভেট সেক্রেটারি যে এসব কথার খবর রাখব ?

তবু, আমি বলি যা খুশি বানিয়ে বানিয়ে ।

বললাম, বানিয়ে বানিয়ে মানে ?

মানে, আমার যা বানাতে ইচ্ছে করে ।

বললাম, তোমার তো বুদ্ধি রাখার জায়গা নেই—কিন্তু এও বলে দাওনি তো যে আমার লেখার অনুপ্রেরণা তুমিই ।

ভারী তো লেখেন, তার আবার অনুপ্রেরণা ।

আচ্ছা । তোমাকে নিয়েই যদি একটি গল্প লিখি ।

আমাকে নিয়ে মানে ?

তোমাকে নিয়ে মানে, তোমাকে নায়িকা করে !

আমি আবার নায়িকা হব কী করে ? নায়িকা হবার যোগ্যতা কোথায় ?

সে তো নায়ক এবং যে লিখবে সে বুঝবে ।

তাহলে লিখুন । মনে হল, খুব নিস্পৃহ গলায় বলল কথটা ।

বললাম, তোমার গর্ব হবে না নয়না ?

নয়না আমার চোখের দিকে চাইল—অনেকদিন পরে ও এরকমভাবে চাইল । তারপর মুখ নিচু করে নিয়ে বলল, হয়তো হবে । জানি না । কিন্তু নায়িকার গর্ব হলে লেখকের কী লাভ ? লেখক কী পাবে ?

বললাম, লেখকরা তো কিছু পাবার জন্যে লেখেন না । নিজেদের নিঃশেষে ফুরিয়ে ফেলার জন্যে লেখেন । লেখকরা কোনওদিনও লাভবান হন না । নায়ক-নায়িকারা খুশি হলেই তাঁরা খুশি হন ।

নয়না বলল, আমি অত জানি না । তবে আমার ভাবতেই মজা লাগে । নায়িকাকে কিন্তু আমিই চেয়ে সুন্দর করে আঁকবেন । আর যিনি ছবি আঁকবেন, তাঁকেও বলে দেবেন—নায়িকা যেন দারুণ দেখতে হয় ।

বললাম, তোমার চেয়ে ভালয় আমার দরকার নেই । ছবছ তোমার মতো আঁকতে বলব ।

কিছুক্ষণ চুপ করে থাকলাম ।

নয়না বলল, সত্যি, সত্যি, সত্যি ? আমাকে নিয়ে গল্প লিখবেন ?

বললাম, সত্যি । সত্যি । সত্যি ।

অনেকক্ষণ নয়না মুখ নিচু করে বসে কী যেন ভাবতে লাগল । কিছুক্ষণ আগে ও চান করেছে ।

একটি খাটাউ ভয়েল পরেছে। চোখের নীচটা লালচে লাগছে। ভুরুতে একটু হালকা আইব্রো পেনসিল ঝুইয়েছে। ঠোঁটে পাতলা করে ভেসলিন। চোখে সামান্য কালজল বুলিয়েছে। বারান্দার হাওয়ায়, ওর শিকাকাই-ঘষা চুল এলোমেলো হচ্ছে।

ভালবাসা কাকে বলে জানি না। কোনওদিন জানতেও চাইনি। হয়তো কোনওদিন জানতে চাইও না। এই মুখটি, এই সুগন্ধি শরীরটিকে কাছে পেলে আমি আর কিছু চাইনি—কোনওদিন চাই না। বেঁচে থাকবার জন্যে আমি আর কিছুই চাই না।

বললাম, নেমস্তম্ভ করেছ বলে কি মনে করেছ বাইরের রেস্টোরাঁগুলো সব বন্ধ হয়ে গেছে নাকি? শ্বিদের যে নাড়িভুঁড়ি হজম হয়ে গেল। খেতে দেবে না?

নয়না হাসল।

ক্ষমা-চাওয়া হাসি। বলল, বেচা—রা। খুব খিদে পেয়েছে, না?

মায়ের মেয়ে তো এতক্ষণ নিজের কায়দা দেখিয়ে এল। এখন মা নিজেকে ছেলের বন্ধুর জন্যে বিশেষ পদ রান্না করছেন। আর একটু ধৈর্য ধরুন। বুড়ো মানুষ তো। মনে কষ্ট দিতে নেই! সখ করে রাখছেন।

বললাম, মেয়েকে শিক্ষা তো খুব চমৎকার দিয়েছেন মাসীমা। দেবদ্বিজে ভক্তি করিবে, বৃদ্ধের মনে ব্যথা দিবে না। কিন্তু সে সঙ্গে এও তো শেখাতে পারতেন যে জীব মাত্ররই প্রাণ আছে। এবং প্রাণ থাকিলেই আঘাত লাগিতে পারে। অতএব যুবার প্রাণে কষ্ট দিবে না।

নয়না এক কিলিক হেসে উঠল। বলল, আমি কোনও যুবার মনে সম্ভ্রানে কষ্ট দিয়েছি বলে তো মনে পড়ে না। এখন যদি কেউ কষ্ট পায়, মন-গড়া কষ্টে নিজেকে ভোগায়, তাহলে তাকে ভগবানও বাঁচাতে পারেন না।

মানুষ তো দুবের কথা, কী বলে?

ও চোখ দিয়ে সায় দিল।

মাসীমা বারান্দায় এলেন। বললেন, দেখেছো তোমার বন্ধুর কায়? এফুনি ফোন করল যে ও আসতে পারবে না, ঝঞ্জুকে বলে দিতে, যেন কিছু মনে না করে।

ও গেছে কোথায়?

ওর এক বন্ধু রমেশ, তুমি চেনো না বোধহয়, আজ বিলত চলে যাচ্ছে। বন্ধু থেকে জাহাজ ধরবে। আজ বাসে যাচ্ছে। তারই বাড়িতে গেছে।

না মাসীমা। আমি চিনি না।

সূজখটার রকমই অমনি। বন্ধু এল বাড়িতে, তিনি গেলেন অন্য বন্ধুর বাড়ি।

নয়না বলল, তাতে কী হয়েছে মা, ঝঞ্জু তো কিছু মনে করেনি।

মাসীমা বললেন, ঝঞ্জু মনে করুক আর না করুক ও আসবেই বা না কেন?

চলুন চলুন মাসীমা! ভীষণ খিদে পেয়েছে।

চলো বাবা।

নয়নাদের খাবার ঘরটি আমার ভারী ভাল লাগে। এমনকী, বসবার ঘরের চেয়েও ভাল লাগে। সত্যি কথা বলতে কী, যে খাবার ঘরে ঢুকেই কেবল খিদে খিদে না পায়, বেশ শান্তির সঙ্গে নিরিবিলিতে খাওয়া না যাব, সেখানে খাওয়া না খাওয়া সমান।

ঘরটি ছোট। দুটি জানালা। জানালা দিয়ে ওদের লনটি চোখে পড়ে। চেরিগাছের পাতীয় চারটি চড়াই চিডবিড় করছে। হা-হা হাওয়া বোগেনভিলিয়ার পাতায় হই হই করছে। ঘরের দেওয়ালে একটি স্টিল-লাইফ। তেলরঙা কাজ। এক কোণে ছোট্ট একটি রেফ্রিজারেটর ফিস্ ফিস্ করে কী যেন কী বলে চলেছে। এক পাশে একটি মানানসই কাবার্ড। তাতে দুই জনে ক্রকারি। এক দেওয়ালে নয়নার একটি ব্রুক-পরা বেণী-ঝোলানো ফোটে। ছোটবেলায় নয়নার চেহারাটা এখনকার মতো ছিল না। কেমন যেন অন্য রকম ছিল। সাপের খোলস ছাড়ার মতো ও যেন ওর পুরনো শরীর ছেড়ে হঠাৎ এই নতুন সুগন্ধি শরীরে প্রবেশ করেছে।

টেবিলে সুন্দর করে ফুল সাজিয়েছে নয়না। চমৎকার মাছের পেতেছে। এ রকম টেবিলে, এ

রকম ঘরে বসে, নুন-ভাত খেতেও ভাল লাগে ; তাতেই পেট ভরে যায় । অনেক সময় কী খাচ্ছি সেটাই বড় হয় না ; কেমন করে খাচ্ছি সেইটে বড় হয় । নয়নাদের খাবার ঘরে ঢুকলে কেবল আমার তাই মনে হয় ।

সুজয়টার ঠিক দিন দিন বিড়িওয়ালার মতো হচ্ছে । কলেজে ও অন্য রকম ছিল । অথচ নয়নার ঠিক দিনে দিনে আরও সুন্দর হচ্ছে । ঠিক মনে মনে আমি যেমনটি চাই, যেমনটি কল্পনা করি । নয়না যেন আমার সব রকম চাওয়াকে সফল করবে বলেই এ জন্মে জন্মেছিল ।

মাসীমা চেয়ারটি টেনে দিয়ে বললেন, বোসে :

তারপর বললেন, নয়না ফ্র্যায়েড রাইস্ আর মুবাগিটা নিজে বেঁধেছে । অন্য রান্না ঠাকুরের । আমি কেবল তোমার জন্যে নারকোল দিয়ে বুটের ভাল বেঁধেছি ; নয়না বলছিল, তুমি ভালবাসো ।

অবাক হলাম । আমি ভালবাসি ? কই ? আমি নিজেই জানি না । বললাম, নিজে জানি না আর নয়না জানল কী করে ?

নয়নার মুখ লাল হয়ে গেল :

বলল, আপনি কী ? সেই পিকনিকে কতখানি ভাত খেয়েছিলেন খালি ওই ডাল দিয়ে ? মনে নেই ? নিজে ভুলে যাবেন নিজের লোভের কথা, আর অন্যকে অপদস্থ করবেন ।

মনে পড়ল, মনে পড়ল । ঠিক তো । আমি তো ভালবাসি । আমি যে ভালবাসি নিজেই কোনওদিন জানিনি । আমার লোভের কথা আমি ভুলে গেছি । এমনি করে আমার সমস্ত দুরন্ত লোভগুলির কথা যদি আমি ভুলে যেতে পারতাম !

মাসীমা বললেন, তোমরা দু'জনে খাও, আমি পুজোটা সেরে আসি ততক্ষণে । লজ্জা কোরো না ঝঞ্জু । তুমি আর সুজয় তো আমার কাছে আলাদা নও ।

নয়না বলে উঠল, লজ্জা করার পাত্র কিনা উনি । দাদার দু'শুগ খান ।

মাসীমা বললেন, বললেন, এই ! তুমি ভারী অসভ্য তো । বেশ করে ! খায় । স্বাস্থ্যবান ছেলে, খাবে না তো কী ? তোদের মতো ফিগার ফিগার বাতিক তো নেই ?

নয়না বলল, বাতিক থেকেই বা কী লাভ হত ? না খেলেই যেন রক-হাডসন্ হয়ে যেত ।

নয়না আঙ্গ খুব উচ্ছ্বসিত হয়ে রয়েছে সকাল থেকেই । কেন জানি না । এত কথা ওকে খুব কম বলতে শুনেছি :

মাসীমা চলে গেলেন ।

আমি বললাম, চেহারাটা নিয়ে ঠাট্টা করো কেন ? তুমি কি মনে করো তুমি খুব সুন্দরী ? নিজে তো কাঁড়িয়া-পীরেতের মতো দেখতে !

তা তো আমি জানিই, তবু তো... ।

কথা বললাম না । ফ্র্যায়েড রাইসটা জরুর বেঁধেছে নয়না । একেবারে পীপিং কি ওয়ালডর্ক বলে চালিয়ে দেওয়া যায় :

বললাম, রেপ্তোরা থেকে খাবার কিনে এনে নিজের বানানো বলে চালানো কি মহৎ কাজ ? আমি সবই জানি ।

জানেন তো সবই । তবে জেনেশুনে অন্য লোকের লেখা বেমালুম টুকে নিজের বলে চালিয়ে কয়েকটি সরলবুদ্ধি মেয়ের কাছে ন্যম কেনার আকাঙ্ক্ষাই বুঝি খুব মহৎ ?

বললাম, তোমার সঙ্গে কথা বলব না : এই লেখা-টেখা নিয়ে কোনও কথা বোলো না যা বোঝো না, তা নিয়ে কথা বলো কেন ?

বেশ বলব না । কিন্তু আপনি কি রান্না বেছেলেন ? বলুন তো ফ্র্যায়েড রাইস কী রকম রাঁবে ? ঘি, সরষের তেল, না ডালডা ?

খুব বোকা ভেবেছ ? জানি না বুঝি ? স্যালাড অয়েলে ।

ও মাঃ ! তাহলে জানেন ? সরি । সরি । আই উইথড্র । সত্যি আপনি ক—হু জানেন । বলেই হাসতে লাগল ।

হেসো না বলছি ;

ও বলল, বেশ হাসব না—খান খান— please ঝগড়া করবেন না। ভারী ঝগড়া করেন আপনি।

দুজনে অনেকক্ষণ বসে আস্তে আস্তে খেললাম। খাওয়ার সময়ে যে-কোনও মেয়েকে দেখে বলা যায় সে স্বপ্নশ্রুত কি না। কেউ কেউ রান্ধসীর মতো গেলে। কেউ কেউ বাঘিনীর মতো ভাতের থালায় থাবড়া মারে, আর কেউ বা পদ্মিনীর মতো স্বপ্নভরা আঙুলে আলতো করে খাবার তুলে মুখে দেয়। তাকে তখন দেখলে, সে যে আহারের মতো অমন একটি প্রাচীন, আদি ও পশুভিনরাণাং প্রক্রিয়া করছে, তা দেখে বোধের উপায় থাকে না। যেমন করে আলপনা দেয় তেমনি করেই নয়না খায়। ও আমার চোখে আঁটের সংজ্ঞা। ওকে কখনও কোনও অবস্থায়, হঠাৎ ঘুম-ভেঙে, অথবা ভীষণ ক্লান্ত অবস্থাতেও কুৎসিত দেখায় না। ওর সৌন্দর্য আমার ভালবাসার মতো ওকে সবসময় জড়িয়ে থাকে।

খাওয়া শেষ হল।

মশলা-টশলা কিছু খাবেন ?

না। পাইপ খাব।

চলুন। আমার ঘরে চলুন। দুপুরে মা'র কাছে মহিলা-সম্মিলনীর বন্ধুরা আসবেন। ও ঘরে থাকলে আপনার বিপদ আছে।

কেন ? বিপদ কীসের ?

বাঃ বাঃ। কী বলেন ? এমন একজন এলিজিবল্ ব্যাচেলার। মায়ের প্রত্যেক বন্ধুর গোটা তিনেক করে উজ্জ্বল কন্যারত্ন আছে। কাজেই বিপদ অনিবার্য।

আর তোমার মায়ের বুঝি কোনও কন্যা নেই ?

আমার মায়ের মেয়ের ভার মাকে নিতে হবে না। সে নিজেই নিজের ভার বইতে পারে।

পারে বুঝি ?

পারে না ?

নয়নার ঘরটি দক্ষিণ-খোলা। একটি বীন্ট-ইন ওয়াজ্জোব, একটি চওড়া ডিভান। কোণায় একটি পড়ার টেবল্। একটি মোড়া। একফালি জাফরাণীরঙা মীর্জাপুরী গালচে। তার উপরে একটি অ্যামপ্লিগ্রাম। দেওয়ালে, গ্যেপাল ঘোয়ের একটি প্যাস্টেলে অর্কা স্কেচ।

ডিভানে বসে পাইপটা ধরলাম।

নয়না বলল, আপনি একটু বসুন। আমি মায়ের খোঁজখবর নিয়ে আসি। বেচারি মা। মা'র জন্যে আমার ভারী কষ্ট হয়। একা একা মানুষ থাকতে পারে ? আমার বন্ধুর মা'দের কত মজা। বাবাদের সঙ্গে সিনেমায় যান, চওড়া-চওড়া কস্তাপেড়ে শাড়ি পরেন। দোল-দুর্গোৎসবে কত আনন্দ করেন। আর মা আমার কীরকম ফ্যাকাশে হয়ে থাকেন। বাবার উপর রাগ হয়। কোনও মানে হয়, এমন করে মাকে ফেলে যাবার ?

বললাম, কী করবে বলো ? আমার তোমার তো কোনও হাত নেই।

নয়না বলল, আমি এফুনি আসছি, হ্যাঁ ?

নয়না চলে গেল।

আমি বসে বসে অবাক হয়ে ভাবতে লাগলাম, ওইটুকু মেয়ের সকলের প্রতি কী সমবেদনা। ওর ওই স্বীর্ণ শরীরের ভিতর যে এতবড় একটি বুদ্ধিমতী মহতী প্রাণ লুকিয়ে আছে তা ওকে কেউ ছ থেকে না জানে, সে কখনও জানবে না।

ও ওর কাছের লোকেদের এমন হৃদয় দিয়ে অনুভব করে যে সে বলার নয়। আমি জানি ও আমাকে ভালবাসে না। হয়তো কোনওদিন ভালবাসবেও না। অথচ ও কোনওদিন আমাকে ঘৃণাকরেও জানতে দেয়নি যে, আমার কোনও ভবিষ্যৎ নেই। একে ফ্লার্ট করা ঝলে না। একে কী বলে তা জানি না। তবে এটুকু জানি, খুব কম মেয়ে জানে যে, আত্মসম্মতি অক্ষুণ্ন রেখে নিজের চাওয়াকে অবিকৃত রেখেও নিজেকে অনিশ্চেষ্টে কোনও ভিক্ষকের হাতে উল্টে দিতে হয়।

হাই-ভোল্টেজ তোমার তারের মতো, নয়না অনেক বিদ্যুৎভার সহ্য করতে পারে, বইতে পারে ; কিন্তু ও

নিজে জ্বলে যায় না । ও সেই বিদ্যুৎ বয়ে নিয়ে গিয়ে মনে মনে ঘরে ঘরে আলো জ্বালায় । ও আমার মন-দেয়ালি ।

নোংরা ভিক্ষুকের নোংরা হাতে ওর শাস্ত্রীনতা কলুষিত হতে পারে যে, সে সম্ভাবনার কথা ও জানে । অথচ, তবু যুদ্ধক্ষেত্রে ফ্লোরেন্স নাইটিঙ্গেলের মতো, ও আমার কামনামত মনকে পবিত্রতার প্রদীপ জ্বলে শুশ্রূষা করে, নিজের শরীরের গেরিলা বাহিনীকে ও অবহেলায় অগ্রাহ্য করে । কী করে ও পারে জানি না । শুধু জানি যে, ও পারে । একমাত্র ও-ই পারে ।

একটু পরে নয়না ফিরে এল ।

মোড়টার উপর বসে বলল, Sound of Music দেখেছেন ? গ্লোব-এ হচ্ছে ।

বললাম, যখন কলেজে পড়তাম তখন আমাদের কলেজ হলে একবার হয়েছিল । তখন দেখেছিলাম । অবশ্য অনেক দিন হয়ে গেল ।

সে তো পুরনো ছবি । নতুন ছবি দেখেননি ? সেভেন্টি মিলিমিটারের ছবি । আর কী গান ; কী গান !

ব্যাপারটা কী বলো তো ? ভাল করে মনে নেই ।

ব্যাপারটা গান ।

তারপর মোড়া ছেড়ে উঠে বলল, শুনুন তবে । আমার কাছে রেকর্ড আছে । শোনাচ্ছি ।

লং-প্লেয়িং রেকর্ড— অনেক গান । তার মধ্যে একটি গান আমাকে ও বিশেষ করে শুনতে বলল । বিশেষ করে কানে লাগল—

Nothing comes from nothing,
Nothing ever could,
In my youth,
Or in my childhood ;
I must have done
Something good...

গান শেষ হল ।

শুধোলাম, আচ্ছা এই ছবিতে অনেকগুলো বাচ্চা-টাচ্চা ছিল না ? জুলি এন্ডুজ আছে ?

হ্যাঁ । আগে নান্ ছিল । পরে সাত-সাতটি ছেলেমেয়ের বাবা এক বদমেজাজী ক্যাপ্টেনের বাড়িতে গভর্নেন্স্ অ্যাপয়েন্টেড হল । পরে সেই ক্যাপ্টেনকে সে বিয়ে করল । মানে, “হাত দিয়ে দ্বার খুলব না গো ; গান দিয়ে দ্বার খোলাব” ।

বললাম, বলো কী ? সাত-সাতটি ছেলেমেয়ের বাবাকে সুশ্রী কুমারী মেয়ে বিয়ে করল ?

আজ্ঞে হ্যাঁ স্যার ।

পুলকিত গলায় বললাম, তাহলে নিশ্চয় আমার মতো ব্যাচেলারদের আরও ভাল ।

নয়না এক চিলতে হাসল । বলল, বলা যায় না । হয়তো ভালও হতে পারে— তবে only if they have done something good in their youth or in their childhood.

পূজো পূজো পূজো । এসে গেল পূজো ।

জানি, লাউড-স্পীকারের শব্দে প্রাণ ওষ্ঠাগত হবে, লোকের ভিড়ে মাথা ধরবে । তবু, কেন জানি পূজো এলে ভাল লাগে ।

বাঙালি বলে বোধহয় ।

মনে-প্রাণে পুরোপুরি বাঙালি বলে বোধহয় ।

শম্পু সরকার কি রুশি বিয়ান্দকারের তো এমন মনে হয় না । পূজা সাহেব । পূজোর ছুটিকেও ওরা অন্য যে কোনও ছুটি বলে মনে করে ।

সকালে উঠে ওরা যথারীতি চান করবে, ব্রেকফাস্ট করবে, তারপর ড্রেইনপাইপ গলিয়ে কারও বাড়ি গিয়ে তাদের আড্ডায় বসবে, নয়তো ক্লাবে গিয়ে বীয়ার খাবে। চঞ্চল চন্দ্র হয়তো বারান্দায় পাজ্যামা পরে বসে, নিউ স্টেটসম্যানের ফিনফিনে পাতা খুলে নিজেকে যথার্থ কালচারড মনে করবে। যেন, পূজো তো কী? যেন পূজো কিছুই নয়।

আমি তা ভাবতে পারি না। মহালয়ার ভোরে, আধো-ঘুমে-আধো-জাগরণে বালিশটা আঁকড়ে ধরে শুয়ে শুয়ে যখন মহিষাসুর বধের বর্ণনা শুনব রেডিওতে, যখন সেই শেষরাতে, সমস্ত পাতা সমস্ত কলকাতা শহর, সমস্ত বাংলাদেশ গম্গম করবে এক শুদ্ধ বিমুক্ত প্রভাতী বন্দনায়, তখন যে কী ভাল লাগবে সে কী বলব! শুধু আমার কেন? খাঁটি বাঙালি মাথেরই লাগবে। পূজো আসছে। ভাল লাগবে না?

তারপর মহালয়ার ভোর হবে। শরতের নীল আকাশে রোদ্দুর ঝিলিক দেবে। সকালে হয়তো রেডিওতে কণিকা ব্যানার্জির গান থাকবে— শরৎ আলোর কমল বনে, বাহির হয়ে বিহার করে, যে ছিল মোর মনে মনে...। শুনব, চুপ করে বসে কান পেতে শুনব; চোখ চেয়ে শরতের রোদ দেখব, নাক ভরে শিউলি ফুলের গন্ধ নেব; আর ভাল-লাগায় মরে যাব।

সেই পূজো এসে গেল।

অনেকদিন থেকে ভেবেছিলাম যে, নয়নাকে একটি ভাল শাড়ি কিনে দেব পূজোয়। পথ চলতে হঠাৎ কোনও শো-কেসে চোখ পড়তে থমকে দাঁড়িয়ে পড়েছি অনেকদিন। কোনও সুন্দর শাড়ি দেখেছি। মনে মনে নয়নাকে সে শাড়ি পরিবে, মনের চোখের সামনে দাঁড় করিয়ে কেমন দেখিয়েছে, ভেবে নিয়েছি। তারপর মনে হয়েছে, এ চলবে না। এ রঙ বড় ক্যাটকঁটে; রঙ ভাল লেগেছে যদি-বা তো পাড় পছন্দ হয়নি। পাড় যদি বা পছন্দ হয়েছে তো আঁচলটা বড় জবরজং লেগেছে।

পথে পথে দোকানে দোকানে এ কদিন অবকাশ পেলেই ঘুরেছি, কিন্তু নয়নার শাড়ি পছন্দ হয়নি। নয়নাকে যে শাড়ি আমি দেব সে তো নিছক একটি শাড়ি মাত্র নয়। তা আমার ভালবাসার সুতো দিয়ে বোনা, তাতে যে আমার দুঃখের পাড়-বসানো— সে শাড়ির আঁচলার জরিভে যে আমার অনেক অবুঝ চাওয়া শরতের আলোর জ্বলবে! সে শাড়ির সমস্ত মঙ্গলতার আমি যে আমার নয়নাসোনার সমস্ত শরীরে মিশে থাকব— ছড়িয়ে থাকব। আমি যে জড়িয়ে থাকব।

অনেক বেছে বেছে শেষে পছন্দ হল একটি তসরের শাড়ি। শাড়ির মতো শাড়ি। আমার পূজোর ড্রয়িংস-এর বেশ একটি মোটা অঙ্কই তাতে চলে গেল।

ভাগ্যিস গেল।

নইলে ও টাকায় আমার কী হত? টাকায় কী হয়? কারই বা কী হয়? একটা সীমা— ন্যূনতম ৬৬লোকি সীমায় পৌঁছানোর পর টাকায় কারই বা কী হয়? ভালবাসার জনকে উপহার দেবার মতো মহৎ উপায় নষ্ট করা ছাড়া প্রয়োজনের অতিরিক্ত টাকা থাকার মানে হয় না। আমি এ ব্যাপারে অনেক ভেবেছি। নিজের প্রয়োজন কোনওদিন মিটেবে না। প্রয়োজনের শেষও হবে না। বাড়ালেই বাড়বে। তার চেয়ে নিজের প্রয়োজন সীমিত রেখে, যাদের ভালবাসি, তাদের জন্যে কিছু করতে পারলে আনন্দে বুক ভরে যায়।

যে টাকায় নয়নাকে শাড়ি কিনে দিলাম, সে টাকায় আমার একটি ভাল টেরিলীনের স্যুট কিনেছি। কিন্তু বিনিময়ে এ যে আমার কত বড় পাওয়া হল আমিই জানি।

নয়না যেদিন পূজোর মধ্যে ওই শাড়িটি পরে আমার সঙ্গে দেখা করবে, ওই শাড়িটি পরে যখন হাসি হাসি মুখে আমার দিকে চাইবে, তখন আমি দশ-দশটি টেরিলীনের স্যুট-প্রাপ্তি আনন্দ পাব। সব আনন্দের মাপ কি একই কাঁটার হয়? এ আনন্দ অন্য আনন্দ। উদার আনন্দ মনঃ আনন্দ।

পূজোর দিনে পূজোমণ্ডপে ধূপের গন্ধ, ফুলের গন্ধ, ফলের গন্ধ, ভোজের খিচুড়ি রান্নার গন্ধ, ঢাকের শব্দ, শিশুর কান্নার শব্দ, যুবতীর উচ্ছল হাসির জলতরঙ্গ, এবং শিশুর করুণ বিষণ্ণ নিশুক্রতার মাঝে মা দুর্গার সামনে নয়না এই শাড়ি পরে যখন আমার সামনে এসে দাঁড়াবে, তখন আমি ভাল-লাগার পবিএতায় নিশুক্র হয় যাব। তখন আমি নয়নাকে পা ঝুয়ে প্রণাম করতে চাইব।

চান-করা খোলা চুল ওর পিঠময় ছড়িয়ে থাকবে ! ওকে আমি নিচু হয়ে প্রণাম করব । ও বলবে, আঃ কী করছেন ঝজুদা ! ওকে আমি প্রণাম করব, মা দুর্গাকে প্রণাম করব, সেই পুজোর সকালকে প্রণাম করব, আমার সুগন্ধি ভালবাসাকে প্রণাম করব । কী করে হবে জানি না, সেই মুহূর্তে মায়ের সামনে দাঁড়িয়ে নয়নাকে মায়েরই অন্য এক রূপ বলে আমার মনে হবে । সেই সকালে নয়নার কাছে আমি সস্তা কিছু চাইব না । শুধু মনের সুগন্ধ চাইব, শুধু নিচু হয়ে মাথা নত করে প্রণাম করতে চাইব । নিজেকে ছোট করে, মাটির সঙ্গে মিশিয়ে, ধুলো করে মায়ের সামনে নিজেকে জানার চেষ্টা করব ।

আজ মহাষ্টমী ! স্নান করে জাস্টিস্ মুখার্জীর বাড়ির পুজোমণ্ডপে গিয়ে অঞ্জলি দিয়ে এসেছি । এখন ধুতি-পাঞ্জাবি পরে নিজের ঘরে বসে আছি । ভাবছি, কী করা যায় । যতিদের বাড়ি পুজো হয় । দুপুরে যেতে বলেছে । খেতে বলেছে । পুজোর পরই ওরা কদিনের জন্যে হাজারিবাগে যাচ্ছে শিকারে । অনেকবার যেতে বলেছে আমায় । সুগতও যাচ্ছে । রঞ্জনও যাবে । ভাবছি, ঘুরেই আসি ; অনেকদিন যাই না জঙ্গলে । ঘোড়ফরাসদের সঙ্গে কথা বলি না । টুঙি পাখির শিস শুনি না । কালি-তিতীরের ডাক শুনি না । মাদলের আওয়াজ শুনি না । মানে, অনেক কিছু অনেকদিন দেখি না, শুনি না ; গন্ধ নিই না । অতএব যাব ।

সুগতকে একটি ফোন করলাম । বললাম, যতির বাড়ি এসো । কথা আছে । আমিও হাজারিবাগ যাচ্ছি ।

ও বলল, খুব ভাল কথা । এগারোটো নাগাদ চলে এসো । আমিও পৌঁছছি ।

ফোন রেখে দিলাম ।

এমন সময় দরজার পর্দার আড়ালে দাঁড়িয়ে কে যেন আমার ঘরের খোলা দরজায় দু'বার টোকা দিল ।

চেয়ে দেখি, পর্দার নীচে ফলসা-রঙা শাড়ির তলায় দুটি পা—খালি পা । এ পায়ের পাতা আমি চিনি । এ পায়ের পাতা অনেক রাতে আমি স্বপ্ন দেখেছি ।

নয়না বলল, আসতে পারি ?

উঠে বললাম, এসো এসো, আমার কী সৌভাগ্য !

ও ঘরে ঢুকল । একটু হাসল, তারপর আমার লেখার টেবুলের সামনের চেয়ারে বসল ।

বলল, মিনুদির সঙ্গে দেখা করে এলাম । উনি এক্ষুনি বেরুচ্ছেন । কাকিমাও দক্ষিণেশ্বরে গেছেন ।

হঁ ; ভাগিনস গেছেন । নইলে কি রাধারাণীর পা আমার ঘরে পড়ত ?

পড়ত না ?

না ।

কী করে জানলেন ?

জানি ।

ও উত্তরে কিছু বলল না । আমার দিকে চেয়ে থাকল চুপ করে ।

বললাম শোভো না । চুপ করে বোসো । তোমাকে আশ মিটিয়ে দেখি । পর্দাগুলো সরিয়ে দি—ঘরটা আলোয় ভরে থাক । তোমার আলোয় ।

ও, কথা না বলে, আমার পর্দা সরানো দেখতে লাগল ।

পর্দা সরতে আমাকে ওর কাছে যেতে হল । ওর গা দিয়ে নতুন তাঁমের শাড়ির গন্ধ বেরুচ্ছে— । নতুন রাউজ পরেছে— চূণের তেলের গন্ধ এবং নতুন শাড়ি-কামায় গন্ধ মিলে ওকে কেমন নতুন নতুন লাগছে ।

আবার এসে বললাম মোড়াতে ।

ও পা দু'টি জোড়া করে সামনে ছড়িয়ে দিয়েছে ।

চুপ করে আমি ওর পায়ের পাতার দিকে চেয়ে রইলাম ।

কী দেখছেন ? অসভ্যর মতো ?

তোমার পায়ের পাতা । আমায় একটু ধরতে দেবে ?

ও উদ্বেজিত হয়ে বলল, না । না । দেখতেও দেব না । বলেই শাড়ির পাড়ের আড়ালে পা ঢেকে নিল ।

বললাম, তুমি এত কৃপণ কেন ? পায়ের পাতা তো ভিখিরিকেও লোকে ধরতে দেয় । তুমি আমার সঙ্গে এমন করো কেন ?

আপনি ভিখিরি নন বলে !

আমি তবে কী ?

কী, জানি না । তবে ভিখিরি নন ।

নয়নার চোখে এমন একটি ভাব দেখলাম, যেন ও আমার এই পাগলামি দেখে কষ্ট পাচ্ছে । যেন ও আমাকে কিছুই যে দিতে পারল না, এই পূজোর দিনে, যে দিনে ভিখিরিরাও ভিক্ষে পায়, সে দিনে আমার এই সামান্য চাওয়াও ও পূরণ করল না— আমাকে এমন করে ফেরাল বলে, মনে হল, যেন ও দুঃখ পাচ্ছে ।

আমি কিছু বললাম না । ওর অপমান এখন আমার গা-সওয়া হয়ে গেছে ।

ও-ও আর কিছু বলল না । চূপ করে মুখ নামিয়ে নিল ।

কিছুক্ষণ পর আমার টেবলে যে লেখাটি পড়ে ছিল সেটি নিয়ে নাড়াচাড়া করতে লাগল ।

বলল, এটা কী লিখছেন ?

তোমাকে নিয়ে যে গল্প লিখব বলেছিলাম, মনে আছে ? সেই গল্প লিখছি ।

যে-কোনও অন্য মেয়ে হলে উল্লসিত হয়ে উঠত । কিন্তু আমি আমার নয়নাকে চিনি । ও কিছুই করল না । আমার দিকে একবার চাইল, যেন বলতে চাইল, এ আবার কী নতুন পাগলামি ?

শুধোলাম, তোমার নিজের কী নাম হলে তুমি সবচেয়ে সুখী হতে ? মানে, তোমাকে যদি তোমার নিজের নাম রাখতে বলা হত, তাহলে তুমি কী নাম রাখতে ?

ও ওর হাতের রূপোর বালাটা নাড়তে নাড়তে বলল, নয়না ।

বললাম, বেশ । নামিকার নাম তাহলে নয়নাই থাকবে । তোমার নিজের নামের নায়িকা হবে— তোমার ভয় করবে না ?

আমি তেঁ বলেছি আপনাকে যে, আমি কাউকে ভয় করি না ।

কিছুক্ষণ চূপ করে থেকে বললাম, গল্প গল্পই । গল্প পড়ে আবার আমাকে সলিসিটরের নোটিশ দিয়ে না যেন ।

ও আমার কথা ঘুরিয়ে বলল, জানি, দেব না, কারণ গল্প গল্পই ।

তারপর চূপ করে আমার চেয়ে দিকে চেয়ে বসে রইল ।

ওর দিকে চেয়ে ভাললাম, এ গল্প সত্যি সত্যি লেখার হয়তো দরকার ছিল না । কিন্তু নয়নার প্রতি আমার ভালবাসা যে নিছক খেলা নয়, নিছক ছেলেমানুষী নয়, নিছক পাগলামিই নয়, নয়নাকে তা জানানো দরকার । নয়নাকে মুখে যা বলতে পারিনি, চিঠিতে যা লিখতে পারিনি, তা আমি এই গল্পে বলতে পারব ! আমার যা ছিল, সব যে ওকে আমি দিয়ে ফেলেছি, তা ওর জানা দরকার । আমার এই অসহায়তা সশব্দে ওর একটু ভাবা দরকার ।

যখন রোজ একটি করে চিঠি লিখে নয়নাসোনাকে এবং তার বাড়ির অন্যান্যদের আমি স্মরণ করব না— তখন আমার এই বই নয়না হাতের কাছে রাখতে পারবে । কখনও যদি কোনও মেথলা দুপুরে কি কোনও উদাস বাসন্তী রাতে কখনও ভুল করে তার এই পাগলকে মনে পড়ে, সে তখন আমার এই গল্পের দিল্লীখে না ভেঙেচেড়ে দেখবে । আমি মৃত্যুর পর যেখানেই থাকি না কেন, সে মুহূর্তে একটি সুন্দর কাঁচপোকা হয়ে জানালা দিয়ে উড়ে এসে সেই দিল্লীখের দুঃখের সুরে গলা মিলিয়ে নয়নার কানের কাছে গান গাইবে । নয়না যদি আমাকে কোনওদিন একটুও ভালবেসে থাকে, তাহলে সেই মুহূর্তে সেই কাঁচপোকাকার করুণ কাণ্ড সে ঠিক চিনতে পারবে । হয়তো আমার জন্যে তার চোখ বেয়ে এক ফোঁটা জল গড়িয়ে এই বইয়ের উপরেই পড়বে ।

তাই, একে শুধু গল্পই বা বলি কেন ! এ যে অনেক কিছু । আমার জুবানবন্দী ।

নয়না বলল, গল্পের নাম ঠিক করেছেন ?

না । ভাবছি— হলুদ বসন্ত ।

কেন ? আমার নাম কেন ?

বাঃ রে, তোমার গল্প, তোমার নামের নায়িকা, আর তোমার সোহাগী নামের নাম হবে না ? তুমি যে সত্যিই আমার হলুদ-বসন্ত পাখি ।

সত্যি ? ওই নামের কোনও পাখি আছে ?

নেই ? ভারী সুন্দর পাখি । আমি ছোটবেলায় না চিনে একটি পাখি মেরেছিলাম । উড়িম্বায় । এত কষ্ট হয়েছিল কী বলব । কী যে সুন্দর পাখি । স্বচ্ছ তোমার মতো ।

জানি না । আপনি কী যে করছেন । কী সব লিখছেন । শেষকালে লোকে ভাবুক ভুল কিছু ।

আমার বুকের মধ্যেটা ব্যথায় মুচড়ে উঠল । বললাম, লোকে কী ভাবে ? নয়না ঝড়ু বোসকে ভালবাসত ? তোমার কোনও ভয় নেই সোনা । লোকে তা ভাবে না । যা সত্যি নয়, যা আগাগোড়া মিথ্যা, তা তারা কেন ভাবে ? তারপর একটু থেমে বললাম, তোমাকে আমি কাঙালের মতো চেয়ে নিঃশেষে নিঃশেষ করেছি মাত্র । তুমি তো আমাকে কিছুমাত্র দাওনি, ভালবাসোনি, অনায়াস করোনি, তাই তোমাকে ভুল বোঝার কিছুই নেই এতে । তুমি বাস্তবে যেমন শীতল, নিষ্ঠুর এবং মহৎ, তোমাকে তেমনি করেই আঁকব ।

আর আপনাকে ?

আমার মতো হীন, মীচ ও বঞ্চিত করে ।

অনেকক্ষণ পর ও আমার চোখের দিকে সোজা একবার চাইল । তারপর আবার চোখ নামিয়ে নিল ।

একটু পরে বললাম, কিছু খেয়েছ ?

হ্যাঁ । লেমন স্কোয়াস খেয়েছি ।

আর কিছু খাবে ?

না । অনেক দেবি হল । এবার উঠি ।

উঠবে ?

হ্যাঁ, আজ উঠি ।

মনে হল, আমার সমস্ত আনন্দ, ওকে চোখের সামনে দেখার আনন্দ, ওকে সামনে বসিয়ে অনর্গল কথা বলার আনন্দ—সব আনন্দ শেষ হয়ে গেল ।

বললাম, তুমি এলে বলে খুব ভাল লাগল ।

আপনার কাছে আসতে আমারও খুব ভাল লাগে ।

কেন ?

জানি না । হয়তো আপনার মতো এমন একজন বন্ধুর আমার খুব দরকার । এমন বন্ধু হয়তো আমার আর নেই বলে ।

গেটের কাছে এসে বললাম, যাবে কীসে ? গাড়ি কোথায় ?

গাড়ি তো দাদা নিয়ে বেরিয়েছে ! বাসে চলে যাব ।

থাক । দাঁড়াও । বাসে যাব বললেই তো পূজোর দিনে বাসে যেতে পারবে না । আশি মাড়ির চাবিট নিয়ে আসছি । পৌঁছে দেব ।

ভালবাম, তাও আরও দশটা মিনিট তো ওর সঙ্গে একা থাকতে পারব । জানে না, ওর উপস্থিতিটাই আমার কাছে একটা কতবড় পুরস্কার ।

গাভিতে নয়না বলল, ঝড়ুদা, আজ রাতে প্রতিমা দেখাতে নিয়ে যাবেন পূজাশী রাসমণির বাড়ির প্রতিমা নাকি খুব ভাল হয়েছে ।

কখন যাবে ?

এই আটটা-নটা নাগাদ ।

বেশ । আমি যাব । তুমি তৈরি হয়ে থেকে বাড়িতে ।
আচ্ছা ।
নয়নাকে নামিয়ে দিয়ে এলাম বাড়িতে ।

১১

যতিদের বাড়ি শ্যামবাজারের কাছাকাছি ।
সেন্ট্রাল অ্যাভিনিউতে গাড়ি রেখে নামলাম ।
পথে কত লোক । কত বেলুন, কত মেলা, কত হাসিখুশি শিশু, কত দুঃখভোলা দুখী । পূজোর
ওই কটা দিনে ভারী ভাল লাগে । সব কিছু ভাল লাগে ।
যতিদের বাড়ির সামনে বেশ বড় প্যাংকোল হয়েছে । পূজো হচ্ছে ভিতরের চত্বরে ।
অ্যাম্ফিফায়ারে পুরুতমশাই মস্ত্রোচ্চারণ করছেন ।

“যা দেবী, সর্বভূতেষু শক্তিরূপেণ সংস্থিতা,
নমস্তসৌ নমস্তসৌ নমস্তসৌ নমো নমঃ ।”

যতিদের গেটের বাইরে, দিল্লী দেখো, বোম্বাই দেখো, কাল্কা গাড়ি, কোলকাতা দেখো হচ্ছে ।
চোঙাওয়ালা কলের গান বাজছে । ছোট ছোট ছেলেমেয়েরা গোল গোল চোঙে চোখ লাগিয়ে
অদৃষ্টপূর্ব দৃশ্যাবলী চোখ দিয়ে গিলছে ।

গান শুনে থমকে দাঁড়াতে হল । হেমন্ত মুখার্জীর রবীন্দ্রসঙ্গীতের রেকর্ড বাজছে— ‘পথ দিয়ে কে
যায় গো চলে, ডাক দিয়ে সে যায়, আমার ঘরে থাকাই দায়’— কিন্তু রেকর্ডটি এমন স্পীডে বাজছে
যে মনে হচ্ছে যেন ব্ল্যাক ডায়মন্ড এক্সপ্রেস চলেছে । কোঁৎ কোঁৎ করে আওয়াজ বেরুচ্ছে ।

পত্‌দিয়েকে । যায়গোচলে ।
ডাক দিয়েসে । যায়—
আমার । ঘরেথাকাই দায়...

সে এক বীভৎস আওয়াজ । একা একাই হসতে লাগলাম । কলকাতার পথেঘাটে এমনি কত
মজাই না আছে । বিনি-পয়সার মজা ।

যতি ‘এসো এসো’ করে আপ্যায়ন করে ভিতরে নিয়ে গেল । একটি ঘরে রঞ্জন সুগত ওরা সবাই
গল্প করছিল । সে ঘরে নিয়ে গেল ।

সুগত শুধোল, অঞ্জলি দিয়েছ ?
দিয়েছি ।

চলো আর একবার দেবে ;

আরে নাঃ, খেয়েছি যে ।

কী খেয়েছ ?

চা ।

আরে চা আবার খাওয়া নাকি ?

চলো চলো । একা একা ভাল লাগে না ।

অগত্যা যেতে হল ।

ডাকের সাজের ঠাকুর । তেলতেলে মুখ । লাবণ্য চুইয়ে পড়ছে । চোখ দুটি ব্যক্তিত্বসম্পন্ন ।
চোখের দিকে চাইলে মনে হয়, এ দেবীর কাছে ভরসা করে কিছু চাওয়া যায়— চাইলে হয়তো পাওয়া
যাবে ।

ফুল বেলপাতা হাতে নিয়ে পুরুতমশাইর সঙ্গে মস্ত্রোচ্চারণ করতে লাগলাম । কেন হয় জানি না,
এই মস্ত্রের মধ্যে কী যেন যাদু আছে—একবার দু’বার বললেই গায়ে কটা দিয়ে ওঠে ; নাভির কাছটা
পিঁপিন্ করে ব্যথায়, মনে হয় যেন যুগযুগান্ত ধরে এমনি ভক্তিপূর্ণ পূজো করে আসছি ।

তিন তিনবার অঞ্জলি দেবার পর— সকালে মাথা নিচু করে গড় হয়ে প্রণাম করতে লাগলেন । আমিও মাথা নিচু করলাম । কিন্তু মায়ের কাছে কী কামনা করব ভেবে পেলাম না । নয়নার মুখটি মনে পড়ল । একটু আগে ও যখন আমার ধরে বসে ছিল— সেই পূজোর সকালের শুটি-মুখটি মনে পড়ল : খুব ইচ্ছে হল বলি, ঠাকুর, তুমি আমার নয়নাকে কেবল আমার করে দাও— এ জন্মের মতো, বরাবরের মতো, আমার একা করে দাও । ও আমার ভালবাসা চিনতে পারুক ।

কিন্তু পরক্ষণেই কী যেন হল ! কোনও অদৃশ্য হাত যেন আমার মুখ চেপে ধরল । মনে হল, মা বছরে মোটে তিনদিনের জন্যে আসেন, তাঁর কাছে নিজের জন্যেই চাইব শুধু ? সে বড় স্বার্থপরতা হবে । তার চেয়ে কামনা করি, নয়না আমার সুখী হোক, দশজনের একজন হোক, যে ভাবে ও সুখী হতে চায়, সে ভাবে হোক । ও বাংলাদেশের সেবা মেয়ে হয়ে উঠুক ! এবং এই কামনা করার সঙ্গে সঙ্গেই আমি যে মাঝে মাঝে উদ্বারও হতে পারি, সবসময় যে হ্যাংল্যামি করি না, এইটে জানামাত্র ভীষণ গর্বও হতে লাগল । ভারী ভাল লাগতে লাগল ! মহাষ্টমীর সকালটা যে অতীষ্ট সিদ্ধির সকাল নয়, এ যে মঙ্গলকামনার সকাল, এইটে ভেবেই ভীষণ আনন্দ হল ! আমিও মাঝে মাঝে বড় হতে পারি ! এ জন্যে যে বড় বড় জানা, সে কী করে বোঝাব !

অঞ্জলি দিয়ে ফিরে এসে, সকলে মিলে সেই ঘরে গুলতানি শুরু হল ! সুগত বলল, তাহলে আমাদের যাওর ঠিক । কী বলো যতি ?

নিশ্চয়ই । পাঁকা !

যতি বলল, ঋতুদাকে বোলো না, ও খালি দর বাড়ায় । আর যেন কেউ কাজ করে না ।

বললাম, কাজ করবে না কেন ? এমন চাকরি তো কেউ করে না । করলে বুঝতে ।

যাঃ যাঃ, তোর খালি বাজে কথা । রঞ্জন বলল ।

বুঝলাম । তা যাবে ঠিক কোন জায়গায় ?

হাজারিবাগ । সেখান থেকে কুসুমভা । ক্যাম্প করা যাবে ।

তার মানে বেড়ানো । বিগ-গেমস্ তেমন কিছু হবে না ।

যাঃ, হবে না কেন ? গত বছরই সুগত একটা কোটরা মারল ছুলোয়াতে । শুয়োর আছে অনেক ।

তাছাড়া পানির প্যারাভাইস্ : চিত্তও কম নেই ।

যতি বলল, সুগতদা তো কালি-তিতির ও মুরগি আর রাখেনি ওখানে । সব শেষ ।

সুগত বলল, এমন বাড়িয়ে বলিস না, মানে হয় না ।

আমি বললাম, বেশ চল । শিকার হোক চাই নাই হোক, তিন-চার দিন জঙ্গলে থাকা তো হবে ।

কুসুমভা আমার বড় ভাল লাগে । তাছাড়া আমাদের ছোটবেলার কত স্মৃতি ছড়ানো আছে ওখানে— কী বলো সুগত ?

ব' বলেই ! মনে আছে ঋতু, সেই বর্ষার রাতে ধানক্ষেতে কাড়বার সঙ্গে ছোটবেলায় খবরগোস মেয়ে বেড়ানো ?

বললাম, আছে, আর মনে আছে, সেই রাত আড়াইটে নাগাদ মেঘ ফুড়ে পানুয়ানা টাঁড়ের দিকের আকাশে কেমন চাঁদ উঠল ?

সুগত বলল, মনে নেই ? কী বলো ! ও চাঁদের কথা আমি জীবনে ভুলব না ।

রঞ্জন বলল, বেমিনিমসপ্ ছাড়া তাহলে আমরা যাচ্ছি ?

যতি বলল, হ্যাঁ, তা তো যাচ্ছি । কিন্তু তোমাকে নিয়েই ভয় । মনে আছে গৌরী-কামনার কাছে সেবারে কার পোষা শুয়ে মেয়েছিলে জংলি ভেবে ? কী কলেঙ্কারী !

রঞ্জনের এটা বড় দুর্বল স্থান । চটে গিয়ে বলল, যাঃ যাঃ, ওরকম সকলেরই দুঃখবার ভুল হয় । বজ্জে ভিজ্জে কর-না, কার সঙ্গে গিয়ে ও মীর্জাপুরে শহর ভেবে পাঁচাধা ঘোড়াকে গুলি করেছিল । আমার বেলাই তাদের যত সব মনে থাকে ।

অনেকদিন পর জমিয়ে অভজা মারা হল । ঠিক হল, বিজয়াদশমীর একদিন পর ভোরে আমরা হাজারিবাগের দিকে রওনা হচ্ছি । যতির জীপেই যাওয়া কুর্ষে আমি, যতি, রঞ্জন সুগত । হাজারিবাগে এক রাত সুগতদের বাড়ি কাটিয়ে পরদিন ভোরে কুসুমভা । কুসুমভায় তিন-চার দিন

থেকে আবার ফেরা হবে কলকাতায় ।

নয়না বলেছিল রাত আটটা-নটা নাগাদ যেতে । নাড়ে আটটা নাগাদ ওদের বাড়ি গেলাম । দেখলাম নয়না নেই । ওর দিদি ময়নাদি সেজেগুজে বসে আছে । ময়নাদি এ ক'বছরে যা মোটা হয়েছে তা বলার নয় । অথচ বিয়ের আগে দারুণ ফিগার ছিল । বাঙালি মেয়েরা যে কেন এমন হয় জানি না । চা-বাগানেও দেখেছি, সাহেব ম্যানেজারের স্ত্রীরা সারা দিন বাগান করছে, রান্না করছে, ঘরের কাজ করছে, আর বাঙালি ম্যানেজারের স্ত্রীরা দিনরাত ঢাউস বজ্রার মতো পাঁটে-বাঁধা অবস্থায়, বেঁকে শুয়ে, হয় ঘুমোচ্ছে, নয় নভেল পড়ছে ; যাচ্ছেতাই । যাচ্ছেতাই । নয়নাও হয়তো বিয়ের পর এরকম হয়ে যাবে । ঈস, ভাবা যায় না ।

শুধোলাম, নয়না নেই ?

না । ও একটু পুজো মগুপে গেছে । এক্ষুনি আসবে । তোমাকে বসতে বলে গেছে ।

আপনি একা যে ? দিলীপদা কোথায় ?

আর বলো কেন ভাই ? ছুটির মধ্যেও কাজ করে বড়সাহেবকে প্রিজ করছে ;

মনে মনে বললাম, এই রকম করে রোজগার-কর্মী টাকার তৈরি বাড়ি মেন ধরবে ব্যর ; কেনও মানে হয় ?

ভাবছি, আমিও তোমার সঙ্গে যাব ।

অবাক হলাম ; বললাম, কোথায় ?

প্রতিমা দেখতে ।

হেসে বললাম, বেশ তো ! খুব আনন্দের কথা ।

কিন্তু মনে মনে নয়নার উপর এমন রাগ হল যে কী বলব ! ও কি জানে না যে, ও একটু একা আমার সঙ্গে থাকলে আমার কতখানি ভাল লাগে ? আমি কি ওদের ড্রাইভার যে, পুজোর দিনে ওর মোটা দিদিকে প্রতিমা দেখিয়ে বেড়াব ? তাছাড়া সুজয় ওয়ার্থলেসটা কী করছে ? সে নিশ্চয়ই ইয়ারদোস্তী নিয়ে আড্ডা মারতে বেরিয়েছে । আর আমারই যেন কোনও বন্ধু-টুকু থাকতে নেই ; তাদের সঙ্গে যেন আমি আড্ডা মারতে পারতাম না । রাগে গা-জ্বালা করতে লাগল ।

এমন সময় নয়না এল । সঙ্গে নীতীশকে নিয়ে :

আপারে গলায় বলল, ঝঞ্জুদা, নীতীশদাকেও আমাদের সঙ্গে নিয়ে যাব কিন্তু ।

জোর করে হাসলাম, বললাম, বেশ তো । ভাল কথা ।

এ যাত্রা নীতীশের অগত্য যাত্রা হলেই ভাল হত । কী কুক্ষণেই আমি আজ এখানে এসেছিলাম । যদিও বা ময়নাদিকে সহ্য করা যেত— তার উপর নীতীশ— সোনায় সোহাগা ! অক-অল-পার্সনস্ নীতীশ । নীতীশ সেন ।

সত্যি, নয়না কী ভাবে আমাকে ? আমি ওকে ভালবাসি বলে কি ও মনে করে, ও আমাকে দিয়ে যা-ইচ্ছে তাই করবে ? ও বললেই বা আমি করব কেন ? কলকাতার সবচেয়েই আমার মাঠে মারা গেল । নীতীশ সেনের ড্রাইভার হয়ে প্রতিমা সন্দর্শনে যাব । দরজা খুলে সাহেব মেমসাহেবদের নামাব-ওঠাব ! ভাবতে পারি না । আমি যথার্থই একটি কুবুয় ।

আমাকে দেখে নীতীশ দেখানো বিনয়ের হাসি হাসল ।

বলল, কেমন আছেন ?

এই চলে যাচ্ছে গড়িয়ে গড়িয়ে । আপনি ?

ভাল আছি ।

ছুটি ক'দিন ?

দশমীর পরের দিনই চলে যাব সকালের প্লেনে ।

বললাম, আমি গত মাসে গেছিলাম একবার শিলঙ । আপনার ঠিকানা দিন, আমি, তাই দেখা করতে পারিনি ।

ওহোঃ, আগে জানলে খুব ভাল হত । আমাদের কোম্পানির গেস্ট হাউসে থাকতে পারতেন ।

বললাম, চাল দেখাচ্ছে । কেন ? আমার কি থাকবার জায়গা নেই ?

বললাম, আমি পাইন-উডে ছিলাম ;
বলল, ওঃ তাহলে তো কথাই নেই ।
নয়না ভিতর থেকে ফিরে এসে বলল, চলুন যাওয়া যাক ।
সবাই গাড়িতে গিয়ে বসলাম ।

বলবার কিছু নেই । আমি গাড়ি চালছি । নীতীশ সেন আমার পাশে । সেই স্ত্রীবনানন্দ দাশ নাটোরের বললতা সেনকে ভালবেসেছিলেন, আর আমি শিলঙের নীতীশ সেনকে ভালবেসেছি—
মধ্যে বেবাক সমুদ্র । একটি ট্রাফিক পুলিশ আচমকা হাত তুলল । কোনওক্রমে ব্রেক কষলাম !
ভিতর ভিতরে ভীষণ টেনসনে ছিলাম । আমি মেজাজ দেখালাম । সে কী একটা বলল । আমি
ওকে অগ্রাহ্য করে গাড়ি চালিয়ে দিলাম— ব্যাটা নস্বর নিল ।

আজকালকার লিটল-নার্নিং-ডেঞ্জারাস্ কনস্টেবলদের কিছু বলেও প্যার পাবার উপায় নেই ।
তৎকথা শুনিয়ে দেবে । আগেই ভাল ছিল । এক গাল হেসে বলতাম “গলতি হো গ্যায়া
পাঁড়েজী” । পাঁড়েজী গোঁফ ঝুলিয়ে, গাল ফুলিয়ে বলত, “ঠিক্কে হ্যায়, গলতি সব্হিকা হোতা । ফিন
গলতি মত্ কিজীয়ে” ।

নীতীশ মন্তব্য করল, কলকাতায় গাড়ি চালানো আজকাল—সত্যি ডিস্গাস্টিং ! ভীষণ স্টেন
হয় ।

পেছন থেকে নয়না বলল, এমন কিছুই না । ঝঞ্জুদা একটুতে রেগে যান । বড় অর্ধৈর্ষ উনি । এ
জন্যে আরও বেশি স্টেন হয় । তাছাড়া বললে কী হবে ঝঞ্জুদা, আপনি বেশ জোরে গাড়ি চালান ।

ময়নাদি বললেন, জোর দিলীপদা কিন্তু খুব সাবধানী । বলেন, শহরে কুড়ি মাইলের বেশি জোরে
গাড়ি চালানোই উচিত নয় । উনি কিন্তু খুব আস্তে আস্তে গুট-গুট করে গাড়ি চালান ।

এমন রাগ হল যে, ইচ্ছে হল বলি, গুট-গুট বাবুর বাবা বোধহয় গরুর গাড়ির গাড়োয়ান ছিলেন ।
নইলে গুট-গুট বাবু অমন ঈশপ ফেব্লেসে কচ্ছপের মতো চলবেন কেন ?

জানবাজারে রাণী রাসমণির বাড়ির সামনে গাড়ি দাঁড় করলাম । বেশ ভিড় ।
৮৩রে ঢুকলাম ।

নয়না এই রাতে আমার দেওয়া শাড়িটি পরেছে । আমাকে নিঃসন্দেহে সম্মানিত করেছে ।
নইলে, মহাষ্টমীর রাতে আমার দেওয়া শাড়ি পরত না ।

নয়না আর নীতীশ আগে আগে চলেছে ।

নীতীশ একটি সিন্ধের পাঞ্জাবি পরেছে, আর খুতি । পান খেয়েছে । হিরো-হিরো ভাকাচ্ছে ।
যাচ্ছে, যেন রাঙকুমার । ছেলেটা সত্যিই আমার চেয়ে দেখতে অনেক ভাল । ভগবানই আমাকে
মেরে রেখেছেন । আমার চেহারা ভাল হলে কি আর নয়না আমাকে এমন করে ব্যথা দিতে পারত ?
একটু না একটু ভাল বাসতই ।

নয়নাকে খুব খুশি খুশি লাগছে । নয়না ওর খুব কাছ ঘেঁষে হাঁটছে । দুজনকে কী যেন বলাবলি
করছে— নয়না হাত নেড়ে নেড়ে কী যেন বোঝাচ্ছে— নীতীশ বাধ্য-বেড়ালের মতো ওর কথা
শুনছে— ওদের কথা শুনতে পাচ্ছি না— চাকের শব্দে সব কথা ডুবে যাচ্ছে ! ময়নাদি আমার পাশে
পাশে আসছিলেন ! হঠাৎ বললেন, এই ঝঞ্জু, অত তাড়াতাড়ি যেও না ! আমি হারিয়ে যাব ।

দাঁড়ালাম ।

বেশ বললেন ময়নাদি । উনি যেন হুঁচ । হারিয়ে গেলে আর খুঁজে পাওয়া যাবে না ।

নয়না আর নীতীশ অনেকখানি এগিয়ে গেছে ।

আমি যে আছি— আমার অস্তিত্ব পর্যন্ত ভুলে গেছে নয়না, মনে হচ্ছে । খুশি হলে আনন্দে বিহ্বল
হয়ে আছে । দুর্বলি হাঁসের মতো সুখের জলে বিলি কাটছে ।

বেশ লাগছে কিন্তু পাশাপাশি দাঁড়ানো ওদের দুজনকে ।

নয়নার সরু কোমর, চূড়া করে বাঁধা চুল, চমৎকার মরালী-স্ত্রীবা !

নীতীশের সুন্দর, দীর্ঘ চেহারা, ধবধবে রঙ, সব মিলিয়ে চমৎকার মিলিয়েছে ।

পরমুহুর্তে সব্বিৎ ফিরে এল ! চমকে উঠলাম ।

আমি কি নয়নার দাদু যে, নাতনি নাওজামাইকে জোড়ে দাঁড়িয়ে থাকতে দেখে আহুনে আহু-আহু করছি ?

এতদিনে নিজের শত্রু নিজে চিনলাম না ?

শত্রুকে বাহবা দিচ্ছি ।

আমার কপালে দুঃখ নেই তো কার কপালে আছে ?

এতক্ষণ ব্যাপারটা সীরিয়াস্‌লি ভাবিনি । হঠাৎ ঢাকের শব্দ, কাঁচের শব্দ, আরতির নৃত্য থেমে যাওয়াতে—একটি নিবিড় ক্ষণিক নিশ্চলতা—যা একমাত্র অনেক লোকের ভিড়েই অনুভব করা সম্ভব, তা সারা চত্বরে, ঠাকুর ঘরে, প্রত্যেকের মনে মনে ছড়িয়ে পড়ল । তারপরই একটি শিশু কেঁদে উঠল । একজন বৃদ্ধ থামে মাথা ঠেকিয়ে মা ! মা ! করে উঠলেন ।

কিন্তু সেই একটি নিশ্চল মুহূর্তে আমার মনে হল, আমার ভিতরের সবকিছু ওই মুহূর্তটির মতোই নিশ্চল, শীতল, ভ্যাকুয়াম হয়ে গেল । মনটা ভীষণ খারাপ লাগতে লাগল । নয়না অর নীতীশের কথা ভেবে ! সত্যি সত্যিই আমার নয়নাসোনা আমাকে একটুও ভালবাসে না । এই কথাটি প্রতি মুহূর্তে জানি, নতুন করে বুঝতে পাই, তবু যেন কেন মনে ধরে বিশ্বাস করতে পারি না । যেদিন এ কথা অস্তুর থেকে বিশ্বাস করব সেদিন এ পৃথিবীর উপর, জীবনের উপর, সব আশা, সব ভরসা, সব ভালবাসা আমার চলে যাবে । আমি তখন এই আমি থাকব না । আমার কিছুই আর থাকবে না ।

নয়না পেছন ফিরল । হাতছানি দিয়ে আমাকে ডাকল । চৈচিয়ে বলল, ধুঁকুদা, হারিয়ে গেলেন কেন ? আসুন ।

ভিড় ঠেলে আমি ওর দিকে এগোতে লাগলাম ।

অনুক্ষণ তো আমি হারিয়েই যাই— ভাগ্যিস নয়না মাঝে মাঝে আনায় হাতছানি দিয়ে ডাকে ।

১২

রঞ্জন বলল, এই যতি, কী হচ্ছে কী ? আস্তে চালা না ! জীপ উল্টে মারবি নাকি ?

মারবার মতো ড্রাইভার আমি নই ।

সুগত বলল, তবু, মেটাল-ফেটিং বলে একটা কথা আছে তো । এত জোরে চালানোর তোমার কী দরকার বাবা ?

দরকার কিছুই নেই । এমনিই চালাই । মজা লাগে বলে ।

এবার গ্রান্ড ট্রাক রোড ছেড়ে, বাগোদরে বাঁয়ে মোড় নিলাম । সন্কে হয়ে গেছে অনেকক্ষণ : কলকাতা থেকে বেরোতে বেরোতেই দেরি হয়ে গেছিল । এখন পথটা একেবেঁকে চলেছে শালবনের মাঝে মাঝে । মাইল আট-নয় গিয়ে, কোনার ডায়াম, গোমীয়া ইত্যাদি ফাঁকার পথ পড়বে বাঁয়ে : আমরা সোজা চলে যাব । টাটকারিয়া হয়ে হাজারিবাগ ।

যাই বলো ঝড়ু, হাজারিবাগে এলেই আমাদের যেন কীরকম ভাল লাগে, তাই না ?

রঞ্জন বলল, যেন কী এক স্পেশাল ভাল-লাগা ।

বললাম, আসলে আমরা এমন একটি বয়সে বন্দুশ হাতে এখানের বনেপাহাড়ে পাগলামি করে বেড়িয়েছি যে, সে বয়সে সবকিছুকেই ভাল লাগত । চোখটা সবকিছুতেই বামবনু দেখত ।

যতি বলল, এমন করে বলছ, যেন কেউডাভলার ইলেকট্রিক চুল্লির মধ্যে বসে কথা বলছি । তবে, সে বয়সটা সত্যিই ভাল বয়স । মানে, যে বয়সে কাক ডাকিলে কোকিল বলিয়া উঠে-ইয়, পরের বোনকে নিজের বোন অপেক্ষা অধিক সুন্দরী বলিয়া মনে হয় । সেই বয়স ।

তুই বড় কাঁজিন হয়েছিস যতি । বড়দের সামনে কী করে কথা বলতে হয় সাদিস না ।

যতি একটি হেয়ারপিন-বেস্ট নেগোশিয়েট করতে করতে বলল, প্রাপ্তবয়স্ক ছাত্রদের...

রঞ্জন বলল, তোর আজকাল সত্যিই বেশি জ্ঞান হয়ে গেছে ।

যতি ছাড়বার পাত্র নয় । বলল, শাস্ত্র পড়েছে ? শাস্ত্রে লিখেছে, অজ্ঞানকে জ্ঞান দিবে ।

হনুমানকে কলা খাওয়াইবে :

অনেকক্ষণ একটানা টপ গীয়ারে জীপ চলছে গোঁ গোঁ করে বাঘের বাচ্চার মতো । সুগতটার ঝিমুনি মতো এসেছে ! মাঝে মাঝে আমার কাঁধে মাথা রেখে ঝিমিয়ে নিচ্ছে । হেডলাইটের আলোটা লাফাতে লাফাতে চলেছে গাড়ির আগে আগে ।

হঠাৎ সুগত ঘুম ভেঙে চৈচিয়ে উঠে বলল, আরে থামো থামো ! চলেছ কোথায় ? টাট্কারিয়া পেরিয়ে এলে যে ।

চা খাবে না ?

যতি কুত্‌কুত্‌ করে হেসে উঠল । বলল, দাদার ঘুমটা ভালই এসেছিল । তুমি কি খোয়াব দেখছ ? টাট্কারিয়া নয় ওটা । টাট্কারিয়া সামনে । দাঁড়াব নিশ্চয়ই । ঠাণ্ডায় আমার হাত জমে গেছে ! স্টিয়ারিং ধরতে পাচ্ছি না ।

বললাম, সত্যি কথ্য । তুমি একটানা চালাচ্ছ যতি অনেকক্ষণ । এবার আমায় দাও ।

ও বলল, চলো টাট্কারিয়া অবধি ; এসে গেছি । তারপর নিও ।

টাট্কারিয়ার পশ্চিমজীর দোকানে চা খাওয়া হল । আর ছোট ছোট চৌকো-চৌকো নিম্‌কি । দোকানে শুনলাম, এই রাস্তায় এগারো মাইলের মাথায় একটি বড় বাঘকে প্রায়ই দেখা যাচ্ছে রাস্তা পার হতে ।

যতি বলল, ঝড়ুদা, রাইফেলটা বের করে রাখি ? যদি পাওয়া যায় পথে !

রঞ্জন বলল, থাম তো তুই ! এ রকম কত রাস্তা-পেকুনো বাঘের গল্প শুনলাম এ পর্যন্ত । কারও সঙ্গেই তো কখনও দেখা হল না । বাঘ তোর মতো বরিশালিয়া কিনা যে, হাটখোলায় বসে কীর্তন গাইবে ।

যতি টিপি কাল বরিশালিয়ার মতো উত্তেজিত হয়ে বলল, এই তো তোমার দোষ । রসিকতা করো করো, কিন্তু বদ রসিকতা কেন ?

এখন জীপ চালাচ্ছি আমি । কেন জানি না, আমার হাতে থার্ড গীয়ারটা মোটে বসছে না । কেবলি স্লিপ করছে । যতি পেছন থেকে ডিরেকশন দিচ্ছে— হ্যাঁ, পুরো ক্লাচ করো, একটু উপরে ঠেলে ফেলো নিভারটাকে,—হ্যাঁ ! এমন সময় ও-পাশ থেকে একটি ট্রাক আসল । স্পীড কমলাম । সেকেন্ড গীয়ারে দিলাম— আবার থার্ড গীয়ারে দিতে গেলাম এবং আবার সেই গুণ্ডগোল— এবং সঙ্গে সঙ্গে রঞ্জন ফিসফিস করে বলল, চোখ, চোখ—বাঘের চোখ !

এদিকে গীয়ার ফাঁসার উপক্রম । কোনওরকমে ম্যানেজ করলাম । অ্যাক্সিলারেটর একদম হেড়ে দিলাম— এমন সময় আমিও দেখলাম, জীপের হেডলাইটে পথের ডানদিকে শালবনের আড়ালে এক জোড়া লাল বড় চোখ জ্বলজ্বল করছে । দেখতে দেখতে, জীপ গড়াতে গড়াতে প্রায় তার কাছাকাছি পৌঁছে গেল ।

আরে, এ যে সত্যি সত্যিই বাঘ । রীতিমতো বড় রয়্যাল বেঙ্গল টাইগার । বেশ কায়দার সঙ্গে, কলার তুলে আস্তে আস্তে রাস্তা পেরোল । ডানদিক থেকে বাঁয়ে । বন্দুক রাইফেল সব পেছনে বাস্ক-বস্ক । তার উপরে যতি আসন-পিড়ি হয়ে বসে আছে ।

বাঘটা রাস্তা পেরিয়েই, একটি বড় লাফ দিয়ে জঙ্গলে ঢুকে পড়ল ।

বাঘটা অদৃশ্য হবার সঙ্গে সঙ্গে, যতি অদ্ভুতভাবে ঝিকঝিকিয়ে হাসতে লাগল । সে এক বিচিত্র হাসি । তারপর রঞ্জনের কাঁধে টোকা দিয়ে বলল, কী হে সবজ্ঞাস্তা, বাঘ হাটখোলায় কীভাবে গায় কি না দেখলে ? তোমাদের দ্বারা শিকার-টিকার হবে না । তোমরা বেহালা বাজাও । প্রকৃতভাবে বন্দুক প্যাক করে রেখেছ যে বন্দুকের বাস্ক না বেহালার বাস্ক, বোঝে কার সাধি ।

সত্যি সত্যিই ব্যাপারটার অভাবনীয়তায় আমরা সকলে অবাক হয়ে গেছিলাম ।

সুগত বলল, তোমাকেও বলিহারি যাই ঝড়ু, আর একটু হলে তো বাঘের সঙ্গে বাস্পার ঠেকত । অত কাছে হবার কী দরকার ছিল ?

বললাম, আমি কি ইচ্ছে করে গেছি ? মুখ নিচু করে ভাল করে গীয়ারটাকে নিরীক্ষণ করছিলাম । ইতিমধ্যে গ্যাডি গাড়িয়ে গেছে ।

যতি বলল, একটু হলে কুলিয়েছিলে। নিরস্ত্র অবস্থায় বাঘের থাঙ্গড় খাবার মানে হয় ?

বঙ্গেন একটা সিগারেট ধরিয়ে বলল, তা যা বলেছিস। হাতে বন্দুক থাকলে ব্যথা কম লাগত।

হাজারিবাগের আলো দেখা যাচ্ছে। কনহারি—সিলাওয়ার আর—সীতাগড়ার পাহাড় ঘেরা হাজারিবাগ। হত বার আসি, তত বার নতুন করে ভাল লাগে।

গয়া-রোডে সুগভীর বাড়ি। চমৎকার। ছবির মতো। হিদয়দগার চমন্দাল বুদ্ধিমান লোক। ইচ্ছে করলে কানে শোনে, নইলে শোনে না। খিচুড়িটা দারুণ রাঁধে। হাসিটা কর্ণমূলে পৌঁছনো এবং নয়নাভিরাম।

পরদিন ভোরে উঠেই একক্যাপ করে চা খেয়ে কুসুমভার দিকে বেরিয়ে পড়া গেল। বড়কাগাঁও রোড দিয়েও যাওয়া যায়—সীমারীয়া যাবার রাস্তা দিয়েও যাওয়া যায়। এখন আমাদের কারওই কোনও বাহন ছিল না—তখন সীমারীয়ার পথে বানাদাগ অবধি আমরা সাইকেল-রিক্সায় চড়ে আসতাম—কিচিং কিচিং করতে করতে। তারপর কুলি-ঝালা নিয়ে পায়দল মারতাম খোয়াই ভেঙে শালবনের পথ দিয়ে। অনেকখানি পথ।

পথে বোকারা নদী পেরুতে হত। নদীর বালুবেশায় কোটরা হরিণ খেলা করত। বহুদূর থেকে আমাদের দেখতে পেয়েই পালাত। পথের বাঁ-দিকের ঝাঁকরা অশথগাছে বড় বড় জীরছল ফুলের মতো জাঙ্গীলেরা শীতের সকালের রোদ পোষাত। টাঁড় থেকে কালি-তিতির ডাকত। সিরকার দিক থেকে বনমোরগ ডাকত কঁকরক—কঁ-কঁ-কঁ-কঁ। ভারী ভাল-লাগত। হাঁটতে হাঁটতে দূরে কুসুমভার মাটির ঘরগুলি চোখে পড়ত। পুরনো নিমগাছটি। বনদেওতার থানের বটগাছটি। নয়াতাল্লাও-এর উচু পাড়।

কাড়ুয়া ছাগল চরাতে গ্রামের সীমানায়। টিকি দুলিয়ে দৌড়ে আসত। ওর ভাই আশোয়া আসত। নাগেশ্বরোয়ার ঘরে, নিমগাছের ওলায় আমাদের আস্তানা হত।

পুরনো রাস্তা বেয়ে আমরা জীপে করে যাচ্ছি। রাস্তা অবশ্য খুবই খারাপ। তবু, যে সময়ে আমরা এখানে হেঁটে আসতাম, সে সময়ে কোনও গাড়ি যে এখানে আনো আসতে পারবে তা ভাবাই যেত না। এখন গ্রামের অনেক উন্নতি হয়েছে বটে, কিন্তু সে প্রশান্তি যেন আর নেই। নেই সেই নিস্তরূ নিরুপদ্রবতা। কেমন শহর-শহর ভাব হয়ে গেছে। নাগেশ্বরোয়ার ছেলে একটি ছাতার কাপড়ের কালো ড্রেইনপাইপ পরে নিজেকে শাস্ত্রী কাপুর মনে করে লাফিয়ে লাফিয়ে হাঁটছে। ভয় হল, একফুনি না হাত পা ছুঁড়ে—

“ও হামিনো জুলপোওয়ালো যানে যাঁহা—

ম্যায়ফিল্ ম্যায়ফিল্ হ্যায় শামা,

ম্যায়ফিল্ ম্যায়ফিল্ হ্যায় শামা...”

গান না জুড়ে দেয়।

সেই চিংকারে হয়তো চব্বত্তরার সব কবুতর চটপটিয়ে উড়ে যাবে। যে এক জোড় রাজধু ধুধুর-ঘু করে ঘূমের গানের নূপুর বাজাচ্ছিল, উদাসী শিশিরভেজা হাওয়ায়—তার ভয় পেয়ে যাবে। নয়াতাল্লাও থেকে সবক’টি সল্লি হাঁস সরসরিয়ে দ্রুত পায়ে জল সরাতে সরাতে, শরবনের আড়ালে মুখ লুকোবে। মানে, আমাদের সেই পুরনো কুসুমভা হারিয়ে যাবে।

তবু ভাল লাগে। কলকাতাটা যে কী ক্যাটকেটে নাইলন শাড়ি-পরা, ঠোটে রঙমাখা মেয়ের মতো অশুভসারশূন্য, দরিদ্র, তা জঙ্গলে না এলে বোঝা যায় না। কুসুমভা আমার সেই পুরনো সুরাঙ্গীয়া—আমার নয়নার মতো। যার কাছে এলেই নিজেকে স্নিগ্ধ, সুস্নাত মনে হয়।

কুসুমভায় এলেই, রাত কাটালেই আমি সুন্দর সুন্দর সব মৌসুমী ফুলের মতো স্বপ্ন দেখি। আমার ইচ্ছে করে আমার মতো নয়নাও স্বপ্ন দেখুক, ঘূমের মধ্যে কথা বলুক; মাঝরাতে টাঁড় পাখির মতো ভালনাগায় শিউরে উঠে, ও পীটি-টুঙ পীটি-টুঙ করে ঘূমের মধ্যে শিস দিয়ে ছেঁক।

কুসুমভাতে দুদিন হয়ে গেল।

দুপুরে ছুণোয়া শিকার হল। কালি-তিতির, মুরগি, আসকল, তিলক, বটের, খরগোশ অনেক কিছু মারা হল। আমি কিন্তু মারিনি।

নয়না আমাকে বারণ করেছিল। অনেকদিন থেকে ও এ বাবদে আমার সঙ্গে ঝগড়া করে আসছে। পাখি মারা নিয়ে। বলেছিল, আপনি যে-পাখিই মারুন, জানবেন আপনি হলুদ-বসন্ত পাখিকে মারলেন। তারপর থেকে নিজে পাখি মারতে পারিনি আর।

সুগত বলেছিল, তুমি একটি ফার্স্টক্লাস হিপোক্রিট।

আমি ওকে বোঝাতে পারিনি।

আমি কখনও কারও কাছে নিজেকে সম্পূর্ণরূপে প্রকাশ করতে পারিনি। নিঃসন্দোহে জাহ্নুপ্রকাশ করা হয়ে ওঠেনি। সুগতর মতো দু'একজন তাদের চোখে, তাদের বুদ্ধির প্রদীপ জ্বলে আমায় আংশিকভাবে আবিষ্কার করেছে মাত্র। চিন্তার ছুড়-পরিয়ান একবার থার্ট-ও-সিক্স রাইফেল দিয়ে একটি কক্ষসার হরিণ মেরেছিলাম। দূর থেকে। গুলিটি মেরুদণ্ডে লেগেছিল। হরিণটি ঝাউবনের বালিতে পড়ে ছটফট করছিল—কিশু উঠতে পারছিল না। কাছে দৌড়ে যেতেই দেখলাম দুপুরের রোদে রক্তমাখা হরিণটি খাবি খাচ্ছে। দু' চোখ বেয়ে জলের ধারা নেমেছে।

কী হল জানি না। নিজের উপর বড় ধিক্কার জন্মাল। জলের বোতল খুলে তার মুখে গব্গব করে জল ঢালতে লাগলুম। ঘৃণায় কি অপারগতায় তা জানি না, সে আমার হাতেও জল খেল না।

এমন সময় স্থানীয় উড়িয়া শিকারী, মার্কণ্ড এল—এসে আমার ঠেলা দিয়ে সরিয়ে শট-গান দিয়ে হরিণটির গলায় গুলি করল। একটু কেঁপে উঠে হরিণটি নিশ্চল হয়ে গেছিল।

তখনও সুগত আমাকে বলেছিল যে, আমি ভণ্ড। হয়তো ভণ্ড। কারণ, যে নিজের মনের সম্পূর্ণ নিষ্ঠুরতায় আস্থাবান নয়, তার এমন আংশিক নিষ্ঠুরতায় ভর করে প্রাণী হত্যা করা ঠিক নয়। আংশিক ভণ্ডামির চেয়ে সর্বৈব ভণ্ডামি শ্রেয়।

জানি না। আমি সত্যি সত্যি ভণ্ড কিনা জানি না। তবে যখন উড়ে-যাওয়া ভিড়ির কি আস্কলের দিকে বন্দুক তুলি—নয়নার মুখটি মনে পড়ে যায়, সেই হলুদ কটকি শাড়িপরা চেহারার—হলুদ-বসন্ত পাখির কথা মনে পড়ে। গুলি করতে পারি না। আমার আবাল্য অভ্যাস, আমার বাহাদুরি-প্রবণতার, প্রশস্তি-প্রাপ্তির সমস্ত প্রয়াস, তখন অসার্থক হয়। বন্দুকের দু-ব্যারেলের মাছির দুপাশে নয়নাসোনার কালো চোখদুটি ভেসে ওঠে। ট্রিগারে আঙুল জোঁয়াতে পারি না। কিছুতে পারি না। আর বোধহয় কোনওদিন আমি পাখি হরিণ মারতে পারব না। সুগতরা আমায় ওদের দল থেকে তাড়িয়ে দেবে। ওরা আমার কথা বুঝতে পারে না—আমায় ঠাট্টা করে—বলে, নবদ্বীপে গিয়ে বোষ্টম হও। ওরা যে কেউ আমার মতো করে ভালবাসেনি কাউকে—কোনওদিন। আমায় তাই বোঝে না।

সন্ধে হয়ে গেছে। আগামী কাল কোজাগরী পূর্ণিমা। ফুটফুটে জ্যোৎস্না উঠেছে। একা একা পানুয়ান-টার্ণডের দিকের জ্বলি পথ বেয়ে হেঁটে আসছি। বেশ ঠাণ্ডা। দূরে গোন্দা-বাঁধের উঁচু পাড় একটি পাহাড়ের মতো দেখা যাচ্ছে। একদল নাকটা হাঁস মাথার উপর দিয়ে টিউই-টিউই করতে করতে আকাশ সাঁতরে কোণাকুণি উড়ে গেল। তাড়াতাড়ি যাচ্ছে ওরা গোন্দা-বাঁধের জলে—ঝুঙ্কঝুঙ্কারির ঝিল থেকে উড়ে আসছে। একটি টী-টী পাখি টীটীরটি-টীটীরটি করতে করতে পথের ডানদিকের জঙ্গলে ডেকে ডেকে উড়ছে। চিতা-চিতা দেখে থাকবে।

আজ টস করা হয়েছে। মাচায় বসবে যতি আর সুগত। সকালে জঙ্গলে একটি হরিণের ন্যাচারাল কিল খুঁজে পেয়েছি আমরা। চিতায় মেরেছে হরিণটিকে কাল রাতে। বিকেল থেকে ওরা গিয়ে মাচায় বসেছে। রঞ্জন ভাল রাঁধনে। মুরগি বাহার তত্ত্বাবধানে রয়েছে ও কুসুমভাণ্ডে।

পথটি একটি টিলার উপর দিয়ে গড়িয়ে এসে বুরহি-করমের নদী পেরিয়ে সিরসার দিকে চলে গেছে। নদীর কালভার্টের উপর বসলাম। পাইপটা ধরাল্যাম।

চমৎকার দুধলি রাত, সুগন্ধি রাত, নিরুপম নির্জনতার রাত। ভালল্যাম এমন রাতে নয়নাকে ক্ষমা করা যায়। নয়না শুধু খুশি হোক। আমার মতো সামান্য অকিঞ্চিৎকর জ্বলে এর চেয়ে বেশি কী আশা করতে পারে নয়নার মতো মেয়ের কাছ থেকে?

কালভার্টের তলা থেকে একটি বড় গিরগিটি বলে উঠল, ঠিক ঠিক ঠিক। অমনি টী-টী পাখিটা কোথেকে জঙ্গল ফুঁড়ে ডাকতে ডাকতে কাঁপতে কাঁপতে আমার দিকে উড়ে আসতে লাগল। চিতাটা

কি আমার দিকে আসছে ? আমি ভয় পেলাম ! হঠাৎ আমার মনে হল এ কোনও শরীরী চিতা নয়, এ আমার ছদ্মবেশী অশান্ত কামনা । আমার এই মুহূর্তের সমস্ত মহত্ব ও উদারতাকে ছিড়ে ছিড়ে খাবে বলে সে আমার দিকে এগিয়ে আসছে ছায়ার আড়ালে আড়ালে । নিঃশব্দে এগিয়ে আসছে । ও আমাকে মহৎ হতে দেবে না । ও আমাকে বরাবর এমনি একজন সস্তা, সামান্য, হীন, সাধারণ মানুষ করে রাখবে । আমি কোনওদিন নয়নার ভালবাসার যোগ্য করে তুলতে পারব না নিজেকে ।

১৩

সবাই স্বপ্ন দেখে কিনা জানি না, তবে অনেকে দেখে । আমিও দেখি । আমার ধারণা সবাই স্বপ্ন দেখতে শেখেনি ।

স্বপ্ন মানে—খুব যে একটা বিরাট কিছু তা নয় । অল্প একটু জমি, এই কাঠা দশেক হলেই চলে—তাতে একটা ছোট বাংলো প্যাটার্নের একতলা বাড়ি । ইটালিয়ান ধাঁচের পোর্টিকোওয়লা । ঘর থাকবে মোটে তিনটি—চারপাশে কাচ থাকবে—শুধু কাচ । প্রচুর জায়গা নিয়ে একটা স্টাডি । চতুর্দিকে বই । বই—বই—রাশীকৃত বই : এক কোণায় ছোট একটা কণার টেবল—তাতে একটা সাদা টেবল-ল্যাম্প থাকবে । সেখানে বসে আমি লিখব । ফার্নিচার বেশি থাকবে না । পাতলা এক-রঙা পার্সিয়ান কার্পেট থাকবে মেঝেতে । একেবারে সাদা ধবধবে টাইলের মেঝে হবে । প্রতি ঘরে ঘরে রোজ ফুল বদলানো হবে । চারিদিকে চওড়া ঘোরানো বারান্দা থাকবে । থোকা থোকা বোগেনভিলিয়া; লতায় চারদিক ভরা থাকবে । গেটের দু পাশে দুটি গাছ থাকবে—কৃষ্ণচূড়া নয়, রাধাচূড়া । কৃষ্ণচূড়া বিরাট বড়—ওই ছোট্ট বাড়িতে বিরাট কিছু মানাবে না । বারান্দায় রেলিং থাকবে : সাদা । রট আয়রনের । বাথরুমটা বেশ বড় হবে, ঘাতে নয়না গান গেয়ে গেয়ে ঘুরে ঘুরে শাওয়ারের নীচে চান করতে পারে :

বসন্তকালে পনের চেঁচী গাছের নীচে বেতের চেয়ারে বসে চা খাব আমরা । আমি আর নয়না । কোনও ভিজ্জে, সৌন্দা-সৌন্দা-গন্ধ-দিনে চাঁপা ফুলের গন্ধবাহী হাওয়ার সঙ্গে যখন ইলশেগুঁড়ি বৃষ্টি পড়বে তখন সেই স্টাডিতে বসে বইয়ের পাতা ওপটাতে ওপটাতে, কি কিছু লিখতে লিখতে আমি কফি খাব—আর নয়না একটা কালো মডার্ন ফ্রেমের চশমা নাকে দিয়ে বেশ ভারিকি গলায়, যেন শাসন করছে এমনভাবে, আমাকে বলবে—অত কফি খেও না, লিভারটার কি বারোটা বাজাবে ?

কিংবা কোনও গ্রীষ্ম-সন্ধ্যায় অফিস থেকে ফিরে চেঁচী গাছের তলায় পায়জামা পাঞ্জাবি পরে বসব । আমার নয়না স্নান করে, চুড়ে করে চুল বেঁধে সুগন্ধি স্নিগ্ধ ঠাণ্ডা শরীর নিয়ে পাশে এসে বসবে । সুন্দর ছোট্ট ট্রেতে করে আমাদের চাকর (একমাত্র চাকর ; একটু কমবয়েসী, মানে ১৫-১৬ হলে ভাল হয়, খুব চটপটে হবে) চা নিয়ে আসবে । ট্রেতেও একটা ছোট্ট ফুলদানি থাকবে, স্যান্ডউইচের প্লেট—পাইপের টোব্যাকো, এ্যাসট্রে সবকিছু । শেষ সূর্যের স্নান আলো এসে নয়নার গ্রীবা ছোঁবে । নয়নাকে ভীষণ সুন্দর দেখাবে । মেয়েদের সুন্দর না দেখলে আমার খারাপ লাগে । অসহ্য লাগে । নয়না একটু হাসবে । আমি বলব, তোমাকে দারুণ দেখাচ্ছে তে । বুদ্ধিদীপ্ত চোখ দুটি তুলে নয়না তখন সম্পূর্ণভাবে হাসবে । আমি ওর দিকে অপলক চেয়ে থাকব । দুজনে দুজনের চোখের দিকে চূপ করে চেয়ে থাকব । পিরকিরে হাওয়ায় রাধাচূড়ার ফিনফিনে পাতার পনের ঘাসে নরম নিভৃত নিরুপদ্রবতার বাহন হয়ে ছড়িয়ে পড়বে ।

স্বপ্ন ভেঙে গেল । ফোনটা বেজে উঠল । অফিসে বসে স্বপ্ন দেখাটা খুব খারাপ ব্যাপার বোধ, তবু অবাধ্য মনটা বোঝে না । ছোট ছেলের মতো স্বপ্ন দেখে, কল্পনার লাল নীল লালিপপ চুষে চুষে খায় ।

হ্যালো ।

স্বপ্ন বোসের সঙ্গে কথা বলতে পারি ? জড়ানো-জড়ানো গলায় কে কিসে বলল :

কথা বলছি ।

আমি যতি :

কী ব্যাপার ? এত উত্তেজনা কীসের ?

উত্তেজিত হয়ে আছি ভাই । ‘অপারেশন চাইনিজ’ সাক্সেসফুল ।

মানে ?

মানে, ছ’দিন চাইনিজ খাওয়ার অর্জন করলাম । আধ ঘণ্টা আগে লাভ ইন দ্য আফটারন্যুনের সঙ্গে সেন্ট্রাল অ্যাভিনিউতে আমার জিপ নিয়ে মুখোমুখি লড়ে গেলাম । জিপ নিয়ে বনেটের উপর দিয়ে হামাগুড়ি দিয়ে উইন্ডশ্রিন ভেঙে একেবারে সামনের সিটের নরম চামড়ার কুশানে ।

উদ্দিগ্ন গলায় বললাম, ড্রাইভারের কী হল ?

কী আবার হবে ? হাসপাতালে নিয়ে গেছে । বেশি অর কী হবে ? মরে যাবে । তার বেশি তো অর কিছু নয় । তবে ও জাগুয়ার গাড়ি বিধুমুখীর এ জন্মে অর ৮৬৫৩ হবে না ।

যতিট, একটু পাজি । এমনভাবে বলছে যেন সত্যি সত্যিই ড্রাইভারের জন্যে ওর কোনও ভাবনাই নেই ।

তবু, খুশি হলাম । কেবল চাইনিজ নয়—তোমায় আর যা কিছু খেতে চাও খাওয়াব । তোমার কিছু হয়নি তো ?

বিশেষ কিছু নয় । পেছনের পাটির দু’খানা দাঁত ভেঙে গেছে । ভালই হয়েছে । ও দুটো দাঁতে পোকো বড় জ্বালাতন করত । তাছাড়া মাথা একটু কেটে গেছে—তিনটে স্টিচ করেছে । আমার জন্যে ভেবো না ! ফাইন আছি ।

যাক, তাও বাঁচোয়া, অঙ্গের উপর দিয়ে গেছে । কাল রাতেই চলো—বাইরে খাওয়া যাক ।

কাল যেতে পারব না । আমি তো অ্যারেস্টেড । জামিনে খালাস পেয়েছি । এসব ঝামেলা পুইয়ে নিই—তরপর দিল খুস্ করা যাবে ।

বললাম, শোনো । এসব খরচাখরচের একটা হিসেব-টিসেব রাখো । রঞ্জন কী বলছে ?

সে তো ন্যাকামি করছে এখন । বলছে, কী দরকার ছিল এত বাড়াবাড়ি করার ? ড্রাইভারটা যদি মরে যায় ? অচ্ছা তুমিই বেলো, একটা দেড় লাখ টাকার গাড়ি ধবসাতে একটা লোক মরবে তাতে ন্যাকাকান্নার কী আছে ? আমি যে প্রাণে বেঁচে গেলাম—সে কথাটা একবারও বলছে না এখন ।

বললাম, ও নিয়ে মাথা ঘামিও না, ও একটু নার্ভাস টাইপের—নিজেই হুজুগ তুলে এখন নিজেই পত্তাচ্ছে । যো হ্যা সে হ্যা ! যো হ্যা আচ্ছাই হ্যা !

কাজ প্রায় শেষ হয়ে গিয়েছিল ! আমাদের অফিস সাড়ে পাঁচটায় ছুটি । তাছাড়া এই খবরটা শোনা মাত্র বেশ খুশি-খুশি লাগছিল মনটা । হাতটাকে মুঠো করলাম জোরে—আনন্দ হল— । শালা ! রোজ রোজ আমরা ভাঙা অ্যাঙ্গাসাডরে চড়ব, অর তুমি রোজ লাখ টাকার গাড়ি এনে ফুটুনি মারবে—নর্দীর পুতুল—বিধুমুখী আমার ! বেশ হয়েছে । বড় আনন্দ হয়েছে ।

এই আনন্দ কীভাবে সেলিব্রেট করব বুঝতে পারছি না ! নয়নাকে একটা ফোন করলে হয় । জাগুয়ারের ড্রাইভারটাকে একবার দেখতে যাওয়া দরকার । ওর চিকিৎসাপত্রর যেন কোনও ত্রুটি না হয় । মনে হচ্ছে মরবে না । মনে হচ্ছে যখন, তখন নিশ্চয়ই মরবে না ।

নয়নার সঙ্গে কোথাও বেড়াতে গেলে বেশ হয় । এই কলকাতায় কোন চুলোতেই বা আর বেড়াব । হেখানে যাব সেখানেই তো ফুচকাওয়ালা আর ট্রানজিস্টার আর কদাকার কদাকার মহিলাারা । যাচ্ছেতাই যাচ্ছেতাই ! তার চেয়ে নয়নাকে নিয়ে কোনও ভাল ছবি দেখতে গেলো হয় । নয়নাকে এই ঘটনা বা দুর্ঘটনা ফাই থোক—এর কথা বলতেই হবে এবং এ কথা শুকে আজই—এক্ষুনি বলতে হবে । বললেই ও প্রথমে চেঁখ বড় বড় করে শুনবে, কৌতুকভরে বলবে, সত্যি ? তরপরই বকবে— ভীষণ বকবে ! বলবে—ছিঃ ছিঃ, লেখাপড়া জানা বড় কিছু ছিলেবা যে এরকম কাজ করতে পারে ভাবতে পারিনি । আপুনি আমার সঙ্গে কথা বলবেন না । আমাকে এক্ষুনি গাড়ি থেকে নামিয়ে দিন । এ তো মানুষ খুন করার সামিল । এরকম যদি জিপনারা করতে পারেন, তো আরও অনেক কিছু করতে পারেন । সিস, ভাবা যায় না ! আপুনি মতো ছেলেও... । ইত্যাদি ইত্যাদি ।

ওকে শান্ত করতে নিঃসন্দেহে বেগ পেতে হবে । তবু আমি বিশ্বাস আছে ও শেষকালে ক্ষমা

করবে। যদি ও বজ্রনকে ও চেনে না—ওদের ক্ষমা করবে কি না জানি না—কিন্তু আমার বিশ্বাস আছে যে, অবশেষে ও আমার ক্ষমা করবে।

ফোনটা ডায়াল করলাম। দুজনের ওয়েস্ট জার্মানিতে যাওয়া ঠিক। কয়েক মাসের মধ্যেই যাবে। আজকাল বাড়িতে একটু-আধটু থাকে—ওরফম দিবারাত্রি আত্ম মারা ছেড়েছে। ও-ই ফোনটা ধরল। বলল, নয়না তো নেই রে। নীতীশ কাল সন্ধ্যার পেনে শিলঙ চলে যাচ্ছে—তাই নয়না আর ও সিনেমাত্তে গেছে। এলে কিছু বলব ?

বললাম, নাঃ, এমনি ! ছেড়ে দাও ! তোমার সঙ্গে পরে দেখা করব ! বলোই, বাঁটাং করে ফোন ছেড়ে দিলাম :

নীতীশ : নীতীশ সেন। এই নামটা শুনেই আমার শোকিতস্রোত উপটে ছুঁতে শুরু করে। মিঃ সিধুর গাড়ি না ভেঙে ওকে গুঁড়ো গুঁড়ো করে দিতে পারলে সবচেয়ে খুশি হতাম। কোনও শট-গানে, এল জি ভরে একটি ক্লীন লেক-শট ; অথবা, পয়েন্ট টু টু রাইফেল দিয়ে কানে মারা ! মজা বুঝবে। ন্যাঁকা, মেবেলি ভাল ছেলে, অসহ্য।

অফিস থেকে বেরুলাম। চৌরঙ্গীর মোড় পেরুলাম। হঠাৎ চোখে পড়ল—মেট্রোর সামনে নয়না আর নীতীশ রাস্তা পার হচ্ছে। মেট্রোয় যাবে। আলোতে ওদের দুজনকে খুব সুন্দর দেখাচ্ছে। নীতীশ একটা কালো সুট পরেছে : বেশ হ্যান্ডসাম দেখাচ্ছে।

নয়না নীতীশের একেবারে গায়ের সঙ্গে ঘেঁবে চলেছে।

নয়না বোধ হয় কোনও দোকানে পোঁপা বৌধেছিল সেদিন। একটি কমলারঙা সফলপুরী সিকের শাড়ি এবং লো-কাট ব্লাউজে ওর জীবাটি অন্য সব দিনের চেয়েও সুন্দর দেখাচ্ছিল। ওই বলমলে জ্বলোয় ওকে চিত্রর আকাশের অসন্ন সন্ধ্যায় উড়ে-চলা ফ্লেমিংগো পাখি বলে মনে হচ্ছিল। আমার মাথায় খুন চেপে গেল। কী হল জানি না। কেমন করে হল জানি না। স্টিয়ারিংটাকে শক্ত করে দু'হাতে ধরে যত জোরে পারি অ্যাক্সিলারেটরে সমস্ত জোর দিয়ে চাপ দিলাম—গাড়িটা চৈত্র মাসের হাওয়ার মতো হু হু করে এগিয়ে চলল ! দুজনকে এক সঙ্গে চাপা দেব—গুঁড়িয়ে ফেলব—চাপ চাপ গাঢ় রক্ত লেগে থাকবে রাস্তায়—কালো সুট আর কমলারঙা শাড়ি রক্তে লাল হয়ে যাবে। ফ্লেমিংগো পাখি ঘাড়-মটকে পড়ে থাকবে কমলারঙা শাড়িতে। পৌছে গেছি—পৌছে গেছি—আর এক মুহূর্ত—হঠাৎ একটা ইঁচকা টানে নীতীশ নয়নাকে সরিয়ে নিয়ে গেল আমার আওতা থেকে—কিন্তু অত অল্প সময়ে ত্রেক কমা সম্ভব হল না—গিয়ে পড়ল গাড়ি সামনের গাড়ির উপরে—সে গাড়ি লাফিয়ে গিয়ে ধাক্কা মারল তার সামনের গাড়িতে। দু'গাড়িরই দু'ড্রাইভার নেমে এল। এসে আমাকে গালাগালি করতে লাগল। দোষ সম্পূর্ণই আমার। উচ্চ ছিল চূপচাপ থাকা। আমি উপটে ওদের গালাগালি দিলাম—টেন্টিয়ে বললাম—keep your bloody mouth shut. বলতেই, সামনের লোকটা আমার কলার ধরল। কলার ধরতেই মাথা ঠিক রাখতে পারলাম না—টেনে মারলাম এক আপার-কাট। লোকটা হেঁচকি তুলে সরে গেল, কিন্তু সঙ্গে সঙ্গে তাদের সমবেত সমর্থকবৃন্দ আমাকে চাঁদা করে মারতে আরম্ভ করল। একজন সার্জেন্ট না এসে পড়লে কী হত জানি না। কে যেন খুব জোরে একটা ঘুবি মারল আমার বগের উপর, কপালো—তারপর দেখলাম একটি একটি করে অ্যাজোগুলি নিভে যেতে লাগল—ঠাণ্ডা লাগতে লাগল—মনে হল ঘাড়ের কাছে কেউ যেন ওডিকোলনের শিশি উপুড় করে দিয়েছে। সমস্ত মাথার মধ্যে অনেকগুলো কাঁকটি ব্যাঙ ডাকতে লাগল ! আর কানের মধ্যে বনবন করতে লাগল নয়নার গলা—কী অসত্য ডাইভার্স ! নীতীশও টেন্টিয়ে কী একটা বলেছিল ! শুনে পাইনি। ভাগিস্ ওরা কেউ আমায় চিনতে পারেনি।

সার্জেন্ট আসতে সামনের ভিড় কমল। চব্বিশ ঘণ্টার মধ্যে থানায় গিয়ে জরিপ করতে হবে। সব কিছু করতে হবে। কিন্তু কিছুই করতে ইচ্ছে করল না। ইচ্ছে করল ঘুমিয়ে

গাড়ি স্টার্ট করে আস্তে আস্তে এগিয়ে চললাম। জামায় বোতাম ছিড়ে ফেলেছি। টাই ধরে টানাটানি করাতে গলায় খুব লেগেছে ; জল পিপাসা পাচ্ছে খুব। বাড়ি যেতে ইচ্ছে করছিল না এই অবস্থায়।

পার্ক স্ট্রিটে এসে দাঁড়িলাম। কোথাও বসে এক কাপ কফি খেলে বেশ হত। রুমাল দিয়ে ঠোঁটটা ভাল করে মুছলাম। ঠোঁটের কোণটা কেটে গেছে। ওগা খুবই মেয়েছে; তবু দুঃখ নেই তার জন্যে। আসলে আপশোস, নয়না আর নীতীশকে আমার জীবন থেকে মুছে ফেলাতে পারলাম না!

একটা কোণা-কফি নিয়ে সায়াক্ষকারে একটি কোণায় বসে বসে অনেক পুরনো দিনের কথা—অনেক টুকরো ঘটনা চোখের উপর সারি সারি ভেসে-ওঠা ছবির মতো দেখছিলাম। সে সব ছবি দেখতে দেখতে বর্তমানের সবকিছু মন থেকে উবে গেল।

একদিন খুব বৃষ্টি পড়ছিল, ট্রাম স্টাইক ছিল। শুধু বাস চলছিল। প্রচণ্ড ভিড়। অফিসে বসে হঠাৎ আমার মনে পড়ল নয়নার কলেজ ছুটি হবে। ওই সময় ট্যান্ডি পাবে না—ওই ভিড়ে বাসেও উঠতে পারবে না। বৃষ্টিতে ভিজবে এবং নিষাতি জ্বরে পড়বে। পরশুদিন ফোনে কথা বলার সময় ও ঘং ঘং করে কাশছিল। অতএব অফিস পালিয়ে ওর কলেজের চারপাশে খিরখিরে বৃষ্টি আর কনকনে হাওয়ায় চকর মেরে বেড়াতে লাগলাম। কলেজ থেকে বেঞ্চে অন্যান্য মেয়েরা এবং হয়তো গথচারীরাও ভাবল যে, আমার উদ্দেশ্য শুভ নয়। ওরা কী করে জানবে যে, ওদের মধ্যে সুন্দরীশ্রেষ্ঠা যে, তার সম্বন্ধেও আমার বিন্দুমাত্র ঔৎসুক্য নেই; আমি কেবল আমার নয়নার খোঁজে এসেছি। পাছে সে বৃষ্টিতে ভেজে, পাছে তার কষ্ট হয়, পাছে ভীষণ ভিড়ের বাসে তার সুন্দর পায়ের পাতা কোনও বদখত লোক কাদাসূত্র জুতো দিয়ে মাড়িয়ে দেয়—আমি তাই অফিস পালিয়ে পাগলের মতো ফুড়ি মিনিট হল দণ্ডি কাটছি। আমার ভাগ্যদেবীর হাতে দাণ্ডিত হচ্ছি; সেদিন দেখা হয়নি নয়নার সঙ্গে। কারণ ওর ক্লাস সেদিন আগে শেষ হয়ে গিয়েছিল।

আরেক দিনের কথা মনে পড়ল। পাইপটা ধরলাম। কিছু খেলে হয়! মার খেয়ে বেশ ক্ষিপে পেয়েছে। একটা হ্যামবার্গার নিলাম।

একবার নয়নার সামান্য জ্বর হয়েছিল। অফিস থেকে ফিরে রোজ থেকে দেখতে যেতাম। বেণী এলিয়ে রক্ত উদ্ভিত ও শুয়ে থাকত। গেলে ও খুশি হত। কিন্তু তার চেয়ে আমি খুশি হতাম অনেক বেশি। বোধ হয় ওকে আমার নিজের জীবনের চেয়েও ভালবাসি বলে, ওকে অসুস্থ, অসহায় দেখলে আমার ভাল লাগত। মনে হত, ওর জন্যে কিছু করি। ওর কাছে বসে ওকে একটু ভাললাগা দিয়ে, নিজে সার্থক হতাম। ডাবতায়, ওর জন্যে কিছু করার একটি সুযোগ মিলল।

ওকে অনেকদিন বলতাম আমি—তোমার বেশ বড় কোনও অসুখ হোক। তোমায় যাতে অনেকদিন নার্সিং হোমে থাকতে হয়! অনেকদিন। প্রথম প্রথম আত্মীয়স্বজন, তোমার দেখানো-হিতাকাঙ্ক্ষীরা, বন্ধু-বান্ধবেরা খুব ভিড় করবে। তোমায় দুবেলা দেখতে যাবে। তারপর আস্তে আস্তে কেউ আর সময় করে উঠতে পারবে না। সবচেয়েই কিছু না-কিছু জরুরি কাজ পড়ে যাবে। এমনকী সূর্য পর্বত তোমাকে দেখতে আসার সময় করে উঠতে পারবে না। তখন আমি প্রতি সন্ধ্যায় অফিস-ফেরতা তোমার কাছে যাব। তোমার কেবিনে বসে থাকব। রোজ তোমার জন্যে ফুল নিয়ে যাব। মাঝে মাঝে ক্যাডবেরিও নিয়ে বাব নার্সকে লুকিয়ে, ভেঙে-ভেঙে, টুকরো করে তোমার ঠোঁটে দেব। তোমাকে একটুও বিরক্ত করব না। কিছু করব না—শুধু তোমার বামে-ডেজা গরম দুখানি হাতে হাতে রেখে, তোমার শুকতারার মতো চোখে চোখ রেখে, আমি ঘণ্টার পর ঘণ্টা বসে থাকব। তোমাকে যদি সবাই কোনওদিন ত্যাগ করে—সবাই তোমাকে ভুল বোঝে—একমাত্র সেদিনই তুমি জানতে পারবে আমি তোমার জন্যে কতটুকু করতে পারি, আমি তোমার কে।

এককম গড় গড় করে পাগলের মতো বলতাম, একটু থামতাম, একটু ভাবতাম, ওর নয়না কনুইয়ে-ভর-করা হাতের পাতায় মুখ রেখে বড় বড় চোখ মেলে উৎসুক হয়ে শুনে—তারপর অত্যন্ত নিস্পৃহ গলায়, যেন এতক্ষণ কিছুই শোনেনি—এমনি ভাবে বলত—ইস! কামনাও করতে পারেন আপনি। একটি জলজরুর মেয়েকে মাসের পর মাস নার্সিং হোমে শুইয়ে রাখবেন—কেবল আপনি আমার কে তা বোঝাবার জন্যে? সত্যি! আপনাকে নিয়ে চলে না। ওর মনের মাথাটাখা বারাপ হয়ে গেছে।

জানি না, হয়তো তাই গেছে।

কিন্তু মুশকিল হচ্ছে, শিশুর কাছে মার ওনের মতো, প্রথম কৈশোরের নিঃস্বাসের মতো, প্রথম যৌবনের স্বপ্নভরা আশ্রমুকুলিত দিনগুলোর মতো নয়না আমার অন্তরের অংশ হয়ে উঠেছে। ও যে সত্যি আমার কে, তা ওকে কোনও দিনই আমি বোকাতে পারব না। ও কোনওদিন বুঝতে চায়ওনি—চাইবেও না।

অথচ এইটুকু সহজ আর কখনও আমার মাথায় ঢোকে না। কানা ষাঁড়ের মতো কেবলি আমি লাল-কাপড়ের দিকে ছুটে বাই—আর কোনো তরুণ, দৃঢ় মাতাদোরের মতো নয়না আমাকে প্রতিবারই ওর অবজ্ঞা ও ঔদাসীন্যের ছোরা দিয়ে ক্ষতবিক্ষত ও রক্তাক্ত করে তোলে।

জানি না, সত্যি সত্যি আমি কী চাই নয়নার কাছে? ভাল ব্যবহার, এমনকী মৌখিক ভালবাসা তাও সে আমাকে দিয়েছে। সে আমাকে অনেকাধিক ব্যাপারে অনুপ্রেরণাও জেগায়। এর জন্যেই—মানে ও যা দিয়েছে তা নিয়েই ওর কাছে আমার কৃতজ্ঞ থাকা উচিত। অথচ, তবু আমি সর্বদা ছটফটিয়ে মরি। তাহলে কি শরীর—আমি কি তাহলে শরীরটাকেই চাই? তার বজনীগন্ধার মতো প্রশস্তুটিত ছিপছিপে শরীরটাই কি চাই তাহলে?

পাইপের টোব্যাকোটা তেতো তেতো লাগতে লাগল। থুথু ফেললাম অ্যাশট্রেতে। নীতীশের মুখে ফেললে ভাল হত। কোনওরকমে নয়নার উপর প্রতিশোধ নিতে পারলে ভাল হত। কিন্তু এ যদি শুধু শরীরই হয় তবে এত ব্যথা কীসের এত যত্ন কীসের? যৌবনের সোনার সময়কে এমনি করে মোমের মতো বিনা প্রয়োজনে ফয় করাই বা কীসের জন্য?

কিন্তু ভয় করতে লাগল। শুনেছি, ছোটবেলা থেকে শুনেছি যে এই পাড়া, এদিক-ওদিক গলি-ছুটি, আলো-অন্ধকার সবকিছুই অর্ধবাহী। পয়সা থাকলে নাকি পাওয়া যায় না এমন আনন্দ নেই কলকাতায়।

গাডিটা ওখানেই থাকল। চেহেরের মতো, লাথি-খাওয়া ঘেয়ো-কুকুরের মতো প্যান্টের পকেটে হাত ঢুকিয়ে, লেজ গুটিয়ে ফ্রি-স্কুল স্ট্রিট ধরে পা-টিপে পা-টিপে হাঁটতে লাগলাম। একটু এগোতেই, একটি বড় ফ্ল্যাট বাড়ির ফটকের সামনে, পানের দোকানের পাশে, একটা শিয়ালে-খাওয়া কইমাছের চেহারার লোক সোজা আমার চোখের মণি লক্ষ করে তাকাল। আমার কান গরম হয়েছিল। আমি দাঁত দাঁত চেপে ছিলাম। মাথা নোহালাম। লোকটা পচা-মাংস-চিবানো হারনার মতো দাঁত বের করে হাসল, হাত তুলে সেলাম করল, ফিস্‌ফিস্‌ করে বলল, কেয়া চাহিরে সাহাব? পাঞ্জাবী, পার্সী, আংলো, যো কহিরেগা। ইকদম্ বেহেতরিন চীজ।

আমি উত্তরে বেশ কেটে কেটে বললাম, মুখে বাগ্‌গালি লা-দো। বলেই, নয়নার চেহারার হুংহু বর্ণনা দিলাম—ওকে একটু অন্ধকারে টেনে নিয়ে।

ও বলল, আপ্ বেফিক্কর রহিয়ে। জেবা টাইমকা বাত হ্যার—মগর ম্যায় লায়গা জরুর।

এর আগে আমার মতো আনাড়ী মুরগি এই ধানক্ষেতে কখনও যে ধান খায়নি, তা ওর চোখ দেখেই বুঝলাম।

লোকটা আমায় ভিতরের চতুরে একটু হাঁটিয়ে নিয়ে গিয়ে একটা সোফা-সাজানো ঘরে বসাল। সে ঘরের দেওয়ালময় উগ্র অঙ্গভঙ্গিমায় নানারকম মেয়েদের “অয়-না-দেখি” গোছের ছবি।

লোকটি বলল, ম্যায় চলে হুজুর। মগর পঁচাশ রুপেয়া লাগেগা।

আমি বললাম, রুপেয়াকা ফিক্কর মতো করো।

ওই ঘরে বসে বসে একা আমার ভয় করতে লাগল। যদি কোনও চেনা লোক দেখে ফিলে? যদি বলে, আরে ঝজু? এখানে কী করছ? যদি কেউ দেখে ফেলে, যদি কেউ একদু দেখে ফেলেই, তাহলে কটা-ঠোঁট দেখিয়ে, মার-খাবার দাগ দেখিয়ে বলব—তাকে বলব যে, দ্যাশো আমার নয়না আমাকে কী করেছে। তাই তার উপর আমি প্রতিশোধ নিতে এসেছি। আমার বিশ্বাস, যে-কেউ আমার কথা বুঝবে।

তারপর কতক্ষণ সময় কেটে গেল জানি না। একটা গুপ্ত প্রকৃতির লোক—বেঁটে-সেঁটে তেল-চুকচুকে কালো—এসে বলল, রুপেয়া অ্যাডভান্স দিজিয়ে—কমিস্যন কেবরা দিজিয়ে। হাম দোনোকো বকশিশ দিজিয়ে। তারপর শুধোল, মামুলি কামরা দীজিয়েগা, না এয়ার-কন্ডিশানড? ৬২

কেউ ভেজিটারিয়ান না নন-ভেজিটারিয়ান শুধোলে, যেমনভাবে উত্তর দিই, তেমন করে বললাম, এয়ার-কন্ডিশানড। আলবৎ এয়ার-কন্ডিশানড। এই কলকাতার ধূয়ো-কালিতে আমি আমার নয়ন্যসোনার সঙ্গে মিলিত হতে পারব না। তার সঙ্গে আমি এই প্রথমবার মিলিত হব—শুধু তাই বা কেন? জীবনে এই প্রথমবার কোনও নারীর সঙ্গে মিলিত হব। তা ছাড়া জীবনের এসব স্মরণীয় দিনগুলোতে কর্পণ্য যে করব না, তা ছোটবেলা থেকেই ভেবে এসেছি।

আজকে নয়নার সমস্ত গর্ব আমি ভেঙে দেব। ও আমাকে যত ব্যথা দিয়েছে, সব ব্যথা আমি সুদে আসলে ফিরিয়ে দেব। আমার অনভ্যস্ত ও অনিয়ন্ত্রিত আরতিতে নয়নার ধূপের গন্ধের মতো আর্তি আমি তিল তিল করে উপভোগ করব।

সেই গুণ্ডাট: হিন্দাব-নিকাশ করে আমার কাছ থেকে সবদুঃ একশ কুড়ি টাকা নিয়ে নিল। বলল, সাব, হুইস্কি-উইস্কি কুছ নেহি পিজিয়েগা?

আমি বললাম, কুছ নেহি।

ও চলে গেল। আমার ঠোঁট থেকে এখনও রক্ত বরছে। আমার নিজের নোনা রক্ত আমি চেটে চেটে খাচ্ছি—সমস্ত শরীরের রক্ত এখন টগবগিয়ে ফুটছে—। নেশায় আমি এখন আলাউদ্দিন খাঁর সরোদের মতো বাজছি। তোমরা এখন শুধু আমার নয়নাকে নিয়ে এসো।

হঠাৎ দরজাটা খুলে গেল। সেই গুণ্ডামতো লোকটির সঙ্গে একটি ছিপছিপে অন্নবয়সী মেয়ে ঘরে ঢুকল। অরাক হলাম। বেশ দেখতে তো! কে বলবে যে, মাত্র পঞ্চাশ টাকার বিনিময়ে এ কেহিনুর হীরে বিকোবে। কিন্তু গায়ের রঙটা অসম্ভব ফর্সা! ঠিক নীতীশের মতো। হ্যা—নীতীশ সেনের মতো ফর্সা।

মেয়েটি কাছে এল। ছোটবেলার চিড়িয়াখানায় উদ্বেড়ালের চৌবাচ্চায় সিংগি মাছ ফেলে যেমন চোখে আমার চেয়ে থাকতাম—ভাবটা, কী করে গিলে ফেলে, দেখি—মেয়েটি তেমন চোখে আমার দিকে চেয়ে রইল। আমারও যেমন বুঝতাম না, লেজের দিকে আগে কামড়াবে না মাথার দিকে, তেমনই অধুকের মতো না-বুঝে মেয়েটি আমার দিকে চেয়ে হাসতে লাগল। তারপর বলল, চলুন, ঘরে যাই।

এবার উচ্ছ্বল আলোয় মেয়েটির মুখের দিকে ভ্রাঙ্গ করে তাকালাম। কই? সে চোখ কই? যে চোখে চাইলে আমার সমস্ত সম্ভা জলতরঙ্গের মতো বেজে ওঠে, ভাল লাগায় আমি সজনে ফুলের মতো কর্পতে থাকি, সে চোখ কই? এ তো চোখ নয়, যেন মরা ভেটকির কোল। এ চোখে চাওয়া যায় না। এ শরীরে যাওয়া যায় না। এ তো আমার নয়না নয়, এ কাকে এরা এনে দিল আমায়? এর শুধু গড়নই নয়নার মতো, এমনকী, বুক চিবুক, সবকিছু—কিন্তু আর কিছুই যে নয়নার মতো নয়। সেই বুদ্ধি কই? সেই দুটুমিভর হাসি কই? এ আমার নয়না নয়! আমি যে কেবল নয়নাকেই চেয়েছিলাম—তার সব কিছু মিলিয়ে আমি যে একমাত্র তাকেই চেয়েছিলাম। আমার তো অভিমান শুধু নয়নার উপরে, পৃথিবীর অন্য কোনও মেয়ের উপর তো আমি প্রতিশোধ নিতে চাইনি। আমি কেবল তাকে বোঝাতে চেয়েছিলাম; বোঝাতে চেয়েছিলাম; কী যে বোঝাতে চেয়েছিলাম তা আমি নিজেও জানি না।

এক হটকায় উঠে দাঁড়ালাম। মেয়েটি অরাক চোখে তাকাল। এমন উদ্বেড়াল সে জীবনে দেখেনি। বলল, কী হল? আমি বুঝি দেখতে খারাপ?

আমি বললাম, ভাড়াভাড়াতে, ভয় পেয়ে ভোতলাচ্ছিলাম, বললাম—তা নয়, তা নয়, এখানে আমি একজনকে খুঁজতে এসেছিলাম ভাই। তাকে পেলাম না।

মেয়েটি আরও অরাক হল। বলল, সে কী? কে সে? নাম কী? মিলি?

আমি বললাম, না। অন্য একজন। সে হারিয়ে গেছে।

এবার মেয়েটির মুখ সম্পূর্ণ বদলে গেল, কী এক কান্না কান্না, নিষ্পাপ ভাব তার প্রসাধিত মুখে ছড়িয়ে গেল—উদ্ভিন্ন গলায় শুধাল, পাকিস্তানে বুদ্ধি দেশ ছিল?

বললাম, না। শিলঙের এক গুণ্ডা তাকে নিয়ে পালিয়ে গিয়েছিল। তারপর খুঁজে পাচ্ছি না। চলি। বলল, হব ছেড়ে চড়বে নামলাম। মেয়েটা দরজা থেকেই বলল, শুনছেন; এই যে

শুনছেন—

আব পেছন ফিরে তাকালাম না। আমার ভীষণ কান্না পেতে লাগল। নিজের জন্যে। নয়নার জন্যে। এবং নাম-না-জানা এই মেয়েটির জন্যেও।

সোজা ক্লাবে এলাম।

আমি ভীষণ নই। কার সঙ্গে লড়তে হবে জানলে আমি লড়তে পারি কি না দেখাতাম। কিন্তু নিজের সঙ্গে নিজে আমি লড়তে শিখিনি কোনওদিন। পারি না। নয়না কোনওদিন আমাকে একবারের জন্যেও বলেই কী করলে আমি ওর যোগ্য হতে পারি। নীতীশ যে কেন এবং কী বাবদে আমার চেয়ে ভাল, এ কথাও জবাব কোনওদিন জানতে পাব না। হয়তো অনেক প্রশ্ন আছে যার জবাব কেউ দেয় না। যার জবাব কালের স্রোতে, জোয়ারে-ভাসা কুটোর মতো হয়তো এমনই ভেসে আসে। ভালবাসলে কী করতে হয় আমি জানি না। নয়নাও একদিন বলেছিল, জানে না। কেউ জানে কি, তাও জানি না।

ঠিক এই মুহুর্তে আমার আর কোনও ইচ্ছে নেই। নয়নার মুখটা শুধু আমার চেতনা থেকে, আমার অবচেতন থেকে মুছে ফেলতে চাই। তার প্রশান্ত কপাল, তার উজ্জ্বল চোখ দুটি আমি যেন আর্দ্রনাদ করেও, সনগ্ন রকমে চেষ্টা করেও, কখনও মনে না আনতে পারি। কোনওদিন কোনওদিন, কোনওদিন মনে না আনতে পারি।

হইকি লাও। বেহারা, হইকি লাও।

১৪

লাইট-হাউসের সামনের বইয়ের দোকানে বই দেখছিলাম। দুটো বই অর্ডার দেওয়া ছিল। ওরা সে দুটো প্যাক করে দিচ্ছিল। বই দুটি নিতেই এসেছিলাম।

আজ শনিবার। এখন চারটে বাজে। অফিস থেকে বেরিয়ে এই এসেছি। বইগুলো নাড়াছি-চাড়াছি। এমন সময় আমার বাহুতে আঙুল ঝুইয়ে কে যেন বলল—এই!

যাডু খেঁবতেই দেখি নয়না।

প্রথমে ঠিক করলাম, কথাই বলব না! কিন্তু নিজের অজান্তেই পরাকণেই আমার চোখমুখ উজ্জ্বল হয়ে উঠল। বললাম, কী?

অসভ্য।

অসভ্য কেন?

কতদিন আসেন না বলুন তো। কত বছর?

বললাম, বছর তো নয়, দু'য়েক মাস মাত্র। এমনিতাই যাই না। বড় হবার চেষ্টা করছি। তাছাড়া গেলে তোমার পড়াশুনার অসুবিধে হয়।

বললাম। কিন্তু ফোন করলেও কি অসুবিধে হত?

একটু শক্ত গলায় বললাম, হত বৈকি। ওই একই অসুবিধে হত।

আমার গলার স্বর শুনে ও আমার চোখে চোখ মেনে সম্পূর্ণভাবে চাইল—তারপর মুখ নিচু করে বলল, আপনার দেরি হবে? আপনার সঙ্গে একটু কথা ছিল।

ভাবলাম বলি যে, তুমি যেতে পারো। তোমার সঙ্গে আমার কোনও কথা নেই। থাকবেই শী কখনওদিন।

কিন্তু মুখ ফুটে তা বলতে পারলাম না। নয়না যদি এ জীবনে কখনও কোনও সময়ে, এমনকী যখন আমার ভুরু সাদা হয়ে যাবে, চুল ধবধবে করবে, তখনও যদি কখনও আমার চোখে তাকিয়ে বলে, স্বজন্ম, আপনার সঙ্গে একটু কথা ছিল—তখনও আমার সব কাজ ফেলে, আমাকে ওর কথা শুনতে হবে। কারণ It is my destiny. পূর্বজন্মের কোনও অজানা ঋণের বোঝা আজীবন আমায় শোধ করতে হবে নয়নার কাছে। শোধ করতেই হবে। আমার মুক্তি নেই।

বললাম, একটু দাঁড়াও। দুটি বই অর্ডার দিয়েছিলাম। বেঁধে দিচ্ছি।

ও ঘাড় হেলিয়ে বলল, আচ্ছা !

অনেকদিন পরে নয়নাকে দেখলাম । এতদিন ওকে বড় দেখতে ইচ্ছে করেছে—বড় কথা বলতে ইচ্ছে করেছে ওব সঙ্গে । তবু, খাঁচায়-বন্ধ বাঘের মতো লোহার শিকে আছড়ে, মাথা কপাল বস্ত্রাঙ্ক করেছি । তবু ওর সঙ্গে দেখা করিনি, বা কথা বলিনি । যদি কেউ আমার মতো করে কখনও কাউকে ভালবেসে থাকে তবে কেবলমাত্র সে-ই বুঝতে পারবে—এতদিন পর নয়নাসোনাকে দেখে আমার কতখানি ভাল লাগছিল । এই শীত-শেষের বিকেল বড় ভাল লাগছে । একটা চাঁপারঙা কার্ভিগান পরেছে নয়না, চাঁপারঙা কম্পীর্ষী সিল্কের শাড়ির উপর । অনেকদিন পরে দেখছি বলে কিনা জানি না মনে হচ্ছে এ কামাঙ্গে ও যেন অনেক বড় ও আরও বেশি সুন্দরী হয়ে গেছে । আরও বেশি ব্যক্তিত্বসম্পন্ন ।

বললাম, তুমি এখানে কী করছিলে ?

আমি ? এই একটু কেনাকাটা করতে মার্কেটে এসেছিলাম ।

বইটা নিয়ে বললাম, বলো কোথায় যাবে ।

আপনি যেখানে নিয়ে যাবেন ।

মনে হচ্ছে ফাঁসির আসামী'র ইচ্ছাপূরণের মতো আজ তুমিও আমার ইচ্ছাপূরণে বন্ধপরিণত ।

যা বলুন !

তোমার হাতে সময় আছে তো ?

আছে । রাত এগারোটো অবধি । ছটার শেষে সুমিতা সিনেমার টিকিট কেটেছিল । রাত্রে ওদের বাতি খাওয়ার নেমস্তম্ভও ছিল । একটু আগে জামলাম, মানে বাড়ি থেকে বেরুনের পর, যে দুটোই ক্যানসেল । সুমিতার এক মামার হস্তাৎ হোক হয়েছে—তাই ! অথচ বাতিতে বলে এসেছি । তাই এগারোটো অবধি চিন্তা করবে না কেউ ।

দুজনে হাঁটতে হাঁটতে ফেরাজিনীতে এসে বসলাম । গাড়ি রেখেছিলাম লাইট-হাউসের সামনে । গাড়ি ওখানেই থাকল ! কোণের একটি টেবলে—দুজনে বসলাম । আজ বহুদিন বাদে নয়না আমার সঙ্গে কোনও বেস্তরীয় ঢুকল ! ওর হাতে—কোলানো কালো চামড়ার ব্যাগ থেকে একটি ছোট প্যাকেট বের করে আমার হাতে দিল !

অবাক হয়ে শুধোলাম, কী ?

আপনার জন্যে দুটি চাই ও দুটি মোজা কিনেছিলাম ।

বীতিমতো অভিজ্ঞত হয়ে পড়লাম । বললাম, কেন ? কী ব্যাপার ?

ও হাসল ! বলল, ব্যাপার কিছু নয় । অনেকদিন থেকে ইচ্ছা ছিল, আমাকে যে আপনি স্নেহ করেন তার স্বীকৃতি হিসেবে, যেদিন মিজের রোজগার করব, সেদিন আপনাকে কিছু কিনে দেব ।

এই 'স্নেহ' কথাটিকে আমি খেলা করি—আমি ওকে কোনওদিন ছোটবানের মতো ভালবাসতে পারিনি—চাইনি—আজও চাই না—অথচ ও সব সময় আমাকে স্রদ্ধা দেখায়, দানার মতো দেখে ।

বললাম, তুমি চাকবি আরম্ভ করে দিয়েছ নাকি ?

না ! একটি ব্যাটিকেই শাড়ি কানিয়েছিলাম । তার সম্মানী পেয়েছি বাট টাকা ।

আব সেই টাকার প্রায় সবটাই খরচ করে ফেললে একটা লোকের জন্যে, যে তোমাকে কেবল জ্বালালই চিরদিন ।

নয়না চোখ তুলে বলল, আপনি ভীষণ খারাপ । অমন করে বলবেন না ! আমার জ্বালালটা
না :

বেয়ারা এসে অভ্যর্থনা নিয়ে গেল ।

আমি বললাম, তারপর ? তোমার কী খবর বলো ? নীতীশ সেন কেমন আছে ?

নয়না আমার চোখে একবার চাইল । বেন ও বলতে চাইল--নীতীশকে আমার এত অপছন্দ
কেন ?

ও কিছু বলার আগেই--ওই নামটা উচ্চারণ করতেই জ্ঞানত অন্ধকারের স্বরটো সম্পূর্ণ বদলে
গেল--মাথায় অস্বাভাবিক স্ফটিকের সেই যন্ত্রণাটা, যেদিন এক বৃষ্টিস্রোতের উপর আমার সমস্ত ইচ্ছা

আরোপ করার দ্বাশায় একটি ঘৃণিত অভিজ্ঞতার চৌকঠে পা দিয়ে ফিরে এসেছিলাম, সেটা ফিরে এল !

নয়না ঠাণ্ডা গলায় চোখ নিচু করে বলল, নীতীশদা ভালই আছে—কলকাতা আসছে আবার সামনের দোলে । আপনি বোধ হয় জানেন না, নীতীশদার বিয়ে হয়ে গেছে । অবশ্য বেশিদিনের কথা নয় । এই তো দিন পনেরো আগে ওরা শিলঙ ফিরল ।

নাঃ, আজকেও নয়না দেখছি আমার হারিয়ে দেবে ।

আমি খুব ঠাণ্ডা গলায় আমার সমস্ত উত্তাপ ঢেকে বললাম, শুনি নি তো ! কোথায় বিয়ে করল ?

নিজেই পছন্দ করে করেছে ।

খুব বড়লোকের মেয়ে বুঝি ?

খুব না হলেও বেশ বড়লোকের মেয়ে । বেশ সুন্দরী । নীতীশদা যে কোম্পানিতে কাজ করে সে কোম্পানির একজন ডিরেকটরের মেয়ে । বিয়ে অবশ্য কলকাতাতেই হয়েছিল, বরযাত্রী যেতে বলেছিল আমাকে ।

তুমি গেছিলে নাকি ?

বাঃ নেমস্তন্ন করল, যাব না ? গিয়েছিলাম ?

খরের কোণার নিচু গ্রামে বাজনা বাজছিল । চাঁপারঙা পোশাকে সেই প্রয়োজকারে নয়নাকে কোনও জঙ্গলাকীর্ণ উপত্যকার বিশীর্ণ শুকনো চাঁপাকুল বলে মনে হচ্ছিল । কৃশাঙ্গী, সুগন্ধি, তেজস্বিনী, করুণ কোনও ক্যাথলিক নন্দ-এর মতো । এতদিন ওর চোখে চেয়ে ওর চোখের পাতায় চুমু খেতে ইচ্ছা করেছে—আজ হঠাৎ মনে হল ওর চোখেমুখে কোথাও কোনও দেবীমহিমা আরোপিত হয়ে গেছে, যা আগে কখনও লক্ষ্য করিনি ।

অনেকক্ষণ চুপ করে বসে থাকলাম ।

আমি ভেবেছিলাম, মানে একটু আগেও ভাবছিলাম যে, আমার একমাত্র প্রতিদ্বন্দ্বী আত্মহত্যা করাতে আমি ওয়াকওভার পেয়ে যাব । এবার আমি আমার জয়ধ্বজা ওড়াব, সেনিট্রেট করব, কিন্তু নয়নার মুখে চেয়ে আমি ওসব কথা আর ভাবতে পারছি না । হঠাৎ আমি বুঝতে পারলাম, এখন নয়নার বুকের ভিতর কী হচ্ছে । অথচ বাইরে তার আভাসমাত্র পৌঁছেছে না ।

বললাম, নীতীশ বেশ ভাল ছেলে ।

কেন বললাম, জানি না ।

নয়না বলল, নিশ্চয়ই খুব ভাল ছেলে ।

ও তো বলবেই— । ও যে ভালবাসে—মানে ভালবাসত । আর কেউ না বুঝে আমি তো ওকে বুঝতে পারি । শালা নীতীশ । এই নাকি ভাল ছেলে । একটি মেয়ে, যে কোমল স্বর্ণলতার মতো একটি সজীব সবুজ মনোমত গাছকে আকড়ে মনে মনে লতিয়ে উঠেছিল সকালের সোনালি আলোয়, তাকে কিনা সে নিজে হাতে নিষ্ঠুরের মতো আঁকসি দিয়ে নিভিয়ে দিল একটানে ছিড়ে ফেলে দিল । তবুও নয়না বলবে, নীতীশ ভাল ছেলে । এসব ছেলেকে মড়িতে-হাজির বাঘের ঘাড়ে মাচা থেকে ফেলে দিতে হয় । অবশ্য নয়নার কদর ও কী করে বুঝবে ? ওর তো শুধু টাকা আছে । শুধু টাকা দিয়ে ভাল ইন্টিশ মফ্ কেনা যায়, কিন্তু ভালবাসা চেনা যায় না ! যে ছেলে বড়লোকের পিয়ানো-বাজানো গিম্লেট-গেল কোনও ইনসিপিড মেয়ের বিনিময়ে নয়নার মতো মেয়েকে হারাণ—সে আত্মীয় পা হুড়িয়ে বসে কাঁদবে । কাঁদতে কাঁদতে তার চোখ অন্ধ হয়ে যাবে ।

কতক্ষণ চুপচাপ করে কাটল জানি না ; বোধহয় অনেকক্ষণ । নয়না পেয়ালার চা ঢালুছিল । বাঁ হাতে একটি মাত্র কাঁকন পরেছে । কাউন্সিলটির হাতাটি গুটিয়ে তুলে নিয়েছে । জান হাতে রিস্টওয়াচ । ওর স্বপ্নিল আঙুলে ও চামচে ধরে সুগারকিউ, পেয়ালার ফেলে টানি মিশোচ্ছে । অর্কেস্ট্রাতে বেলাফন্টের গান বাজাচ্ছে ওরা ; নিচু গ্রামে— । মনে হচ্ছে কেন্দ্র একটা দমবন্ধ যন্ত্রণা কোনও গভীর শীতল পাতকুরো থেকে খুণ্ডনী পাকিয়ে পাকিয়ে উঠে আসছে । নয়নার চোখের দিকে চাইতে পারছি না ।

সত্যি কথা বলতে কী, এক মুহূর্ত আগেও আমি যা কল্পনাও করতে পারিনি—নয়নার হেলানো

বিষয় মুখে তাকিয়ে হঠাৎ আমার তাই মনে হল ! নীতীশ নয়নাকে বিয়ে করলে আমি সবচেয়ে সুখী হতাম । নিজের মাথার চুল হয়তো টেনে ছিঁড়ে ফেলতাম— হয়তো শটগানের মাজুল গলায় ঠেকিয়ে পা দিয়ে ঘোড়া টেনে দিতাম—কিন্তু তবু, আমি হয়তো এখনকার চেয়ে সুখী হতাম ।

নয়নাকে যে ঠিক এতখানি ভালবাসি তা একটু আগেও আমি বুঝতে পারিনি । পরম কামনায় কঁকিয়ে-কঁকিয়ে যে যন্ত্রণা পাইনি—আজ নয়নের ব্যাথায়-ভরা চোখে চেয়ে তার চেয়ে অনেক বেশি যন্ত্রণা পেতে লাগলাম । নয়নার দিকে তাকাতে পারলাম না ।

ফেরাজিনী থেকে বেরিয়ে, নয়না যেন কেমন হঠাৎ প্রগল্ভা, সস্তা হয়ে গেল । ও যা কোনওদিন ছিল না, ও তাই হয়ে গেল । গাড়িতে আমার খুব কাছ ঘেঁষে বসল । আমার বাঁ কাঁধে দু-দু'বার মাথা নুইয়ে রাখল ।

বললাম, কী হল সোনা ?

নয়না ফিসফিস করে বলল, আপনার চিঠিগুলোর কথা ভাবছিলাম । এত সুন্দর চিঠি লেখেন কী করে আপনি ?

বললাম, সকলকে লিখতে পারি না । তুমি তো সে কথা জানো যে, চিঠি লিখিয়ে নেবার ক্ষমতা সকলের থাকে না । চিঠি লেখবার ক্ষমতার চেয়ে চিঠি লিখিয়ে নেবার ক্ষমতা অনেক বড় । সে ক্ষমতা তোমার আছে । তাই হয়তো তোমাকে ভাল চিঠি লিখতে পারি ।

ও অক্ষুটে বলল, জানি না ।

বললাম, একর কোথায় ?

ও বলল, আমি জানি না । আমার এগারোটা অবধি ছুটি—আপনি আমাকে বেখানে খুশি নিয়ে যান— ।

ভিক্টোরিয়া মেমোরিয়ালে গাড়ি রেসে দু'জনে নামলাম । বললাম, চলো একটু হাঁটি—তারপর ফিরপোয় গিয়ে ডিনার খেয়ে সকাল সকাল তোমাকে বাড়ি পৌঁছে দেব ।

শেষ শীতের সন্ধ্যার কুয়াশা বাতিগুলো গলে গলে পড়ছে : নুড়িগুলো ভিজে রয়েছে ! নয়না হয়তো স্বপ্ন দেখছে : ঠিক আমি যেমন করে দেখি । এই শীতের সন্ধ্যার কুয়াশা ওর চোখ থেকে মুছে গিয়ে শিলঙের পাইন-ভরা হেঁয়ালি-মাথা সন্ধ্যা ওর চোখের সামনে ভেসে উঠছে ! লাইটমুকরার কোনও পাহাড়ের মাথায় ছোট্ট কটেডজ । ভিতরে গোলপি ল্যাম্পশেডে আলো জ্বলছে—পেলমেট থেকে ভারী সুন্দর সুন্দর পর্দা ঝুলছে জানলায় জানলায় । নীতীশ বোধ হয় এখনি অফিস থেকে ফিরল । মুখ-হাত বুয়েছে ! ওবা ছোট্ট খাবার ঘরে দু'জনে চা খেতে বসল । নয়না চিবড়ির কাউন্সেট বানিয়েছে—গরম গরম । বলল, তোমাকে একটু চিলি সস্ দিই ? নীতীশ বলল, দাও ; একটু দিয়ো ।

আদরে টি-কোজির গায়ে হাত দিয়ে, কেউনি থেকে তুলে নয়না চা বানাল, চা ঢেলে দিল । সুয়েল! রাত গড়িয়ে চলল ।

এমন সময় একটি ববারের বস এসে নয়নার গায়ে লাগল । আমার অথবা নয়নার স্বপ্ন ভেঙে গেল । একটি দুবস্ত দুটু গাবলু-গুবলু তিন বছরের ছেলে সুন্দর কালো সার্জের পোশাক পরে দৌড়ে এসে নয়নাকে বলল, আমার বস দাও । নয়না বলটি নিঙে হাতে তুলে দিল । তারপরে ছেলেটির দিকে তাকাল । ধবধবে ফর্সা ছেলেটি । নীতীশের মতো ফর্সা । নয়নার সমস্ত স্বপ্ন ধীরে ধীরে কোনও জাপানি চিত্রকরের ওয়াশের কাঙের মতো একটা হাঙ্কা এক-রঙা অপশ্রিয়মান ছবিতে গড়িয়ে গেল । সব মুছে গেল : কিছুই আর বাকি রইল না ।

অনেকক্ষণ আমরা হাঁটলাম : নয়নার হাবভাব দেখে আমার ভাল মনে হচ্ছিল না । এখন ও একেবারে চুপ করে ছিল । সেখান থেকে বাইরে এলাম । তারপর আটটা নাগানি ফিরপোতে এসে একটি ছোট্ট টেবলে বসলাম :

হাত দিয়ে টেবল-ক্লথটা সমান করতে করতে নয়না বলল, আচ্ছ! সুন্দরী, খাওয়ার পর আমরা কোথায় যাব ?

কেন ? বাড়ি ! তুমি অন্য কোথাও যেতে চাও ?

না ! মানে, না । কিছু না ।

কিছুক্ষণ চূপচাপ ।

বেয়ারা সুপ দিয়ে গেল । সুপ খেতে খেতে নয়না বলল, ঠাণ্ডাটা বেশ প্লেজেন্ট লাগছে, না ?

হঁ ।

আপনাকে এই সুটটা পরে কিন্তু ভারী সুন্দর দেখাচ্ছে, ঝঞ্জুদা ।

তাই বুঝি ? কাপড়টা তো তুমিই পছন্দ করে দিয়েছিলে, মনে নেই ?

হ্যাঁ । মনে আছে ।

বললাম, নয়না, তোমার কাছে আমার যে চিঠিগুলো আছে, সেগুলো এক-জায়গা করে রেখো ।

আমি একদিন গিয়ে নিয়ে আসব ।

নয়নার চোখ দুটি জ্বলে উঠল । বলল, কেন ? ও চিঠিতে আপনার কী অধিকার ? ও চিঠি তো আমার চিঠি !

বললাম, তা ঠিক ; কিন্তু এগুলো আমার মনের অসংবদ্ধ প্রকাশ ছাড়া আর তো কিছুই নয়—আমার ডাইরী ও বসন্তে পারো । তাছাড়া চিঠিগুলোর দাম যখন কিছুই নেই ।

ও উত্তেজিত গলায় বাধা দিয়ে বলল, অনেক দাম, অনেক দাম । আপনি কী বুঝবেন ? দাম ফেরত দিতে পারি না বলে কি দাম বুঝতেও পারি না ঝঞ্জুদা ! আমাকে এত ইন ভাবে কেন ?

এরপর আর কোনও কথা চলে না ।

পুড়িঙের প্লেটে চামচ দিয়ে কাঁচা-কুটি করতে করতে নয়না বলল, মনে আছে ঝঞ্জুদা, একদিন আমি আপনাকে শুধিয়েছিলাম, ভালবাসলে কী করতে হয় ? উত্তরে আপনি বলেছিলেন, জানি না । তখন আমিও বলেছিলাম, আমিও জানি না । অথচ আমরা দুজনেই জানতাম যে, দুজনেই মিথ্যা কথা বলছি । বলুন ? সত্যি না ?

আমি বললাম, হয়তো সত্যি । কিন্তু তাতে কী ? সে তো অনেক পুরনো কথা ।

নয়না বলল, উঠুন ।

চলো ।

ফিরপোর গালচে-চাকা সিঁড়ি দিয়ে নামতে নামতে মাঝ বরাবর এসে দু'পাশে ক্যাবারে ড্যানারদের ছবি দেখানে আছে, সেখানে নয়না থমকে দাঁড়াল । বলল, ওরাও নিশ্চয়ই কারও না কারও ভালবাসা পেয়েছে । না ?

বললাম, হয়তো পেয়েছে ।

ও বলল, ঈস—ওদেরও কেউ-না-কেউ ভালবাসে, অথচ আমাকে কেউ ভালবাসে না ।

আমার ভালবাসাটা ও ধর্তব্যের মধ্যেই ধরে না কোনওদিন, তা ভালভাবে জেনেও নেই মুহূর্তে ওর হাতটা মুঠি করে ধরে বললাম, তোমাকেও অনেকে ভালবাসে । আমিও তোমাকে ভালবাসি । ওদের সঙ্গে তোমার নিজেকে তুলনা করার দরকার কী ? তুমি যেন কী হয়ে যাও মাঝে মাঝে ।

বলতেই, ধুলো-মাখা চড়াইয়ের মতো ও ফুলে দাঁড়াল ; বলল, দরকার নেই ? কেন দরকার নেই ? আমাকে যে কেউ ভালবাসে না তার প্রমাণ আমি পেয়েছি, কিন্তু আমাকে যে কেউ ভালবাসে তারই প্রমাণ পাইনি ।

গাড়িতে উঠে নয়না বলল, গঙ্গার ধারে চলুন । এখনও হাতে অনেক সময় আছে ; সুপের সঙ্গে ছিলাম জানলে মা রাগ করবেন না ।

গঙ্গার ধারে রাতে বিশেষ লোকজন নেই, দুটো-একটা গাড়ি এখানে-ওখানে পার্ক করা আছে । জাহাজে আলো জ্বলছে । এখন জোয়ার । কুলকুল করে জল এসে পাড়ে লাগছে ।

গাড়িটা একটা নিরিবিলি জায়গা দেখে দাঁড় করাতেই নয়না সরে এসে অস্বস্তি গায়ে ঝুঁকে পড়ে অস্বস্তি-ভরা গলায় আমাকে বলল, এই ! আপনার হাতটা আমার হাতে রাখুন ।

অবাক হলাম ।

একদিন আমি ওর হাতটা আমার হাতে ধরতে চেয়েছিলাম । সেদিন ও ঠাট্টা করে বলেছিল, ওজ্ঞ বুঝি বাংলা ছবি দেখে এসেছেন ? নইলে এত ঢং কীসের ? সেদিন ও ব্যোঝেনি, জানেনি যে, বাকে

কেউ সত্যিকারের ভালবাসে তার হাতে হাত রাখার মতো মহৎ অনুভূতি ভাবার প্রকাশ করা যায় না ।

কোনও কথা বললাম না ।

আমার বাঁ হাতটি ওর কোলে রাখলাম ।

ও ওর দু হাতের পাতায় আমার হাতটি নিয়ে বসে থাকল । মাথাটি আমার কাঁধে হেলিয়ে রাখল ।

পাশ দিয়ে হেডলাইট জ্বেলে একটি গাড়ি গেল ।

ভাবলাম, লজ্জা পেয়ে ও এবার সরে বসবে ।

কিন্তু পরক্ষণেই একটি অতাবনীয় ব্যাপার ঘটে গেল । নয়না আমার বুকে মাথা গুঁজে ফুঁপিয়ে ফুঁপিয়ে কাঁদতে লাগল । কুলে ফুলে কিন্তু প্রায় নিঃশব্দে কাঁদতে লাগল ।

আমি কী করব জানি না । আমি সাধারণ । যে নয়নাকে আমি আমার অস্তিত্বের সর্বস্বতা দিয়ে, ভিখিরির মতো, কাঙালের মতো এতদিন চেয়ে এসেছি—যাকে ভুলে থাকার চেটায় নিজেকে তিল তিল করে ফুঁইয়ে ফেলেছি—মনোসংযোগ নষ্ট করেছি, শরীর নষ্ট করেছি, আত্মঘাতী আর্তিতে অনুক্ষণ অনন্ত অস্বস্তি পেয়েছি—সেই নয়না আজ আমার বুকে থরথরিয়ে কেঁপে মরছে । ভবিষ্যতের স্বপ্নভরা কুঠুরীর চাবিকাঠি এখন আমার হাতের মুঠোয় ।

এখন আমি কী করি ?

আমার সাদা জামায় ওর লিপস্টিকের টিপ লেগে একাকার হয়ে গেছে । কপালের টিপটি ধেবড়ে গেছে । রক্ষ শ্যাম্পু করা চুলগুলো এলোমেলো । নাক দিয়ে গরম নিঃশ্বাস বইছে, চোখের পাতা ভেজা । নয়না কাঁপা-কাঁপা গলায় বলল, স্বজুদা, আমি একদম ফুরিয়ে গেছি—একদম ফুরিয়ে গেছি স্বজুদা । ওর মতো শান্ত, সংযত স্বল্পবাকি বুদ্ধিমতী মেয়ে যে এমন হয়ে যেতে পারে তা না দেখলে আমি বিশ্বাস কবতাম না ।

গাড়িটা স্টার্ট করে খুব আস্তে আস্তে চালাতে লাগলাম । মাঝে মাঝে এক ঝলক ঝিরঝিরে হাওয়া দিচ্ছে, মনে পড়িয়ে দিচ্ছে, দোলনের আর দেরি নেই । মনে মনে অনেকদিন ভেবেছিলাম, নয়নাকে নিয়ে মণিপুরে একবার দোল-পূর্ণিমায় যাব—ওকে ঝুলন দেখাব । লকটাক্ হুদের পাশে দুজনে, একেবারে দুজনে—সঙ্গে আর কাউকে না নিয়ে—পিকনিক করব ; থৈবীখান্নার নাচ দেখব । দোল আসছে । দেখতে দেখতে একটা বছর ঘুরে গেল ।

মনে হল, নয়না যেন সংবিৎ ফিরে পেয়েছে । সরে বসল । সরে বসে জানালা দিয়ে বাইরে চেয়ে রইল । চুপটি করে । সাদার্ন অ্যান্ডিন্যুতে গাড়িটা দাঁড় করলাম । ঝংঝনাটা ঘুরিয়ে দিলাম ওর দিকে । গাড়ির ভেতরের আলোটা জ্বালিয়ে দিলাম । পকেট থেকে রুমাল বের করে ওকে বললাম, নাও তো লক্ষ্মী মেয়ে, মুখটা আর কপালটা ভাল করে মুছে নাও তো ! বাড়িতে বলবে কী ? ছিঃ ছিঃ । সঙ্গে চিরুনি আনতে ভুলে গেছ বুঝি ?

বাচ্চা মেয়ের মতো ও মাথা নড়ল ।

আমি আমার পার্স থেকে বের করে ছোট চিরুনিটা ওকে দিলাম । চুপ করে ও রুমাল দিয়ে চোখ মুছল, মুখ মুছল, চিরুনি দিয়ে কপালে-পড়া চুল আর এলোমেলো অলংকগুলোকে ঠিক করে নিল ।

হঠাৎ ওর চিবুকে হাত ঝুঁইয়ে ওর মুখটা আমার দিকে ঘুরিয়ে বললাম, দেখি ? খুঁকি হুঁক্ষা তো একটু ।

কাল্ল-ভেজা চোখে আমার পাংগলামিতে ও ফিক করে হেসে উঠল-বলল, অসভ্য কোথাকার !

বললাম, আমি অসভ্য ?

বলতেই, ও আবার কাঁদতে লাগল ।

আমি বললাম, আবার কাঁদলে কিন্তু এখানেই থাকতে হবে সারারাত । ছিঃ ছিঃ ছিঃ বোকা মেয়ে ! এই নাকি তুমি আমার এত গর্বের নয়নাসোন্য ? একটা বাজে ছেলের কাছে তুমি হেরে যাবে ? নীতীশ তোমার পায়ের নখের যুগি় নয় । তোমাকে বাথা দিয়েছে বলে বলছি না । সত্যি সত্যিই বলছি । তোমার যোগ্য ছেলে যে নেই তা নয়, অনেক আছে—একদিন না একদিন এত বড়

কলকাতা শহরে তাদের করও-না-কারও সঙ্গে তোমার দেখা হয়ে যাবেই । ইয়াং, খ্যান্ডসাম, বুদ্ধিমান, মদ-খায় না-একটুও ; ঠিক যোমনটি ভূমি চাও । শুধু ভূমি নিজের উপর বিশ্বাস হারিয়ে না ।

ওর কাল-ঝর চেপেখর মণিতে ও যেন কোনও নতুন ঋজুদাকে আবিষ্কার করল, বাকে ও কোনওদিন জানেনি—জমিও কি ছই এই—জমিকে চিনতাম ?

নয়নাকে বাড়িতে পৌঁছে দিলাম । নয়ন গাড়ি থেকে নামবার সময় আমার বাঁ হাতটি ওর হাতে নিল । তারপর কালা-কাল গলায় বলল, আপনি যদি না আসেন, কিংবা ফোন না করেন, তাহলে ভীষণ খারাপ হবে বলে দিচ্ছি ।

বললাম, আসব পাগলী মেয়ে, নিশ্চয়ই আসব । একশোবার ফোন করব ।

১৫

ক্রমে সপ্তাহে তিনদিন খুঁকিং করেছি । রাতে মার্কারের সঙ্গে প্র্যাকটিস করি : অফিস করি, গরমে পুলোভার পরে টেনিস খেলি, তারপর বাড়ি এসে চান করে ঘুমোই । বন্ধু-বান্ধবের আমায় প্রায় অনেকদিন হল ত্যাগ করেছে—এক জঙ্গলের বন্ধুরা ছাড়া : শহরের বন্ধুদের তো কোনও সময়ই দিতে পারি না—তাই ওরাও অনেকদিন আমার জন্যে অপেক্ষা করে করে, অবশেষে আমায় পুরোপুরি ত্যাগ করেছে । ওদের দেখে দিই না ।

আজকে বিয়ান্দকারের সঙ্গে বাজি ছিল, যদি ও আমাকে হারাতে পারে তো ওকে একদিন লাঞ্চ খাওয়াতে হবে । জিততে পারলাম না । হেরে গেলাম । কবে কোন প্রতিযোগিতাতেই বা জিতেছি ? ওর সার্ভিসটা খুব জোরালো আর ব্যাকহ্যান্ডে ক্রশকেট বা মার মারে তা বলার নয় । দারুণ দারুণ মার আছে ওর হাতে ।

ভাবলাম, ক্রাবেই চান করে, কিছু খেয়ে, রাত নটার শোয়ে কোনও সিনেমা দেখে বাড়ি ফিরব :

অন্ধকারে হার্ড-কোর্টগুলো পেরোচ্ছি, এমন সময় মনে হল ওপাশ থেকে সুজয় আসছে ।

ওকে দেখে বিয়ান্দকার বলল, হ্যালো চাডুরী । হ্যাণ্ডন্ট সিন ইউ সিন্স এজেন্স ।

সুজয় কাঁধ ঝাঁকিয়ে বলল, ইয়া ম্যান, আই ওজ টু বীভি । আই এ্যাম ফ্লাইং দা ডে আফটার টু-মরো ।

জানতাম ও যাচ্ছে, কিন্তু এত তাড়াতাড়ি যে যাচ্ছে জানতাম না । অনেকদিন ওদের বাড়ি যাই না । নয়নার সঙ্গেও দেখা বা কথা হয় না । অন্তঃস্ব জনার সুযোগও হয়নি । অথাক হলাম । একটু লাজ্জিতও হলাম ।

সুজয় বলল, ঋজু, তোর সঙ্গে আমার কথা আছে ।

বিয়ান্দকার, সী ইউ এগেন বললে চলে গেল ।

বললাম, কী কথা রে ?

ও বলল, সময় লাগবে । চল : প্যানে গিয়ে বসি ।

ক্রাবেব লনে বেডের চেয়ার পাতিই ছিল । আমরা গিয়ে বসলাম ।

কিছু খাবি ?

ও বলল, নাঃ, থ্যাঙ্কস ।

ও যেন কেমন ইচ্ছে করে ফর্মালি হয়ে যাচ্ছে এ বকম ও ছিল না ।

মনে হল সুজয় এমন কিছু একটা বলবে আমাকে, বর জন্যে আমি মনে মনে প্রস্তুত নই । ওর মুখটা দেখে ও যে আমার কলেজের বন্ধু সুজয়, তা মনে হচ্ছিল না । মনে হচ্ছিল ওকে আমি চিনি না ! অন্তত, ও আমার বন্ধু নয় ।

সিগারেটটা ছুঁড়ে ফেলে ও বলল, সোজাসুজিই বলি কথাটা । দ্যাখ ঋজু, আমি কোনও ছেনে হলে আমি হয়তো কিছু ভাবতাম না, কিন্তু তোর এমন কীর্তি ? ভাবতে পারিনি ।

সমকে উঠনাম আমি :

বললাম, কী কীর্তি ?

কী, তা তুই জানিস না ! নয়নাকে তুই ভালবেসে চিঠি লিখিস ! তোর লজ্জা করে না ?
আমি চুপ করে থাকলাম ।

ওকে বলতে পারতাম যে ভালবাসি, ব্যস্ । ওই পর্যন্ত । তার জন্যে আমার নিজের ছাড়া অন্য
কোনও ক্ষতিই করণ্ড আমি করিনি । নয়নারও না ; কিন্তু ভালবাসি ।

এটা অস্বীকার করতে পারি না ! ভেবে দেখলাম, এ সব কথা সূজয় বুঝবে না ! গত তিন-চার
বছর হল ওর বন্ধু-বান্ধবের দল সব অন্যরকম হয়ে গেছে । ও আমার কথা বুঝতে পারবে না ।
বোঝাতে চাইলেও বুঝবে না ।

একবারে বদলে গেছে সূজয় ! ও কিছুতেই আমার কথা শুনবে না । তাই চুপ করেই রইলাম ।
ও বেগে গেল । বলল, কী ? চুপ করে আছিস যে ?

বললাম, কী জানতে চাস বল ?

জানবার কিছু তো বাকি নেই ! তোর জন্যে নীতীশ নয়নাকে রিফিউজ করেছে । তুই আমাদের
পরিবারের শনি ! আমার পরিচয়ে আমাদের বাড়ি গিয়ে কি তুই আমাদের এই উপকার করলি ?
নীতীশকে তুই কী বলেছিস নয়নার নামে, বল !

বললাম, কিছুই বলিনি ।

ও ধমকে বলল, মিথ্যা কথা !

অনেকদিন আমি অত বেগে যাইনি । আমার সারা গা ধরধর করে কাঁপতে লাগল, বললাম, তুই
আমার কাছে মার খাবি সূজয় । ভদ্রভাবে ও বুঝে-সুঝে কথা বল ।

ও বেশ চৌঁচিয়ে বলল, তাহলে কি তুই বলতে চাস, নয়না খারাপ ? আমার বোনই খারাপ ?

বললাম, তোর বোন খারাপ নয় । তোর চেয়ে অন্তত অনেক ভাল ।

সূজয় বলল, দ্যাখ ঝন্ডু, তোর কাছে আমি তব্বকথা শুনতে আসিনি । তোর সঙ্গে কথা বলাও
বৃথা । তুই একটা ইউরট । ফার্স্টক্লাস ইউরট । একটা কথা শোনো, আমি কলকাতা থেকে যাবার
আগে তোমাকে কথা দিয়ে যেতে হবে আমায় !

কীসের কথা ?

তুমি আমাদের বাড়ি যাবে না, আমাদের বাড়ি ফোন করবে না এবং আমার বোনকে চিঠি লিখবে
না । যদি তুমি এ কথা না দাও, তাহলে খারাপ হবে ।

খারাপ হবে মানে ?

মানে, অনেক কিছু হতে পারে ।

কী ভাবে সূজয়টা আমাকে ? কী ভাবে ও ? তখন আমার রাগ আর নেই । দুঃখে, অপমানে,
নয়নার উপর অভিমানে, আমার তখন কান্না পচ্ছিল ।

• সূজয় বলল, তুই জানিস ? তোর চিঠি নয়না সকলকে পড়ায় ? টেবিলের উপর রেখে দেয়,
খোলা-ডুমারে রাখে : যে আসে সেই পড়ে ! তোকেও আমি ভালবাসি ঝন্ডু । অশুভ
ভালবাসতাম । এতে তোর জন্যেও কষ্ট হয় । তোর কি মানসম্মান বলে কিছুই নেই ? ও আমার
বোন হোক আর সেই হোক, ও কী এমন মেয়ে যে, তুই ওর পায়ে চুমু খেতে চাইবি, পা ধরতে
চাইবি ? তোর কি মাথা খারাপ হয়ে গেছে ? তোর কি মানসম্মানবোধ সব লোপ পেয়ে গেছে ? তোর
জন্যে আমার মাথা কাটা যায় : এটুকু তুই জানিস যে, নয়না তোকে ভালবাসে না, কোনওদিন
ভালবাসেনি । বাসবেও না কোনওদিন ।

চুপ করে রইলাম ।

কী ? কথা বলছিস না যে ?

বললাম, জানি তা ।

চৌঁচামেটিতে বেয়াক দৌড়ে এল । সূজয় মুখ বন্ধ করার জন্যে স্মিটলি বলল, দোগো
কোকাকোলা লাও ।

আমি আর কোনও কথা বললাম না ।

নয়নার নিজের হাতে অনেক অপমান সায়েছি ! আজ সূজয়ও কাছেও অপমানিত হয়ে আমার

অপমানের খুলি পূর্ণ হল। সুজয় আমার কাছে যে কথা চেয়েছিল, তা তাকে দিলাম।

সুজয় আমাকে আরও অনেক কথা বলল। বলল যে, নীতীশ খুব ভাল ছেলে—নিছক আমার ভালবাসাটা শ্বেল করেই ও অন্যত্র বিয়ে করতে বাধ্য হল। আরও আরও আরও অনেক কথা বলল। তা আমার কানে গেল না। আমি তখন বসে বসে অনেক কিছু ভাবছিলাম। অনেক পুরনো কথা। ভাবছিলাম, ও নয়নার কথাটা একবারও ভাবছে না! নয়না কি সুজয়ের রিস্টওয়াচ যে, ও যাকে খুশি তার হাতে তাকে পরিয়ে দেবে? নয়নার কি নিজের মন বলে কোনও জিনিস নেই? নীতীশ যদি নয়নাকে রিফিউজ করে থাকে, তাতে নয়নার হার হয়নি কোনও। তাছাড়া আমার এতে কী করার ছিল? উত্তীর্ণ যেমন করে শ্যামাকে ভালবাসত আমি তো নয়নাকে তেমনি করেই ভালবেসেছি। নিজের মৃত্যু ছাড়া আমার তো অন্য কিছু পাওয়ার ছিল না। নীতীশ ওকে বিয়ে করলেও ছিল না। এখনও নেই। কোনওদিনও থাকবে না। আমার সঙ্গে সুজয় এমন করে নোংরা ভাষায় কথা বলছে কেন?

তাছাড়া নয়না আমার সঙ্গে এ কী করল? আমার চিঠিগুলি কি এতই মূল্যহীন? ওর চোখে আমার সবকিছুই কি এতখানি সস্তা হয়ে গেছে? আমার এককুনি গিয়ে ওকে জিজ্ঞেস করতে ইচ্ছে করল, কী এমন আমি অন্যায্য করেছি, ওর কাছে, নীতীশের কাছে, মাসীমার কাছে যে, সুজয় আমাকে ওদের পরিবারের শনি বলে ভাবতে পারে? ওদের সকলের জন্যে, নয়নার জন্যে, এই ক'বছর যত কল্যাণকামনা, যত মঙ্গলকামনা করেছি, তার একভাগও নিজের জন্যে করলে আমি আজ এমন ভাবে সুজয়ের মতো ছেলের হাতে অপমানিত হতাম না।

বুঝতে পারিনি, নয়নাকে আমি চিনতে পারিনি, হয়তো কোনওদিনও চিনতে পারব না। আমি ওকে কুটিল, নীচ, নোংরা, নিষ্ঠুর, হৃদয়হীন বলে কোনওদিন চিনতে চাই না। তার চেয়ে আমার চোখে ও অপরিচিতই থাকুক। আমার চোখের অপরিচয়ের সায়াক্কারে ও যে মহিমাময়ী মূর্তিতে বিরাজ করেছে সেই মূর্তিতেই বিরাজ করুক। আমার সব দুঃখ আমি সইতে পারব, কিন্তু মনে মনে যে নয়নাকে চিনি সে নয়নাকে আমি কোনওদিন অন্য নয়না বলে ভাবতে পারব না।

নিশ্চয়ই, নিশ্চয়ই কিছু ঘটেছিল, কিছু হয়েছিল; যে কারণে ও আমার চিঠিগুলির এমন অসম্মান করেছে: কোনওদিন জানতে পারব না, কী ঘটেছিল।

কানের কাছে সুজয়ের গলাটা কেবল ঝঞ্ঝম্ করছিল—

ঝঞ্জু, তুই একটা ইডিওট; একটা ফাস্টব্রুস ইডিওট।

সুজয় অনেক কথা বলাছিল, হাত নাড়ছিল; আমার কানে কিছুই যাচ্ছিল না।

সুজয় একসময় উঠল। ক্লাবের ভাউচার সই করল। আমার কাঁধে হাত রাখল! বলল, চলি রে।

বললাম, আয়।

ক্লাব থেকে সোজা বাড়ি এলাম। এসে খেলার জামা-কাপড় না-ছেড়েই ড্রয়ার খেঁটে খেঁটে নয়নার সেই চিঠিটি বের করলাম। সেই দিনে সে চিঠিটির বিশেষ ভূমিকা ছিল।

অনেকদিন আগে লেখা চিঠি। একটা ইন্ড্যান্ড লেটার।

৮ | ৯ | ৬৪

ঝঞ্জুনা,

এবারে আর Romanticism চলে না। বাড়িতে ফিরে এনেই ব্যাগ খুলে দেখলাম যে, আর একশটি চিঠি রয়েছে।

প্রথমে বসতে ইচ্ছা করল—“আহা কী পাইলাম—ইত্যাদি—।” কিন্তু যখন দেখলাম যে, সেই পুরনো চিঠিটা নেই, আপনি চুপি করেছেন, তখন খুব মন খারাপ হয়ে গেল। সুজয়ের ওই চিঠিটা আমার এত ভাল লাগত যে আমি সঙ্গে নিয়ে বেড়াতাম। লাইব্রেরিতে বসে পড়তাম পেলো পড়তাম। বর বর পড়তাম। আমার আশা যে, আপনি চিঠিটা আমাকে ফেরত দিয়ে দেবেন।

আজকের চিঠিতে আপনি লিখেছেন যে, আপনি আমাকে আর চিঠি দেবেন না—আর, কেন দেবেন না তাও লিখেছেন: কিন্তু আপনি ওই সামান্য ব্যাপারের জন্যে যদি আমাকে চিঠি দেওয়া বন্ধ

করেন তবে সেটা আমারই দুর্ভাগ্য বলে মেনে নিতে হবে ।

কিন্তু আজকে আমি প্রতিজ্ঞা করছি যে আপনার চিঠি আমি আর কাউকে দেখাব না ।

এর পরেও আমি আর আপনাকে চিঠি দেবার জন্য অনুরোধ জানাব না, শুধু এইটুকুই বলি যে, আপনার চিঠি পেতে আমার খুব ভাল লাগে—যার জন্যেই হয়তো ইডিয়টের মতো সকলকে তা দেখিয়ে বেড়াই ।

সবশেষে বলি, আপনার ধারণা হয়েছে যে, ভবিষ্যতে কোনওদিন আমিই নাকি আপনাকে ইডিয়ট বলে প্রতিপন্ন করব, আর এ কথা আপনাকে নাকি আমার দাদাই বলেছে । দাদাই বলুক আর যেই বলুক—আপনি যদি এ কথা মেনে নেন—তবে বলব যে, আপনি এখনও আমাকে ঠিক চিনতে পারেননি !

শেষ করি ।

নয়না ।

১৬

আজ দোল-পূর্ণিমা ।

সারা সকাল বাইরে যাইনি । দুপুরেও না । বিকেল থেকে বাগানের বেড়ের চেয়ারে বসে আছি । একটি সর্বপ্রকাশী হালুদ চাঁদ আকাশ ছেয়ে উঠেছে । রঙ্গনের ডালে একজোড়া বুলবুলি পাখি ডেকে ডেকে ঘুমিয়ে পড়েছে । আকাশে কাতাসে এক আদিগন্ত ভাল-লাগা । অথচ আমার কোনও ভাগ নেই এতে ।

সকালে বাড়িতে অনেকে আঁবীর খেলতে এসেছিলেন । চতুর্দিকে, দেওয়ালে, মেঝেতে, বাগানে আঁবীরের দাগ । লনেও আঁবীর পড়ে রয়েছে । তার উপরে খালি পায়ে, মিনুর পাঁচ বছরের মেয়ে মিঠুয়া ঘুরে ঘুরে কাঁপা-কাঁপা গলায় গাইছে—

“ও আমার চাঁদের আলো, আজ ফাগুনের সন্ধ্যাকালে ধরা দিয়েছ পাতায় পাতায় ডালে ডালে...ও আমার...”

চুপ করে বসে বসে ওকে দেখছি ! আমার অনেক কিছু ইচ্ছে ছিল, এ জন্মে তার কিছুই পূরণ হল না । মিঠুয়াকে আমি নয়নার মতো অনন্যা করে বড় করে তুলব । নয়নার মতো সেও কম কথা বলবে, চোখ দিয়ে হাসবে, অমনি সংযতা হবে, নয়নার মতন করে ব্যথা পেতে জানবে এবং ব্যথা দিতে জানবে না । মিনুর কাছ থেকে মিঠুয়াকে আমি চেয়ে নেব । তারপর একটি একটি করে আমার অপূর্ণ ইচ্ছাগুলিকে ওর মতো আমি পুঁটিলেখা ফুলের পাপড়ির মতো ফুটিয়ে তুলব । তারপর, মিঠুয়া যখন বড় হবে, তখন একদিন প্রৌঢ়া নয়নার কাছে ওকে নিয়ে গিয়ে বলব, এই দ্যাখো, তোমার পুরনো-তুমিকে আমি ফিরিয়ে এনেছি । তখন নয়না হয়তো লজ্জিত হবে, বিব্রত হবে, ওর হ্যান্ডসাম এগ্নিকুটিভ স্বামী'র সামনে অপ্রতিভ হবে, বলবে : কী ছেলেমানুষী করছেন ঝজুদা ?

দিনের আলোর গভীরে রাতেও কোনও তারাই থাকে না । ও সব মিথ্যে কথা ; বানানো কথা । আমার নয়না আমাকে একেবারে ভুলে যাবে । যা হবার ভা হয়ে গেছে এ জন্মের মতো ।

কতক্ষণ বসেছিলাম জানি না । যতীন এসে বলল, দাদাবাবু, তোমার ফোন ।

চেয়ার ছেড়ে উঠে ঘরে গেলাম ।

ইয়েস্ । ঝজু কথা বলছি !

ঝজুদা ? আমি নয়না ।

কোনওদিন নয়না আমাকে নিজের ফোন করেনি । মানে, নিজের থেকে । দায়িত্ব বহুর আমায়ই ছিল । তাই আশ্চর্য হলাম ।

বললাম, কী ব্যাপার ?

কী ব্যাপার ? এতদিন তো দেখাই নেই, আজও এলেন না । ভেবেছিলাম সকালে আসবেন । বেলা একটা অবধি আপনার জন্যে চান না করে বসেছিলাম ।

সত্যি কিছু মনে করো না । কোথাওই যাইনি । তারপর একটু থেমে বললাম, তোমরা বুঝি খুব

মজা করলে ?

কীসের মজা ?

তোমার বন্ধু-বান্ধবীরা আসেনি এবার ?

এসেছিল। ওরা সবই এসেছিল। খুব হৈ হৈ হয়েছিল। কিন্তু মজা হয়নি।

কেন ?

জানি না।

জানালা দিয়ে চাঁদের আলো এসে পড়েছে ঘরময়। সমস্ত কলকাতা শহরটা নোল পূর্ণিমার হাসনুহানা রাতে একটি হাসিনী হলুদ বেগুনের মতো হাওয়ায় উড়ছে। আমার ঘর এমনিতে আজ অন্ধকার। বাল্‌বটা কেটে গেছে। আকাশের হলুদ ঝড়লঠন নিভে গেলে হয়তো অন্ধকারেই থাকবে। হয়তো আলো জ্বলবে না আর।

নয়না বলল, কী হল ? কথা বলুন ?

কী কথা বলব ? সব কথাই তো আমার বলে ফেলেছি। তাই চুপ করেই রইলাম।

কী হল ?

বললাম, পড়াশুনা করছ তো ? ফার্স্টক্লাস পেতে হবে কিন্তু। মনে থাকে যেন।

পেয়ে কী হবে ?

কী হবে তা জানি না। অন্তত নিজে সার্থক হবে।

কেবলমাত্র নিজের জন্যেই যারা সার্থক হতে চায় তারা কিন্তু স্বার্থপর।

তুমিও ?

জানি না। হয়তো আমিও। ভাল করে ভেবে দেখিনি কখনও।

তুমি ফার্স্টক্লাস পেলে আমার কিন্তু খুব গর্ব হবে।

জানি আমি। যদি পাই তো সেটা হয়তো পাওয়ার একটা কারণ হবে।

কিছুক্ষণ চুপচাপ।

জাস্টিস মুখার্জির বাড়ির গাড়োয়ালি দাবোয়ান বাঁশি বাজাচ্ছে। বাঁশির বেদনার সুর কেঁপে কেঁপে হাওয়ায় ঘুরপাক খেয়ে বেড়াচ্ছে। যেন নীল আকাশে সাঁতার কেটে উপরে পৌঁছে চাঁদের হলুদ লঠনকে ব্যথায় নীল করে দেবে।

কতদিন পরে নয়নার সঙ্গে কথা বলছি। কী যে ভাল লাগছে !

আপনি যেন কেমন হয়ে গেছেন ঝুঁড়া !

কেন ?

আগের মতো করে কথা বলছেন না তো আমার সঙ্গে !

আসলে আমি ভুলে গেছি, আগে তোমার সঙ্গে কী করে কথা বলতাম। তুমি কী শাড়ি পরে আছ আজ ?

বলব না।

কেন ?

খুশি।

বোকামি কোরো না নয়না। কোনওদিন কি আমি বড় হব না ?

না। আপনাকে আমি কোনওদিন বড় হতে দেব না।

আমি চুপ করে রইলাম।

কই ? তবু কথা বলছেন না যে ?

আমাদের এখানে দারুণ চাঁদ। আমার ঘরে আজ আলো জ্বলেনি। চাঁদের আলোয় ঘর হলুদ হয়ে আছে।

তাহলে আপনার হলুদ-বসন্ত পাখিকে সে ঘরে ডাকছেন না কেন ? এই আমার জন্যে কিন্তু আমার ভারী গর্ব, ঝুঁড়া। অন্য কাউকে আপনি এ নামে ডাকতে পারবেন না। এ আমার একান্ত নাম।

কোনও জবাব দিলাম না।

কী ? কিছু বলবেন ? না ফোন ছেড়ে দেব ?

এই তো ভাল । তোমার কথা শুনতে ভাল লাগছে । তুমিই বলো ।

হঠাৎ কী মনে পড়ে যাওয়াতে ও বলল, মনে পড়ে গেল পাখির কথায় ; বলুন তো এই লাইন দুটি কার ? বপেই সুর করে টেনে টেনে আবৃত্তি করল—

“সুখ নেইকো মনে,
নাকছাবিটি হারিয়ে গেছে
হলুদ বনে বনে...”

কিছুক্ষণ অপেক্ষা করে বলল, কী ? জানেন না তো ?

বললাম, পংক্তি ক’টি দারুণ । তবে কার লেখা জানি না ।

অনেকক্ষণ ও চুপ করে রইল, তারপর বলল, আপনি কিছুই জানেন না । আপনি নিজেকে জানেন ?

বললাম, আমি নাই বা জানলাম । তুমি তো জানো ।

ও বলল, জানি । মুখে বলি না বলে কি ভাবেন জানি না ? আমি সব জানি । এমন অনেক কথা আছে যা না বললেই অনেক স্পষ্ট করে বলা হয় ! আপনি হয়তো বিশ্বাস করেন না । কিন্তু আমি করি । আসলে আজকাল আপনি আমাকে দেখতে পারেন না । একটুও ভালবাসেন না, কিছু না ; খারাপ ।

আমার জবাবের আগেই শুনতে পেলাম ও রিসিভারে মুখ রেখেই উঁচু গলায় বলল—যাচ্ছি মা ।

তারপরই বলল, ঋজুদা, কারা যেন এসেছেন, মা একা আছেন, আমায় ডাকছেন । আজকে রাশি, হ্যা ?

রিসিভার রাখতে রাখতে তাড়াতাড়ি বলল, বলুন কবে আসবেন ? এবার থেকে রোজ আসতে হবে ।

বললাম, আসব, দেখো ঠিক আসব ।

সত্যি ?

সত্যি ।

নয়না একদিন বুঝতে পারবে যে, আমি আমার ভিক্ষাপাত্র নিয়ে আর কোনওদিন ওর কাছে গিয়ে নির্লঙ্ঘের মতো কাঙালপনা করব না । এতদিন তো ভিখিরির মতোই ভালবেসেছি—কিন্তু সেদিন আমায় যে রাজমুকুট ও নিজে হাতে পরিয়ে দিয়েছিল সে মুকুট খুলে ফেলার মতো এত বড় হীন আমি কী করে হব ? রাজার অভিনয় করে আমি আমার অনন্যা নয়নার সমকক্ষ হব । ও একদিন সবই জানবে । সবই জানতে পাবে । কিন্তু ও কোনওদিন জানবে না যে, আমার এই বুকভরা আর্তি থাকবেই । ওর সঙ্গে দেখা হলেই ভিতরের ভিখিরিটা রাজার মুখোস ছিড়ে ফেলে হাঁটু গেড়ে বসে ভিক্ষা চাইবেই ।

এই ভাল । দেখা না হওয়াই ভাল । কথা না হওয়াই ভাল । তার চেয়ে আমার দুরন্ত লোভগুলি আমার বুকের ভিতরেই ঘুমিয়ে থাকুক অথবা বুকের ভিতরেই ঘুম-ভেঙে উঠে আমার সমস্ত অস্তিত্বকে ক্যানসারের মতো কুরে কুরে খেয়ে ফেলুক ; তবু নয়না আমার সুখে থাকুক, খুশি থাকুক । আমার অশেষ আর্তি তার সুখকে কোনওদিন যেন বিঘ্নিত না করে ।